





181

~~V1875~~



DE  
VSVRIS LI-  
BRI DVO FRAN-  
CISCI HOTOMANI  
IVRISCON-  
SVLT I.



LVGDVN I,  
Apud Ioannem Frellonium  
M. D. LI.



13 5 A 24

V S V R I S L I

B R I D G E P R A N

C I S C I H O T O M A N I

I V R I S C O N

A T T I



L A G D A N I

A p u d J o a n n e m F e l l o n i u m

M. D. L I I



3

POTENTISSIMO MA  
GNIFICENTISSIMO  
que consuli, Senatuique Bernensi, Franciscus  
Hotomanus S.



**M**AGNA profecto sapientissimis hominibus gratia debetur, quorum in legibus rogandis egregia opera industriæque magnam maiori- bus nostris utilitatem attulit. Quum enim no- bis Deus maiore nihil studio ac diligentia quam civilem so- cietatem commendari, nulla certe res secundum religionem excogitari potest, quæ res communem utilitatem continen- tes, quas publicas appellamus, perinde tueri ualeat, aut earum dignitatem sanctam teclam ab omni periculo conserva- re. Est enim singularis quædam legi bene ac sapienter con- stitutæ diuinitus adiuncta uis, atque autoritas. Sed quum nulla unquam natio legibus atque institutis caruerit, tum uerò dubium nemini est, Romanos in eo genere longè mul- tùmque cæteris omnibus præstitisse. cuius quidem rei potis- sima mihi uisa ratio illa est, quòd etsi neque consilij neque au- dacie unquam eguerint, minime tamen, id quod apud Salu- stium Cæsar dixit, superbia illis obfuit, quominus aliena instituta, si modò proba erant, imitarentur. Igitur quod ubique (ait) apud socios aut hostes idoneum uidebatur, cum summo studio domi exequabantur. Ex quo enim uero legi- bus Romanis adeò tributum est, ut M. Cato apud eundem scriptorem imperij Romani amplitudinem non bellicis ar- tibus sed legum sanctitati Reique publicæ administrandæ peritiæ, acceptam ferat. Nolite (inquit) existimare maio- res nostros armis Rempublicam ex parua magnam fecisse.

\* 2

Stita res esset, multo pulcherrimam eam non haberemus, quippe sociorum atque ciuium, præterea armorum atque eorum quorum maior nobis copia, quam illis est. sed alia fuere quæ illos magnos fecere: domi industria, foris iustum imperium, &c. Præclare igitur acer & uerus rerum æstimator Virgilius, quum alijs gentibus suas laudes tribuisset, aut sculpendi: aut pingendi, demetiendive celi, Romanis gubernandi imperij quasi peculiarem quandam provinciam assignauit.

Tu regere imperio populos Romane memento.

(Hæ tibi erunt artes) pacisque imponere morem.

Quamobrem T. Liuius quum initio secundi libri populi Romani res præclare gestas scribere instituit, non dubitauer affirmare ausus est, imperia legum potentiora quam hominum extitisse. Quæ quum ita se habeant, magnam profecto ueteribus Prudentibus gratiam debemus, qui eas nobis non modo incorruptas atque integras, uerum etiam pulcherrimis doctissimisque suis scriptis illustratas tradere uoluerunt. Atque utinam quidem utroque hoc eorum beneficio fruentes parem eis pro tantis in nos meritis gratiam habere possemus. Verum quum istam nobis integram absolutamque felicitatem, casus aliquis inuiderit, & ex tantis copijs & opibus, afflictis rebus, tam parue nobis reliquæ supersint, eas tamen quoad fieri à nobis poterit, summo studio atque obseruantia colemus, & memoriam diuini immortalisque beneficii pie inuiolatæque seruabimus. Itaque quum præter superiorem illam calamitatem, quam equidem grauitè pro eo ac debeo molestèque fero, (eisi enim fateor nonnulla redundantia, atq; etiã superuacanea, in tan multorum scriptorum monumentis extitisse, tamen quemadmodum in scribendo, ita etiam in rescindendo modum adhiberi oportuit: & non, quod



quod imperiti medici faciunt ; de uiuo etiam refecari) illud  
adeò acceſſerit , quòd quæ nobis Iuſtiniani uoluntate reli-  
qua facta ſunt, ea ſerè ſiue temporis uitio, ſiue quorundam  
hominum negligentia deſerta atque inculta etati noſtræ tra-  
dita ſunt, ad meum officium pertinere exiſtimauī, etſi quod  
poſſum perexiguū eſt, tamen quod poſſum id omne in opti-  
mos authores adiuuandos, & ab hominum iniuria uindican-  
bos ſtudioſiſſimè libentiſſimèque conferre. Ac mihi quidem  
ſuperioribus annis nonnihil iſtiusmodi præſtitiffe uideor,  
dum illuſtrem illum & nobilem locum de Gradibus cognatio-  
nis & affinitatis : & Actiones iuris ciuilis, quæ ſumma &  
obſcuriſſima quæque legum Romanarum capita continent,  
quantum quidem ingenio & labore contendere potuimus,  
commentarijs illuſtrauimus. Nunc uerò quando pulcher-  
rimum quoque & facile principem totius noſtræ diſciplinæ  
locū de uſuris, & ſceneratorum negotiatione, non parū ope-  
ra indiſtriāque noſtra adiuuiſſe putaremur, cœpimus etiam  
de noſtris edendis lucubrationibus, earūque fructu cum  
ſtudioſis communicando cogitare. Et quoniam ad prin-  
cipes & primarios uiros legum adminiſtratio, regendæq;  
Reip. cura pertinet, quos, ut à Platone diuiniſſimè ſcri-  
ptum eſt, ſicuti gubernatores uectorum & nauis ſaluti, ita  
ciuilis ſocietatis incolumitati certa oportet atque conſti-  
tuta lege conſulere : non erubui Potentiſſimi & magnifi-  
centiſſimi principes & domini, paruū hoc & tenue o-  
puſculum amplitudini ueſtræ dicare, non quòd quicquam  
Romanorum inſtitutis ac moribus aut prouiſum ſapientius,  
aut præclariuſ conſtitutum eſſe arbitrèr, quàm quod opti-  
mè conſtitutæ ciuitatis ueſtræ legibus comparatum eſt:  
ſed quòd partim ſingulare quoddam animi mei in iſtam am-  
plitudinem celſitatēque ueſtram ſtudium atque obſeruan-

tiam significatione aliqua testari uellem, qui & in urbe  
imperij uestri nobili ac præclara, & uerò etiam iuuentu-  
ti bonis artibus instituendæ præfectus beneficio uestro in  
his me studijs exerceo: partim ut sempiternum quoddam te-  
stimonium extaret uestræ istius in literas & literatos ho-  
mines beneuolentiæ atque liberalitatis. Nam hæc quoque  
particula quædam fructus erit illius, quem uobis ista singu-  
laris munificentia & liberalitas sine dubio allatura est: quum  
ex hoc celeberrimo literarum domicilio exhibunt beneficio  
uestro omnibus propè ingenuis artibus exculti, atque per-  
politi homines, qui sempiternis monumentis testabuntur o-  
mnibus mortalibus, Senatui Bernensium ad istam bellicæ  
uirtutis, rerumque fortiter & præclare gestarum laudem ac  
splendorem, amorem quoque in literas maximè rarum &  
prope inauditum adiunxisse. Quare uestræ humanitatis  
erit illustrissimi & potentissimi principes, munus hoc no-  
strum amplitudini uestræ dicatum beneuolo animo & beni-  
gno accipere: quæ quanuis sua sponte magnitudine rerum  
gestarum nobilitata, alienæ commendationis non indigeat,  
nonnihil tamen etiam splendoris atque dignitatis huius quo-  
quæ fortasse generis monumentis apud posteros cōsequetur.  
Quod reliquum est, Optimo Max. rerumque omnium præ-  
potenti Deo uota facio ex animo, neque uerò unquam face-  
re intermittam, ut Rempublicam uestram sanctissimis opti-  
misque legibus fundatam, ad multas seculorum ætates flo-  
rentissimam augustissimamque conseruet. Pridie nonas  
Ianuarij Anno M. D. L. I.

# LEGES IN HIS LIBELLIS ALITER quàm vulgo soleant explanatæ, aut conciliatæ,

L. 2. D. Si cert. petat.	9
L. quum quidam, § in tantum, D. de usur,	20
L. eum qui. D. de his quibus ut ind.	20
L. usuræ, D. de usur.	20
L. qui Romæ, D. de uerb. obligat.	36
L. nam etsi, & l. in diem, D. de cond. indeb,	56
L. 3. D. ad leg. falc.	77
L. ebs, C. de usuris	81
L. penult. D. de naut. scen. & l. 4 D. cod.	94
L. usuræ. C. de usuris.	103

# LOCATA QVAE DAM bonorum authorum in his libellis explanata.

Et tertia Catilinaria, quid sit Certare cum uisuris fructibus prædiorum.	15
Ex epistolis ad Atticum, quid sit Anatocismus.	25
Apud Lucianum & Aristophanem, τόνοι τόνων quid si- gnificet.	26
Emendatus Ciceronis locus in libro de officijs secundo.	
119	
Plutarchi locus explanatus in uita M. Catonis.	132
Locus ex cap. v. Euangelij Lucae.	137
Lex Moſis de fœnore, ex libro Deuteronom.	138

# FRANCISCI HOTOMANIDE VSVRIS LIBER

PRIMVS.

\*

*Quæ sit vsuræ & fœnoris notatio, tum præterea  
quæ inter utrūque differētia sit, ad extremum  
quæ sit vsuræ proprie & speciatim sumptæ de-  
finitio hoc primo capite breuiter, & perspicue  
declaratur.*

CAP. I.



S V R A ab vtendo dicta est Vsuræ  
quæ si ad exactum iudicium re- notatio.  
uocetur, aliud nihil est quàm Vsuræ  
vsus. Vnde lucis, vitæ, pecuniæ quid pro  
vsura ei concedi dicitur, cui priè signi-  
vri luce, vitæ, pecunia conce- ficet.  
ditur. Cicero libro Tuscula.

primo, Natura dedit vsuram vitæ tanquam pecu-  
niæ, nulla præstituta die. Quid est igitur quòd que-  
rare, si repetit quum vult? ea enim conditione ac-  
ceperas. De mutuo Cicero loquitur, quam vsuram  
pecuniæ nominat, quoniã vsum pecuniæ continet.  
Sed factum est, vt vulgo vsura pro vsuræ pretio,  
vel potiùs æstimatione à Latinis vsurparetur: simi  
li forma figuræque loquendi, qua locationē & con- Locatio  
ductionem pro locationis & conductionis pretio pro loca-  
posuerunt. Paulus in l. locatio. D. de publ. & vect. tionis  
mercede.

A

" Locatio vectigalium quę calore licitantis vltra mo-  
 " dum inflatur. & l. fideiussores. D. de fideiuf. Quo-  
 " niam in sola centum annua se obligauerat, non in  
 " omnem conductionem. Itaque multis locis incre-  
 mentum illud, quod cum eo quod accepit debitor  
 reddit, quasi propter sortis vsum, vsuram Cicero  
 appellat. Idque ipsum loquendi genus imitati Iuris  
 consulti nostri sunt, vsuram appellantes id quod  
 propter sortis vsum simul cum ipsa sorte redditur.  
 Eamque significationem quum in omnibus, vt ar-  
 bitror, iuris ciuilibis locis, tum verò in eo tractatu per  
 petuò tenuerunt, qui De vsuris inscribitur libro  
 Pandectarum vigesimo secundo. De quibus ipsis  
 quoniam in animo est diligenter & accuratè, breui-  
 ter tamen, strictimque disserere, quo quidem insti-  
 tuto difficilem ac periculosam nauigationem no-  
 stra profectò ingreditur oratio, operæpretium me  
 facturum arbitror, si priùs quàm vela pandamus  
 disputationis, eam antè paululum tanquam è portu  
 definitione, diuisionèque quasi quibusdam remis  
 propellamus. Et si enim vsuram pro vsus pretio &  
 æstimatione vulgo accipimus: scire tamen nos o-  
 portet duas eius species, si quis subtiliter & enuclea-  
 tè rem perpendat, inueniri posse, alteram quę no-  
 men à suo genere distinctum habeat, quę vocatur  
 Fœnus: alteram verò quę in generis sui appella-  
 tione consistat, & vsura nominatur. Sic enim tenui-  
 ter vnāquāque rem Iuriscōsulti solent exigere,  
 & vt ita dicam, ad viuum rescare. Nam & cognā-  
 tionem ab agnatione simili modo secernunt, & ab  
 arrogatione adoptionē, & conuentionem ab obli-  
 gatione

Vsuræ &  
 fœnoris  
 differen-  
 tia.

gatione. Ac fœnus quidem est (vt Festus Põpeius & Gellius scribunt) ab eo dictum, quòd quasi fœtura quædam pecuniæ sit. Ex quo idipsum quod Græci *τόκος* appellât, apparet à Latinis fœnus nominari. Nam ab eo, vt Aristoteles libro de Republica primo tradit, nomen inuenit, quòd vt similia generantur à similibus, ita numus numum parit. Itaque *παρά τὸ τίχτειν* illud deriuant, quod Parere Latine significat. Eoque pecuniam fœnerare vulgo dicimur, quum eam ita collocamus, vt quasi à re fœcunda, ita ab ea aliquam insuper pecuniã, quasi fœtum eius exigamus, et fœnerationem, ipsam pecuniæ locationem: pèrinde ac si animalia quis ita locet, vt eorum fœtus reposcat. Vnde illud intelligi volumus, fœnus esse, propriè ac speciatim accepto nomine, lucrum illud, quod quis captat ex nuda pecunia, veluti quum Mensarii, quos Banquarios nostri vocant, pecuniam mutuo dant, non vt accipienti commodent, sed vt inde lucrum aucupètur, ex quo etiam illorum quæstus Latine fœnus dicitur. Sed vsura quum ab usu appellata sit, aliam vim atque significationem ab hac notatione retinuit. Vsuram enim qui petit, ipsum quodammodo usum petere videtur, quippe qui eius perpetuò remansit, nec vnquam cuiquam ab eo datus, aut cõcessus est. Quem quidem usum quia repetere nõ potest, vt pote consumptum, eius petit æstimationem ac pretium, vt quum emptor rem traditã possidet, neque tamen pretium exsoluit, itaque contra venditoris voluntatem vitur pecunia, poterit venditor ex empto actione non dico usum cõsequi, quia consumptus

Fœnus  
vnde dictum.

Fœnus  
quid sit.

est, sed certè illius æstimationem. l. ult. D. de peric. & cōmod. rei vend. l. Iulianus. §. ex vendito. D. de act. empt. Et hæc quidem vsus æstimatio vt diximus, vsura nominatur, quæ quoniã vsum quodammodo repetit, scenus dici nullo modo potest: eò quòd & is, qui scenerat, vsu dat in mutuo necessariò: eumque ideo petere non potest, & quum venditor damni accepti compensationem duntaxat postulet ob id quòd vsu suæ pecuniæ caruit, scenerator ex ipsis quasi numum corporibus tanquam ex re scœcunda conatur numos exprimere, id quod ne ipse quidem si numos habuisset potuisset efficere. Alter autem vsus esset proculdubio sua re, & ex ea coniuncta cum opera industriæque sua quæstum negotiando & parando fecisset, quum ille sine opera ex nudis numum corporibus lucrum capter, atque aucupetur, & vt vno verbo absoluam, alter de lucro captando, alter verò de damno vitando contendit. Nam vt clarè Paulus inquit, vsuræ non propter lucrum petentium, sed propter moram non soluentium infliguntur. l. quum quidam, §. si pupillo. D. de vsur. Vnde apparet non tam horum vim atque notationem verborum cogitasse Senecam, quum scripsit scenus & vsuram contra naturam inuenta esse nomina, quàm vsu loquendi popularè atque peruulgatum. Nam scenus quidem contra naturam inuentum est, quoniam, vt paulò post id oneo loco fusè probabimus, ex re sterili scetus captat. Vsura verò id petit, quod eius interfuit, qui vsu suæ pecuniæ caruit: & vsus eius æstimationem. Sed quemadmodum iam antè dictum à nobis est plerunque



que etiam pro fœnore vsurpatur, ac nomen generis obtinet. Cuius quidem generis quoniam certa aliqua species est, quæ nunquàm cum genere suo confunditur, & fœnus appellatur, aliam quoque speciẽ ab ipsius generis nomine expressimus: quã vsuram nominamus. De cuius definitione nobis breuiter explicandum est, quò facilius id quod docere volumus intelligi possit. Est igitur vsura strictè ac speciatim sumpta nihil aliud, quàm pretium, seu potius æstimationis vsus sortis consumptæ cum damno creditoris. Hæc definitio, vt mihi quidem videtur, & clara est, & rectè quęcunque ad eam speciem ab omnibus aliis distinguendam pertinent, completitur. Nam quum Aestimatio generale nomen sit ad multa pertinens, æstimationem vsus posuimus, & quia etiam in Locatione cõductioneque vsus æstimationem ac pretium diximus, verbũ Sortis, adiunximus, quoniam siue docendi causa (vt fit in omni disciplina) siue consuetudine quadam loquendi factum est, vt ad eas res hæc appellatio restringeretur, quas vulgò sortis nomine complectimur. Id quod clariùs etiã explicauimus, quum addidimus Consumptẽ, propterea quòd earum rerum, quarum vsura constat, non tam vsus, quàm abusus est: quippe quum sine consumptione præstare nullum vsus possint. Quo magis à locatione separatur hæc species, in qua ipsa locatione res conducta extingui, consumi q; nõ debet. Quantum quoniam illa accessio quam & in fœneratione & in societate ex nostræ pecuniæ vsu & consumptione præter sortem exigimus, aut quum athletæ

Vsura ple  
runque  
pro fœno  
re

Vsurę de  
finitio.

vt se exerceret ,piscatorive erogaturo in apparatū pecuniam dedimus,& præter id quod dedimus aliquid insuper ob vsum nostræ pecuniæ consequimur vt docet Scæuola in. l. periculi D. de naut. fœn. quoniam inquam hoc incrementum pretium quoddam est vsus sortis consumptæ,eoque nostra definitio nō satis ab eo genere segregata seiunctaque videretur,addendū præterea putauimus, Cum damno creditoris,quo verbo casus illos ab hac nostra specie distinximus:propterea quod neque fœnerator,neque socius, aut qui athletæ piscatorive sortem dedit,consumptam suā pecuniam,aut damnum sibi illatum ob id quod vsu suæ pecuniæ caruerunt,queri possunt:quippe quum vt ab alio pecunia consumeretur ob suum ipsi commodum procurarint ,ac nulla volenti atque cupienti fiat iniuria. Ex quibus perspicuum esse arbitror , veram esse à nobis traditam vsuræ definitionem:quum quidē, vt clarè constat,aliud nihil sit Aestimatio vsus sortis cōsumptæ cum damno creditoris, quàm vsura: & rursus vsura nihil aliud, quàm hoc ipsum, quod ea definitione explicauimus: vt quasi eo vno verbo includeretur,quod postea pluribus verbis explicatum à nobis atq; patefactum est. Simul illud etiā intelligitur,neque satis absolutam illorum esse definitionem,qui scribunt,vsuram esse id quod supra sortem redditur : propterea quod & fœnus supra sortem redditur,& pœna,& id quod interest,vt postea docebimus:quæ tamen vsuræ appellatione minimè continentur,neque huic de vsuris tractationi magnopere illam cōuenire, quæ quidem ab aliis tradita

tradita est, qui scribunt vsuram esse lucrum supra sortem exactum, tantum propter officium mutationis, quippe quum ad fœnoris appellationem potius pertineat: & ad vnam tantum simplicem ac solitariam mutationis causam restricta sit. Nam ad omnes omnino vsurarum formas in hac tractatione respicimus, quibus alterius pecunia cum creditoris detrimento quis vitur: quæ ipsæ quàm sint innumerabiles nemo non videt, quippe & heres, si fideicommissario pecuniam à testatore relictam nō soluit, sed ea fruitur, & emptor, si pretiū retineat, & focer dotem, & tutor pupilli pecuniam cum creditoris damno alterius sorte fruuntur, & ob eam causam vsuras debent, quemadmodum nos quidem copiosè deinceps explicabimus, si modò quarum rerum vsura consistat, exposuerimus antè breuiter, vt aditum ad ea quæ pòst sequentur clariorem, illustriorémque reddamus.

*Quarum rerum vsura consistat, & de earū rerum natura latè differitur hoc sequenti capite, in quo etiam ex re nata declaratur nobile responsum Pauli. in l. ij. D. Si cert. petat. Explanatur prætereà. quid sit apud Ciceronem, Certare cum vsuris fructib. prædiorum. CAP. II.*



Et si autem, vt modò diximus, vsuræ verbum ad omnes eas res, quarū quidam vsus est, pertineat: quemadmodum ramen in omnibus artibus docendi causa permulta nomina latè patientia reuocantur ad quoidam casus, eosque per-

VSVS  
SORTIS

Vsura  
quarum  
rerum cō  
sistat.

paucos, ita certè factum est vt ad earum tantum vsum rerum hæc appellatio restringeretur, quæ vsu ipso pereunt atque consumuntur, quarum naturam non alienum est hoc instituto copiosius exponere. Eiusmodi verò sunt, quas nostri pōdere, numero, & mensura constare scribunt: veluti oleum, frumentum, pecunia numerata. l. ij. D. si cert. petat. præterea etiam in abusu consistere. l. hoc senatusc. § j. & l. si vini. D. de vsuf. ear. rer. quæ vsu. Vnde Cicero Topiconū libro, Non debet (ait) muliere ea, cui vir bonorum suorum vsum fructum legauit, cellis vinariis & oleariis plenis relictis, putare id ad se pertinere. Vsus enim non abusus relictus est. Id quod ob eam causam dictum est, quoniam earum, vt dixi, rerum vsus planè nullus est, nisi si consumantur: itaque qui his vtitur abutatur. Quocirca preclare Paulus in d. l. ij. Credendi verbum ad eos casus pertinere propriè respondit, quibus earum vsus rerum conceditur: nec in cæteris rebus rectè nos in creditum ire: quoniam qui earum vsum concedit, nō tantum possessionem, verum etiam dominium earum credat necesse est. Qui verò vel cōmodat, vel deponit, non modò dominium, verum etiam possessionem retinet. l. rei commodatæ D. commod. l. licet. D. de pos. eòq; non tantum credere, id est, fidei debitoris cōmittere dicitur. Vnde Alfenus. l. in naue. D. locati. duo hæc in creditum ire, & Dominium retinere, tanquam contraria inter se opponit. Aut enim res (ait) locatur, vt idem reddatur, sicuti quum vestimenta fulloni curanda locantur: aut eiusdem generis vt quum argentum datur fabro vt vasa

In creditū  
ire.

vasa fiant, ex superiore casu domini res maneat: ex posteriore in creditum itur. hæc Alfenus. Ob has causas dicuntur prætereà res eiusmodi functionem in genere suo, potiùs quàm in specie recipere. d. l. ij. D. si cert. petat. id est, ut ego quidem interpretor, pensionem, siue satisfactionem: quasi quis dicat, solutionem & satisfactionem, quæ sit harum rerum debitarum, non ipsius speciei fieri, sed generis: propterea quòd non eadem corpora redduntur, quippe quæ consumpta sunt, sed tantùm eiusdem generis. In hac significatione functionis verbum accipitur, in l. omnium. l. vectigalium; C. de vectigal. nimirum pro præstatione. Et apud Cicero. lib. accusationis tertio. Quis non maximo se affectum beneficio putavit, cum tribus decumis pro vna defungere tur. Idem eodem lib. Tamen hoc vobis est statuentum, quid aratorem ipsum arationis nomine muneris in Rempu. fungi ac sustinere velit. Vlpianus prætereà. l. iij. D. de dot. coll. fungi dotis collatione dixit. & l. prætor. D. de prætor. stipul. fungi pignoribus & auri depositione. Quod verò dictum hoc alii arbitrantur ea re: quia in harum rerum solutione altera res alterius vice fungeretur, equidẽ, quòd eorum pace dixerim, nõ arbitror esse probabile. Constat enim eo loco Paulum alias res, id est, quæ in specie sua functionem ac solutionem accipiunt, his rebus tanquam contrarias opponere. Nam & commodatum functionem recipit eadem ipsa specie, quæ commodata est reddita, ipsumque etiam depositum, & pignus, & quædam prætereà eiusmodi. Atqui si quis ita Pauli verba interprete-

Explana-  
tur l. ij. si  
cert.

Functio-  
nis ver-  
bum.

Functio  
pro præ-  
statione  
sumitur.

tur, vt illæ res in suo genere alterius vice fungerẽ-  
tur: non poterit ea fieri aliarum rerum compara-  
tio quam hîc Paulû explicare perspicuum est. Alio  
qui dicendum esset alias res, veluti commodatas,  
& depositas, in specie sua fungi vice alterius. Quo  
nihil dici potest obtusius. Nam quæ res commodata  
aut deposita redditur, nullo modo fungitur vi-  
ce aut sua aut alterius, neque in specie, neque in ge-  
nere. Cicero lib. Accusationis tertio, Quis non ma-  
ximo se affectum beneficio putauit, cum tribus de-  
cumis pro vna defungeretur? Omnino autem cer-  
tum est comparisonem vtrarumque rerum hîc fie-  
ri: quemadmodum his verbis Paulus indicat quum  
ait. In aliis rebus aliud pro alio solui non potest.  
Quoniam in cæteris solui poterat, modò eiusdem  
generis, vt clarè significat quum ait, eas in genere  
suo functionem recipere per solutionẽ, id est, aliud  
pro alio solui posse: non autem in specie, quam ne  
habere quidem dici possunt, sicuti Vlpianus aper-  
tè docet in l. quum Stichus D. de solut. quum ait,  
res eiusmodi in communi specie contineri: quasi di-  
cat, eas non habere speciem quandam sibi pro-  
priam, ac peculiarem, & ab aliis eiusdem generis  
distinctam, sed cum aliis communem. Atqui si fit  
comparatio, & aliæ res in suo genere functionem,  
id est, præstationem recipiunt, alias res oppositas  
in sua specie recipere consentaneum est. Atque hoc  
scilicet ipsum est quod vulgo dici solet, in hisce re-  
bus magis quantitatem, id est, vim ac momentum  
cogitari, quàm corpora. l. Titia D. de legat. ij. l. si is  
cui D. de solut. siquidem quum has res verbi causa

mutuam

mutuamur, non tam earum corpora, id est, species ipsas, quàm quantitatem, hoc est, vim ac momentum, & ut ita dicam, valorem mutuamur, veluti quum aureos, ut nunc loquimur, scutatos mutuo accipimus, quantitatem potius quadragintaquinque solidorum & valorem quàm ipsa aureorum corpora accipimus, contra quàm in deposito, & similibus, ubi corpora deponuntur, & non quantitas. l. Lucius j. D. depos. denique hac ipsum Paulus etiam aperte significat in l. j. §. non solum D. ad leg. falc. ubi ea quæ corpore constant ab iis, quæ pondere, numero, & mensura constant, manifestissimè distinguit. Quod autem nonnulli Pauli verba ita accipiunt, ut quod ait. Quàm specie: referri ad id putent, quod antecedit, Per solutionem, quasi functionem hæ res recipiant potius per solutionem, quàm per speciem: in qua etiam fuisse Budæum sententia quidam affirmant, hos & pueriliter hallucinari, & tanti viri autoritate fallò abuti existimo. Etenim nemo non videt verbum, In specie, cum verbo, In genere apertissimè comparari. Sed quoniam quæ sit harum natura rerum satis superque ostendimus, nunc tempus est ad id quod instituimus reuertere. Quum igitur aliarum quidem rerum omnium vsura dici possit, ad eas tamen omnino restricta hæc appellatio est, quæ vulgò abusu potius quàm vsu contineri, & propriè in creditum dari, & functionem in suo genere quàm specie recipere, denique quarum corpora non tam spectari, quàm quantitas dicuntur. Id quod vel ex hoc vno Papiniani responso intelligi potest in l. iij. §. ult. D. de vsur. ubi, si auro vel argento

Quarū  
rerum v-  
sura con-  
sistat.

gento factō per fideicommissum relicto mora inter-  
uenerit, respōdit, si vasa quasi corpus relicta essent,  
nempe vt iis fideicommissarius vteretur, vsuras nō  
deberi: si verò quasi quantitas, nempe vt iis distra-  
ctis pecunia vteretur, aut alimenta præstarentur, v-  
suras deberi, quod ipsum idem in specie non omni-  
no dissimili tetigit in l. deducta §. ante diem D. ad  
Senatusc. Trebell. Quòd autem quidam existimāt  
dubitari posse propter l. quum quidam in fi. D. eod.  
vbi Paulus eum à quo statuar ponendæ legatæ sunt,  
si non posuerit, vsuras debere scribit: quasi statua-  
rum vsuras exigī significet, planè ridiculum est, nō  
enim statuarum, sed pecuniæ hæreditatē, qua emi sta-  
tuas oportebat, vsuræ exiguntur. Vt is Heraclius,  
de quo Cicero libro Accusationis secundo cōme-  
morat, qui non inuentas in hæreditate statuas in pa-  
læstra ponere debebat: id est, eas comparare ex hæ-  
reditaria pecunia. Denique Vlpiani verba plusquā  
manifesta sunt in l. si legatū publicū D. de operib.  
legat. vbi hæredes pecuniā intra certum diem depo-  
nere iubet, qua statuar cōparari possint. Itaq; quòd  
alibi hoc est in l. hæres in fi. D. de petit. hæred. Pa-  
pinianus ait fructuum vsuras deberi de pretio, quo  
fructus æstimati sunt, intelligendum est: quem-  
admodum ex aliis locis colligitur, vbi quod rerum  
mobiliū vsuras deberi dicitur, de pretio quo ta-  
xatæ sunt. Imperator interpretatur l. hac edictali §.  
his illud. C. de secund. nupt. & l. vn. §. si autem C.  
de rei vxor. act. vt. iam vsuræ nō ipsorum corporū  
sed quantitatis & æstimationis debeantur. Quod  
ipsum similiter intelligendum est in specie l. j. D. de  
naut.



naut. fœn. vbi Vlpianus non modò pecuniæ traiecititæ, sed etiam mercium ex ea comparatarum vsuras persolui scribit, sed non tanquam corporum, sed quasi quantitatis & æstimationis. Vnde etiam constitutum est, vt quemadmodum in mutuum, & si sola quantitas cadat: tamen si corpus æstimatum detur, mutuum contractum sit l. rogasti. D. Si cert. petat. Ita in hoc genere ex corpore æstimato vsuræ exigantur: quia neque mutuum, neque vsuræ quasi corporis, sed quasi quantitatis existimantur l. pro auro. C. de vsur. l. si pro mutua. C. si cert. petat. Denique Papinianus rem omnem vno verbo conficit in l. eum qui. D. de his quib. vt indig. vbi eum qui tantum fideicommissum suscepit, respondit, si fructus vendidisset, eorum pretii vsuras debere: si fructus in vsu habuisset, non debere. Porro autem quemadmodum vsuræ non tantum pecuniæ numeratæ, verum etiam aliarum præterea rerum omnium consistunt, quas nostri Species appellant, veluti vini, olei, ac frumenti ex iis quæ dicta sunt notum omnibus esse arbitror. Id apparet præterea ex l. quum non frumentum, & l. olei. cum similib. C. de vsur. sed & capite Leuitici vigesimoquinto, & Deuter. vigesimotertio, quo Moses fœnerari prohibet, non tantum pecuniam, verum etiam fruges & esculenta, aliasque præterea res consimiles enumerat. Illud potius videndum est, quoniam scribit Aristoteles, fœnus ex numis numos parere, sicuti similia generantur à similibus, an semper eiusdem generis cuius est ipsa sors & fœnus & vsura consistent. Id quod frequentius accidere non dubium est. Quippe quum

fœnus,

Vtrum  
vsura sē-  
per ex sor-  
tis genere  
consistat.

fœnus, vt ita dicam, nihil aliud quàm sortem ipsam  
 foueat, fomentóque suo adaugeat, aut, quòd accō-  
 modatius videri potest: quemadmodum terra se-  
 men tepefactum vapore & complexu suo postea  
 fusius atque vberius reddit, ita sortem consumptā  
 postea maiorem vberiorémque regeneret. Nam in  
 Catone Maiore incrementum illud quod cum eo,  
 quod accepit, terra reddit, Cicero vsuram & fœnus  
 appellat. Et profectò ita est, vt nisi nominatim a-  
 liud inter contrahendum conuenerit, cuius gene-  
 ris fors ipsa est, eius quoque generis vsuram reddi  
 oporteat. Quod quidem in solo mutuo locum ha-  
 bet, quo nulla adhuc mora commissa est. Nam in le-  
 gato vini & specierum, aliisque similibus negotiis,  
 quibus vsuræ post moram debentur, non ipsæ spe-  
 cies, sed earum æstimatio, eoque etiam æstimatio-  
 nis, id est, pecuniæ vsuræ exiguntur. Sin adiecta lex  
 fuit conuentioni, eius prorsus generis vsuræ de-  
 bebuntur, de quo conuentum est. vnde & prædio-  
 rum fructus vsurarum nomine posse percipi satis  
 constat ex l. si ea lege C. de vsur. itaque hæc Vlpia-  
 ni verba intelliguntur, in l. magis puto §. item præ-  
 tor D. de reb. eor. qui sub. Prætor illud obserua-  
 bit, ne plus accipiatur sub obligatione prædiorum  
 fœnoris &c. prætereà species quædam refertur in  
 l. quum non frumentum C. de vsur. vbi non fru-  
 mentum sed pecunia accepta erat fœnori, vt certa  
 modiatio tritici præstaretur, quinetiam in l. si ea  
 pactione eod. pactionis cuiusdam mentio fit, qua  
 quum fors quidem esset in pecunia: vsurarum ta-  
 men causa, ædium habitatio permetteretur, eam-  
 que

que vsuræ speciem Martianus in l. si is qui § j. D. de pignorib. & l. si pecuniam D. de pign. act. ἀντίχρησις Quid sit Antichrisis. appellat, Si quando in vsuras (inquit) creditor fructus percipiat. Ex quo ipso breuiter explicari posse arbitror subtile dictum Ciceronis & elegās, Ciceronis locus. Oratione tertia Catilinaria, cuius multi antehac interpretationem quæsiuerunt: quum ait, Catilinæ socios quoddam stultissimum est facere: certare scilicet cum vsuris fructibus prædiorum. Conuenerant enim cum fœneratoribus, ut eorum prædiorum, quæ pignori pro sorte & vsuris acceperant, fructus pro vsuris colligerent. Cuiusmodi pacti mentio fit in l. j. § pacto. D. de pignorib. & l. Caius Seius. D. de pignor. act. Eueniebat autem ut quoniam vsuræ siue simplices siue in sortem redactæ longè maiores essent, quàm ut eas prædiorum fructus æquare possent, Catilinarii semper in annum elapsum debitores manerent. Obeamque causam è sequentis anni fructibus sumendum esset. Vnde fructus vsuris pares esse possent, quasque cum iis comparari atque contendere. Quod ideo stultissimum esse affirmat, quoniam ad extremum omnes sequentium annorum fructus prioribus annis debebantur, itaque proprietas ipsa ære alieno onusta creditoribus addicebatur. Vendi igitur prædia & possessiones oportebat, ut in specie illa nobili, de qua Ulpianus scribit in l. magis puto. ubi vsurarum modus carendum esse ære alieno suadet, ideóque vendere, quàm obligare satius erat. Quod tamen Catilinarii, quoniam amore possessionum tenebântur, facere nolebant. Quod si (ait) maturiùs vendere uoluissent,

luissent, neque (id quod stultissimum est) certare cum vsuris fructibus prædiorum, locupletioribus his & melioribus ciuibus vteremur. Sed hæc quidem hætenus. Nunc ad propositum sermonem reuertamur.

*Vsuras neque vsurarum neque fructuum deberi: sed sortis tantum. Anatócismum apud Ciceronem non id significare quod eruditissimi plerique existimant: neque unquam vsurarum vsuras ciuili Romanorum iure permisissas esse.*

CAP. III.

SORTIS  
CON-  
SUM-  
PTAE.



QUAE res igitur vsuræ stipulationem recipiunt prorsus sunt eiusmodi. Ob eamque causam disertè in definitione dictum est, vsuras ob vsum cõsumptæ sortis deberi. Consumptæ videlicet, necessario: quoniam sine consumptione vsus nullus extitisset. Sortis autem, primùm vt ostenderem earum tantum rerum vsuras cõsistere, quæ sortis appellationem recipiunt: tum verò ob aliud quiddam nihilominus necessariū de quo nunc dicere aggredior, nempe quoniam non semper harum vsuræ permittuntur: sed ita si modò sint summa principalis, quam summam Latini sortem, Græci tum κεφάλαιον, tum verò ἀρχαίον etiam appellāt, vt scribit Iulius Pollux, καλεῖτε δὲ κεφάλαιον, ἀρχαίον, τὸ δὲ ἔργον, τόκος. Nam si exempli causā Mæuius mea pecunia fruitur, quæ centum aureorū est, vsuras illius sortis & summæ principalis debebit, quod si vsuris quoque similiter fruatur: non tamen earum

rum nomine alias prætereà vsuras persolvere cogitur. Cuius discriminis quæ tandem ratio reddi possit, deinceps considerandum est. Quum enim sortis vsura ideo permittatur, quia meo incommodo ex mea pecunia tuas auges copias, fortasse dixerit aliquis, similiter in vsuræ pecunia statuendum esse, ut quoniã ea frueris, fructus eius nomine pensionem aliquam persolvas. Quis enim te uti cogit? cur me vsu meæ rei spolias? Quam ob rem vulgo adhuc ab omnibus existimatum est, fuisse hæc ipsam quam Cicero appellat Vsuræ renouationem. Scribit enim Cicero quadam ad Atticum epistola, habuisse se in edicto translatitio de Centesimis cum anatocismo anniuersario obseruandis. Sic enim vsurarum in singulos annos regenerationem, aut, ut ibidem scribit, renouationem appellat. Veruntamen lege aliqua postea factum esse contendunt, ut omnis vsuræ renouatio penitus abrogaretur. Cuius verò constitutione id cautum sit, ne ipsi quidem, ut arbitror, compertum habent. Existimo autem equidem, rem omnem accurato iudicio perpendens, tam magnas extare causas propter quas huiusmodi renouatio iniqua iniustaq; videretur, ut neque Ciceronis imperio, neque vllò vnquam Ciuili iure permissa sit. Nam primum omnium quum vel maximè Reipub. intersit certum ac definitum vsurarum modum constitui, quemadmodum omnibus temporibus repetita memoria factum esse apparet: si vsuræ vsurarum permittantur, quàm sit ea de re lex omnino inutilis ac frustra constituta quis non videt? Nam quum bessent tantum vsurarum no

Vsurarum vsuras  
nūquam  
permissas  
fuisse.

mine mercatori liceat exigere, si eius besis renouatio concedatur, in infinitum res crescet: & vsura illa legitima excedetur, nec ullus modus seruari in vsuris potest. Secundò perspicuum est multis casibus ac ferè semper contingere, vt vsura pœna sit. Atqui nihil absurdius fingi potest, quàm pœnæ pœnam exigere. id quod ex pœna corporali, cuius natura pecuniariæ similis est, intelligi potest. Nam si latroni pœna constituta sit exilium, & si eam nō dederit, dāpnatio in metallum, aut vltimum supplicium, ineptum esset vltimum supplicium putare esse pœnam non persolutæ prioris: ac non potius ratione ac respectu solius latrocinij grauiorē subinde pœnam constitui, quemadmodum in hac pœna pecuniaria etiam permittitur grauiorem pœnā exigere, sicuti refertur species in l. quanuis. C. de vsur. & l. Caius Seius. l. Seia. l. quum quidam. & l. pecuniæ. §. j. D. eod. veluti si quincunces mercator stipuletur, & nisi soluatur bessem: nō enim bes quincuncis non persoluti pœna est, sed sortis tantum. sicuti ex his Papiniani verbis intelligi potest

” in d. l. pecuniæ. Vsurarum stipulatio, inquit, quan-

” nis debitor non conueniatur committitur: nec in-

” utilis legitimæ vsuræ stipulatio videtur sub ea con-

” ditione concepta, Si minores ad diem solutæ non

” fuerint. non enim pœnā sed scētus vberius ratio-

” ne sortis promittitur. Quid dici potuit euiden-

” tius? Quam ob rem quod Paulus scribit in l. Caius

Seius. D. eod. consuetudinē esse, vt non illatis minoribus grauiorē infligerentur pœnæ nomine: ad sortem omnino referendum est. vt pœna grauior

siue

sue, vt Papinianus eo loco appellat, fœnus vberius, ratione sortis exsoluatur: quia Pœnæ verbū, ibi pro vsura ponitur, vt postea latius explicabimus: & clarè cōstat ex l. qui sine. D. de negot. gest. vbi scribit Triphonius, tutorem, qui pupilli pecuniam in vsus suos cōuertit, propter licentiam qua abutitur, maximis vsuris vice cuiusdā pœnæ subiaci. non enim vsuræ simplices in pœnā infliguntur, sed tantū maximæ, & grauiores cōmunibus. Vt ad rem redeam, si vsuræ permitteretur vsurarū, pœnæ quoq; pœna similiter permitteretur. quod perquàm absurdum est. Tertiò, quum vsura nihil aliud sit quàm vsus pretium atque æstimatio, si quæ lex hoc pretium renouari permisisset, vnus quoq; rei pretium contra naturæ æquitatem permisisset bis exigi. Atqui nihil tam iniquum est, quàm eiusdem rei æstimationem bis consequi: quemadmodum Vlpianus docet in l. quod si nolit. §. si quis egerit. D. de ædit. & l. quia dicitur. D. de euct. eoque idem Vlpianus in l. secunda. §. si indemnatus. D. de admin. rer. ad ciuit. immodicam & illicitam computationem appellat, quū quis commodorum comoda audet exigere. Qua de causa perpetuò iure ciuili sancitum est, ne fructuum vsuræ peti possint. l. neque eorum. D. de vsur. nimirum quoniam quum agri vna tantū accessio sit, ipsorum videlicet fructuum, nec eo plus quicquam ipse dominus percipere potuisset, iniquum esset: duas vnus rei accessiones exigere. Quam ob rem etsi Papinianus ab eo qui tacitum fideicommissum in fraudem legis susceperat, respondisset fructuum

vsuras,  
fructuum  
non de-  
beri.



Leges cō  
ciliatæ.

venditorum vsuras deberi, quoniam malæ fidei pos  
fessor esset: eoque nomine etiam D. Pinus ante con  
stituisse, vt etiam vsurarū emolumenta, id est, vsu  
ræ vsurarum deberentur, vt scribit Paulus in l.  
quum quidam §. in tantum. D. de vsur. tamen eodē  
loco subiungit D. Seuerum benignè decreuisse fru  
ctus dūtaxat deberi, non etiam vsuras: eoque iure  
vti omnes solere. l. eum qui. D. de his quib. vt in  
dig. ex quo existimari potest & illam D. Pij consti  
tutionem emendatam esse, & ita duos illos locos  
cōciliari posse. Hoc autem adeo verum est, vt si ven  
ditor fundum fructus ferentem tradiderit non so  
luto pretio, itaque & fundi & pretii vsum emptor  
habeat, tamen quoniam alterutrum dūtaxat ven  
ditoris est, alterius tantū commodum possit exi  
gere. ita tamen vt si fructuum æstimationem ele  
gerit, liceat ei vsq; ad vsurarum summam eam æsti  
mationē extendere: veluti si plus vsurę pretii quā  
fructus prædii valeant, quemadmodum plerunque  
valere non dubium est, & refertur species in l. li  
berto. D. de legat. iij. Nam hoc casu licebit vltra  
fructuum pretium vsque ad ratam vsurarum por  
tionem exigere, nimirum fructibus in vsuras im  
putatis: quemadmodum Vlpianus apertè exposuit  
in l. vsuræ. D. de vsur. Vsuræ (inquit) vicem fru  
ctuum obtinent, & meritò non debent à fructibus  
separari: id est, in vsurarum solutione fructus im  
putantur, & loco fructuum vsuræ succedunt. quid  
ita? quoniam vnius rei duas accessiones petere in  
iuria est. Ob eāque causam sicuti eo loco Vlpia  
nus dixit, Vsuræ vicem fructuum obtinent, simili  
ter

Vsuras vi  
cem fru  
ctuum ob  
tinere.



ter etiam de fructibus alibi respondit: hoc est in l. is cui. §. quæri poterit. D. vt in possess. legat. eat. quodd scilicet in vicem vsurarum fructus cedant. Fructus inuicem vsurarū cedunt. quin etiā in l. minor xxv. ann. cui fideicommissum. §. primo, D. de minorib. speciem refert in qua & vsuras vicem fructuum, & contra fructus vicem vsurarum obtinere respondit. Quocirca ne nos moueat quod Papinianus in l. hæres. D. de petit. hæred. scribit, fructuum ante actionem hereditatis illatam perceptorum vsuras deberi. Certum est enim ex l. item veniunt. §. item non solum. in fi. D. eod. fructus tum perceptos hereditatē augere, eoque in sortem transire. vnde quum iam non sint in accessione, sed in summam principalem imputentur, non mirum est si eorum vsurę peri possint. Id enim perspicue demonstrat quum infert, eorum fructuū, qui post hereditatem petitam percepti sunt, peri vsuras non posse. nimirum quodd sint vltra sortem, quæ iam in actione compræhensa est. Et quum ait, Diuersa ratio est eorū qui ante actionē hereditatis illatā percepti hereditatē auxerunt, id est, in sortē trāsierunt, ideoque vsuras pariūt, quippe quæ nō tanquam accessions petantur, sed tanquam sortis. Sed fortasse dixerit aliquis, quum domus pensio accessio, vt est, appelletur. in l. vlt. C. de petit. hæred. vbi & vsuræ pecuniæ, & agri fructus, & ædium pensio legitima augmenta nominantur, inter seque comparantur, cur eius pensionis vsuræ permittuntur? Nam ex mora deberi eas constat. ex l. præses. C. locat. l. quum quidam. §. ex locato. D. de vsur. Sed solutio ex prima responsione est facilis. Nam

Locatio aut domus pensio fors principalis est, veluti quum  
interdum quis domū locauit (siquidem, vt in venditione pre-  
ipsa fors, tiū fors est, ita in locatione merces) eóq; vsuræ vt-  
interdum, pote ipsius sortis iustissimè exigūtur. Aut sunt ac-  
accessio. cessio: vt quum verus hæres ab eo, qui pro hærede  
geßsit, & domū, quæ summa principalis est, & eius  
insuper locationem, quæ quidem in accessione est,  
repetit: quo casu vsuræ peti non possunt, non ma-  
gis quàmagri fructuum: quia domus pensio in fru-  
ctu numeratur. l. videamus. D. de vsur. itaque legi-  
timum augmentum nominatur. in d. l. vltim. C. de  
petit. hæred. vbi de petitione hæreditatis fit men-  
tio, per quam domus vt principalis petitur: eius ve-  
rò pensio tanquam accessio. Verū vt ad ea vn-  
de digressa est redeat oratio, quum vsuræ fructuū  
adeò iure ciuili prohibitz sunt, quis existimet eo-  
dem iure iisdémque legibus vsurarum vsuras per-  
missas esse? præsertim quum eadem ratio plus etiā  
quiddam in his ipsis prohibendis valeat: nimirum  
quia eiusdem rei duplex accessio peti non potest.  
Ac mihi quidem ea videtur esse ratio, propter  
quam Vlpianus generaliter constitutum esse scri-  
bit, vt solutio ei facta cui fors & vsuræ debeban-  
tur, prius in vsuras accepto ferenda sit, quàm in  
sortem. l. in his. §. Imperator. & §. vltim. l. Titia. in  
fin. D. de solut. & l. fideiussores. §. primo. D. de fi-  
deiuss. sed & Florentinus vt pecunia redacta ex  
venditione pignoris prius in vsuras, déinde in sor-  
tem computetur. l. quum & sortis. D. de pignori  
act. Nam quum æquum sit ob vsum pecuniæ de-  
bitæ commodum aliquod rependere, si fors esset  
soluta

soluta, & vsurarum pecunia remaneret, earum commodum, itaque vsuras vsurarum soluere oporteret. quod ita iure ciuili vitatum est. Quid? quod sortis vsus quasi radix quædam est, vnde vsuræ tanquam rami propagantur. quocirca simulatque sortis vsus desinit, vsuras quoque consistere non dubium est: quanuis ne ipsæ quidem vsuræ persolutæ sint. l. iij. C. de pos. Certum est enim quod scribit Caius in l. secunda. D. de pecul. legat. quæ accessionum locum obtinent, extinguuntur, quum principales res peremptæ fuerint. aut quod Iustinianus ait in l. eos. C. de vsur. principali actione non subsistente, satis superuacaneum est super vsuris adhuc iudicem cognoscere. Finge igitur sortem esse persolutam: omnem certè vsurarum pensionem cessare necesse est. l. si per te non stetit. C. de vsur. At si vsurarum quæ debentur, nec adhuc solutæ sunt, vsuræ postulentur, ecce tibi euulsa radice ramos absurdissimè renascentes. Quare ne plura de re minimè loquar dubia, sequitur vt conclusa mihi iam hæc sit omnis ratio, non potuisse legem sine graui Reipublicæ incommodo & iniquitate summa constitui, quæ solui vsuras vsurarum imperaret. Ex quo quidem existimari volumus, nunquam id ciuili Romanorum iure, quod æquitate legibus aliis omnibus longè latèque præstitit, constitutum esse. Et certè vno ore Iuriconsulti veteres quoties earum mentionem faciunt, eas & illicitas, & immodicas, & iniquas appellant. vt Martianus in l. placuit. D. de vsur. l. secunda. §. si indemnatus. D. de administ. rer. ad

Sortis re  
nouatio  
permiffa.

ciuit. quinetiam Vlpianus ait in l. si non fortem. D. de cond. indeb. eas nec in stipulatum deduci, nec si deductæ sint exigì poffe, adeoque si folutz sint repetitionem earum concedi. Modestinus autem si iudex in vfuras vfurarum condemnauerit, contra leges & facras cõstitutiones facere respondit: eoque non necessariam effe appellationem. l. præses. D. de re iudic. Diocletianus autem improbum fœnus id appellat, quod, qui exercet, infamia notari scribit. l. improbum. C. ex quibus. caus. infam. Sanè tamen illud fcire oportet, inuentam fœneratorum astutia fuisse rationem, qua fraus huic æquitati legis, quæ ab hac vfurarû renouatione tâtopere abhorrebat, fieret. Nam quum ob id præsertim ini qua videretur, quòd accessiois accessio, aut duplex vnus rei accessio improbaretur, artè quādã cõmenti sunt, qua vfuram ipsam, sortè ac summam principalem efficerent. nimirum eam in sortem redigendo, itaque totius vfuras summæ repetendo. Nam ipso ciuili iure sæpenumero constitutum est, vt quibus casibus sortem vfuræ efficerent, earum quoque vfuræ deberentur. veluti quum tutor aut procurator vfuras quæ pupillo vel domino deberentur exegit, easque vsibus suis retinuit. Sanè (inquit Vlpianus) parui refert, vtrum sortem pupillarè an vfuras in vfus suos cõuerterint. l. tutor qui repertorium. §. si quas vfuras. l. qui negotiationem. §. ex duob. & §. quæsitum. D. de administr. tutor. & l. idemque. §. j. D. mand. vnde factum est, vt quantuis vfurarum vfuræ ab omnibus iniquissimæ iudicarentur: tamen hæc imputatio tanquam æqua & leg

Anatoci-  
smus.

legitima iure ciuili toleraretur. Idque ipsum equidem esse arbitror, quod Cicero Anatocismum appellat, ea ad Atticum epistola, de qua suprà mentionem fecimus, id est, vt verbum è verbo exprimamus, regenerationem. quoniam, vt mihi quidem videtur, vsuræ vsura regeneratio propriè appellari non potest: utpote quæ ipsa non regeneretur, sed generetur tantùm. sed quum ea summa quæ semel generata est, id est, vsura rursus in sortem reuocatur ac reponitur vt secundò generetur, tum verò ἀνατόκισμ<sup>ος</sup> siue regeneratio rectè dicetur. Non igitur vsurarum quidem vsuras & accessionis accessionem apertè disertèque permissum fuit exigere: quemadmodum quidem ab eruditissimis hominibus semper vsque adhuc existimatum est: sed illud tantùm quod modò diximus, nimirum vsuras in sortem reponere, quasque vt coalescerent facere. quod eo etiam conici, (si modò in re tam aperta argumentatio etiā aut coniectura querenda est) atque existimari potest, quòd Asiani fœneratores, etsi Luculli tempore quàm maximis poterant fraudibus vsuras cumulabant, non tamen vsuras eos vsurarum exegisse Plutarchus scribit, sed in sortem duntaxat redegisse. De Lucullo enim scribens, Fœneratorum, ait auariciam repressit, ac iussit vt qui vsuras sorti miscuisset, & sorte & vsuris priuaretur. ὁ δὲ τὸ κορυφαλίῳ σύντασας, ἔλεγε το τὸ παντὶς. est enim συνάπτειν non quod interpres vitiosissimè conuertit, æquare, sed coniungere, & quasi vt coalescat facere. quod etsi verbo non est vsurarum vsuras petere, re tamen ipsa

atque in effectu nihil aliud est. Si enim (vt Iustianus ait) vsuras in sortem redigere, fuerat concessum, & totius summæ vsuras stipulari, quæ differentia erat debitoribus qui re vera ad vsurarum vsuras exigebantur? Hoc enim erat non rebus, sed verbis leges imponere. Ex quo etiam apparet & Aristophanem in Nebulis, & Lucianum in dialogo qui *Βίωσις πράσις* inscribitur, disertè fœnoris fœnus eam appellasse vsuræ renouationem. ἢ γὰρ ἀγνοῖς ὅτι τῶν τόκων οἱ μὲν ἐσι πρόωτοι τινὲς, οἱ δὲ δότε-  
 γοι, καθάπερ αὐτῶν ἐκείνων ἀπύγονοι; quum tamen Basiliius qui omnes diligenter fœneratorum fraudes persequitur concione in Psalmum decimumquartum, secunda, de renouatione tantum mentionem faciat, τὰ ἴσα παραδιδόντα τοῖς ἐκγόνοις τὸ τίμημα, αὐτὰ τῆς κηρύσσει πάντες. τὰ δὲ τῶν δανεισῶν ἀργύρια καὶ τὰ ἐπιγινόμενα τίκτει, καὶ τὰ ἀρχαία νεάζει. Sortis ergo renouationem apertissimè cōdemnat, utpote quæ reipsa fœnus fœnoris permetteret: vnde etiam Papinianus in l. creditor. §. sciendum. D. qui pot. in pign. cui persimile est Imp. rescriptum l. secundus. C. de pignor. & hypoth. quum secundus creditor primo creditori & sortem & vsuras ei debitas soluit, quo casu vsuræ illæ in sortem redactæ videntur, apertè statuit vt pignus tam in suum debitum, quàm in primi creditoris, & vsuras suas, & quas primo creditori soluit habeat: sed tamen vsurarum quas creditori primo soluit, vsuras non habiturum. Præclarè igitur & meritò Iustinianus, quum hanc fœneratorum fraudem improbandam esse iudicaret, omnem huiusmodi anatocisum  
 vsur

vsuræque renouationem tollendam esse existima-  
uit, ac statuit, vt nullo modo cuiquam permittere-  
tur vsuras præteriti temporis vel futuri, in sortem  
redigere, itaque earum vsuras stipulari. quemad-  
modum latius intelligi potest ex l. vlt. C. de vsur.  
Quinetiam quum vsuræ vsurarû rei iudicatæ eius  
tempore permitterentur, lege lata cõstituit vt ea-  
dem regula in hac quoque specie similiter obserua-  
retur l. vlt. C. de vsur.

*Ob quam causam vsuræ debeantur: explicantur  
preterea treis illæ nobiles & vexatæ quæ-  
stiones, vtrum ex mora an litis contestatio-  
ne vsuræ deberi incipiant: item, vtrum obla-  
tione sola vsurarum cursus interrumpatur:  
postremo an is, qui vsuras in futurum soluit,  
seruare tamen eas possit summam sortis reli-  
quam offerendo ex Sceuolæ responso in l. qui  
Romæ. de verbor. obligationib.*

## CAP. IIII.



VARVM rerum vsura confisteret, **VSVS**  
& quamobrem in definitione dixi- **PRAE-**  
mus, Sortis consumptæ, satis expli- **TIVM.**  
catum esse arbitror superiore tra-  
ctatu. Nunc videndum est ob quam  
causam & à quibus deberi vsuræ soleant: & quem-  
admodum ea causa cessante ipsæ quoque deberi  
desinant. Id autem vno verbo in definitione per-  
strinximus, quum vsuram vsus premium aut æsti-  
mationem

mationem appellauimus. Nam eo verbo intelligi  
 Vfurę ob volumus, vsuras percipi duntaxat ob vsum, qui ta-  
 vsum tan men, vt modò diximus, potius abusus appellari so-  
 tum. let. Id adeò ex his Vlpiani verbis intelligi potest  
 in l. tutor qui reperit. D. de administr. tutor. Et ap-  
 paret (ait) hanc esse formã vsurarum, vt eius qui-  
 dem pecuniæ, quam quis in vsus suos conuertit,  
 legitimam vsuram præstet. Et paulò suprã, Pec-  
 niæ quam in vsus suos verterunt tutores, legitimas  
 vsuras præstant. sed hoc ita demum, si euidenter  
 doceantur pecuniã in vsus suos vertisse. Vnde Pa-  
 pinianus, si possessor hæreditatis pecuniam in hæ-  
 reditate inuenerit, non tamẽ aliter eum vsuras de-  
 bere respondit, quàm si eam in vsus suos conuer-  
 terit. alioqui, ait, si non attingat, non debebit l.  
 si possessor in princip. D. de petitione hæreditat.  
 Pomponius verò, etsi creditor pluris pignus ven-  
 diderit, tamen tum demũ ab eo vsuras deberi scri-  
 bit, quum superfluo vsus erit. Nam si depositum  
 habuerit, contra respondit l. quanuis. in fin. D. de  
 pignor. act. denique quoties vsuræ deberi dicun-  
 tur, simul etiam adiicitur propter vsum eas debe-  
 ri. vt l. socium. D. pro soc. Socium qui in eo quod  
 ex societate lucrifaceret reddendo moram adhi-  
 buit, quum ea pecunia ipse vsus sit, vsuras quoque  
 præstabit: sed si vsus ea pecunia non sit, contra est.  
 Atque id ipsum intelligi voluit Paulus in l. quum  
 quidam. §. si pupillo. D. de vsur. quum ait vsuras  
 propter moram non soluentium deberi. Moram  
 enim debitor ob eam solam causam facere intelli-  
 gitur, vt pecunia vtatur. contrã, quanuis in mora  
 non



non sit, tamen si pecuniā alienam in vsus suos conuertit, eo ipso in mora esse videtur, vt Papinianus docet in l. j. §. j. D. de vsur. Ex quo vulgaris illa quæstio explicari potest, vtrum vsuræ ex mora an litis contestatione debeantur. propterea quòd in l. j. & ij. C. de vsur. legat. legatorum vsuræ non nisi ex eo tempore, quo lis contestata est, deberi dicuntur. Sed Vlpianus in l. j. §. bellissimè. D. vt legat. seru. caus. cau. rem omnem vno verbo expedit. Disertè enim scribit, ex mora incrementum vsurarum & fructuum in fideicommissio venire: quod ipsum alibi quoq; confirmat in l. si cui legatum. D. de condit. & demonstrationib. & l. Titia. §. j. D. de legat. ij. vnde apparet quòd in d. l. j. & ij. C. de vsur. leg. scribitur, eo casu accipiendum esse, quo ante litis contestationem nullam hæres moram interposuit. itaque hunc locū interpretes ferè omnes vno consensu explicarunt. Verùm vt ad prima illa redeamus, quum vsura ob solum pecuniæ vsum debeat, similitatq; vsus definit quasi ea causa, propter quam debeantur cesset, deberi quoque desinunt. Vnde Papinianus, Si, inquit, debitor vsurarius creditori pecuniam obtulit, & quum eam accipere nolisset obsignauit ac deposuit, quoniam vti desinit, ex eo die ratio nō habebitur vsurarum l. debitor. D. de vsur. l. si creditori. l. acceptam. l. si per te non stat. C. eod. quinimo debitor minoris quanuis non ei sortem offerat (metu scilicet restitutionis in integrum) tamen si modò vti desinat, eamque deponat, ab vsuris liberabitur l. ait prætor. §. & ideo. D. de minor. quod ipsum etiam in tutore

Vsuræ  
vtrum ex  
mora, an  
litis con-  
testatio-  
ne debeat-  
tur.

tutore respondit Papinianus in l. j. in fin. D. de  
 vsur. Quamquam illud diligenter notandum est,  
 istam vsus intermissione ordine, & vt vulgo di-  
 cunt, solenniter fieri oportere. quippe etsi pecuniā  
 obsignatam in depositi causam habueris, itaq; vti  
 desieris: tamen si testato id non factum est, & cum  
 oblatione, vsuræ non cessant. l. ij. C. eod. l. si autem  
 tardius. D. de pign. act. Ex quo constat, post vsum  
 semel commissum retentionem tantummodo re-  
 „quiri: & quemadmodum scribit Paulus, suffice-  
 „re semel moram interuenisse, vt perpetuò vsuræ  
 debeantur. l. Titia. §. vsuras. D. de legat. ij. ob eam-  
 que causam si venditor re tradita sit defunctus,  
 quum emptor in mora esse cœpisset, pretiòq; vte-  
 retur, quāuis postea incertus esset successor, ideo-  
 que offerre non possit: quia tamen semel vsus est,  
 etsi nunc quidem vti desinat, vsuras debebit. l. eui-  
 ctis. §. j. D. de vsur. quod ipsum in persona debi-  
 toris Iulianus tradit in l. quum patris. D. eodem  
 „quum patrifamiliās mora facta sit (inquit) iam in  
 „eius hærede mora non quæritur. Nam tunc hæ-  
 „redi proximo iure hæreditario ea competit. In  
 quo existit profectò quæstio quædā subobscura &  
 subdifficilis. Vtrum sola oblatio sortis & vsurarū  
 sine solenni depositione, quoniam per eam vsus  
 intermittitur, qui solus vsurarum causa erat, vsuras  
 impediatur. Nam vt modò diximus non sufficit quo-  
 modocunque vsum cessare, sed vt Imperator scri-  
 bit in l. acceptam. C. de vsur. solenniter id fa-  
 ciendum est. Arbitror autem equidem distinctio-  
 nem adhiberi in ea re oportere. Aut enim mo-  
 ra iam

Vtrum  
 oblatio -  
 ne sola  
 vsurarū  
 cursus in  
 terrum -  
 paratur.

ra iam commissa & vsuris fluentibus oblatio fit,  
 aut ante moram. Nam siquidem ante moram, ve-  
 luti quum hæres, à quo pecunia legata est, lega-  
 tario ante ullam moram pecuniam offert, testi-  
 bus præsentibus, eamque in vsus suos nõ conuer-  
 tit, tametsi eam non deponat, quis eum vsuras de-  
 bere affirmabit? Rectè nanque Paulus ait, vsuras  
 non propter lucrum petentium, sed propter mo-  
 ram non soluentium irrogari. l. quum quidam. §. si  
 pupillo. D. de vsur. eoque quum pupillo tutorem  
 non habèti vel Reipubl. causa absenti fideicõmis-  
 sum relictũ esset, ibidem clarè respondit, quoniam  
 hæres soluere voluit vsuras non debere. non ait,  
 Qui soluere vult, debet etiam deponere, & con-  
 signare: quod proculdubio dixisset si necessaria  
 esset cõsignatio. similiter Papinianus in l. pecuniæ.  
 in fi. D. eod. si post mortem creditoris, quum tamẽ  
 nondum currere vsuræ cœpissent, nemo fuit cui  
 pecunia solueretur, ait vsuras nõ deberi. non enim  
 requirit vt consignetur, sed tantũ vt per eum non  
 stet quin soluatur. Eamque ob rem in specie persi-  
 mili, nempe quum tutoris hæres transactione cum  
 hærede pupillæ facta nõ recusasset soluere, perspi-  
 cuè Scauola respondit, si hæres non cessasset pecu-  
 niam offerre, iure & meritò vsuras nõ deberi. l. qui  
 Romæ. §. Seia. D. de verb. oblig. Deniq; Papiniani  
 responsum manifestum est, ex quo apparet eum qui  
 deposuit & cõsignauit, si pecuniam recepisset (quo  
 casu videlicet ei planè similis est qui duntaxat ob-  
 tulit) non tamen vsuras antè debere, quàm à cre-  
 ditore conuentus moram fecisset. Sic enim hæc  
 eius

eius verba intelligenda sunt, Quòd si postea con-  
 uentus ut solueret, moram fecerit: nimirum quum  
 sortem recepisset ut l. acceptam. in fin. C. de vsur.  
 Si verò semel mora commissa est, veluti quum em-  
 ptor rem traditam possidens arbitrato suo pretio  
 abutitur, omnino necesse habet illud deponere:  
 quoniam ob id quod uti solebat, semper uti præ-  
 sumitur. Itaque Paulus in hac specie non idem re-  
 spondit, quod in d. §. si pupillo. vbi nulla erat mo-  
 ra: quod scilicet sufficit velle soluere. disertè enim  
 scribit, quanuis nemo sit cui emptor possit solue-  
 re, veluti quum venditor defunctus est, cui succes-  
 sor est incertus, nisi tamen deposuerit & obigna-  
 uerit, vsuras deberi l. euictis. §. j. D. de vsur. nec  
 obstat quod in d. l. ij. C. eod. de oblatione tantum  
 fit mentio: quia id ex hac lege suppleri debet: quin  
 etiam expresse de obsignatione loquitur. ad eum-  
 que modum inuertenda species est in d. l. pecunia.  
 in fi. ut quemadmodum ante moram defuncto cre-  
 ditore, si nemo fuit cui solui possit, depositio non  
 est necessaria: ita è conuerso, si post moram credi-  
 tor defunctus est, & vsuræ serpere ac progredi cœ-  
 pissent, depositio necessaria sit, omnino enim ita  
 Philippi verba manifesta sunt, ut ea nemo cauillari  
 „ possit, in l. acceptam. C. de vsur. Acceptam, in-  
 „ quit, mutuo sortem, cum vsuris creditoribus post  
 „ contestationem offeras. at si non suscipiant, confi-  
 „ gnatam in publico deponere ut cursus vsurarum in-  
 „ hibeatur. Nontantum spectat quo modo etiam  
 ipso iure ab omni periculo & obligatione debitor  
 liberetur: sed disertè inquit, ut vsuræ inhibeantur,  
 ob sign

obsignationem esse necessariam. ex quo constat nisi ea fiat, illas non inhiberi. quid ita? quoniam vel in soluenda sorte mora commissa est, veluti quum ad tempus aliquod mutuò dedimus, intra quod, nisi solvatur pecunia, vsuræ debeantur: vt l. si ita stipulatus. §. Chrysogonus. D. de verb. oblig. & l. lecta. D. si cert. pet. vel quum ipsæ quoque vsuræ non solutæ sunt suis temporibus: qualis est ea species, de qua Cicero cōmemorat libro ad Atticum epistolarum quinto, & sexto: de Salaminijis, qui & sortem & vsuras multorum temporum offerebant, & vrgebant vt creditor acciperet, quærebant etiam vt in fano deponerent. itaque sic scribit, Adde etiam illud quod vereor tibi vt probem, consistere vsura debuit, quæ erat in edicto meo: deponere volebant, &c. Ita respondit Papinianus in l. debitor. D. de vsur. & Antoninus in l. si per te. C. eod. Neque verò quenquam moueat quod idem scribit in l. si creditrici. paulò suprà. quod is qui obtulit, & quum creditor nollet accipere, deposuit & consignauit, ex eo tempore quo vsuras obtulit, nō debeat, quasi sola oblatio vsuras inhibeat. Apparet enim de oblatione mentionē fieri, quæ postea ad effectum perducta est. Non obstat præterea quod Imperator in l. ij. C. de pact. int. empt. rescripsit ex oblatione actionē generari: quasi tanto magis exceptionem pariat. ex l. cui damus. D. de reg. iur. quia non propter oblationem actio ibi conceditur, sed propter legem contractus, quæ talis erat vt si venditor restituisset pretium, emptor ad rem restituendam teneretur. Nam nisi ea lex interpo-

neretur, frustra fieret oblatio. Quanquam autem in mutuo inesse fatear cōditionem, nisi fors cum vsuris exsoluatur, id tamen cum effectu accipiendum esse satis constat. nam & simplici mutuo sine vsuris ea inest conditio, & tamen obsignationem esse necessariam nemo nescit ex l. obsignatione. C. de solut. Illud tamen ad extremum admonendi sumus, excipi ab hac regula eam speciem de qua Marcellus agit in l. tutor. §. j. D. de adm. tutor. nempe qua tutor post pubertatem pupilli negotiorū eius administratione abstinuit. Quum enim Marcellus eam regulam secutus, quæ vetat oblatione ante moram facta vsuras exigere, tutorem ex quo pecuniā obtulit vsuras non debere respondisset, Vlpianus notauit non sufficere obtulisse, nisi & deposuit obsignatam, tuto in loco, nimirum quod nondum rationes essent redditæ: quo casu solui pupillo non potest. deinde quod propter metum restitutionis in integrum solui tuto non poterat: eoque, ut Vlpianus ait, in ædem sacram pupillares pecuniæ deponi soleant. l. ait prætor. D. de minor. & l. si reus paratus. in fi. & alibi sæpe, D. de procur. Neque verò illud aduersatur quod in l. vltima, C. de vsur. pupill. Imperatores aiunt impediri vsurarum cursum quoties denuntiationibus frequenter interpositis ad iudicium tutores pupillum prouocauerunt, & in actis voluntatis suæ rationem declarauerunt, quanuis nulla obsignationis fiat mentio. Non enim de pupillo iuvene illic agitur, sed vel omnino iam adulto, vel certè adultæ ætati proximo, & eo qui rei gerendæ capax est, quemadmodum ex eo constat,

stat, quòd idem ipsum à curatoribus fieri posse declarant. itémque ex his verbis, Si rem dissimulatione proferat. deniq; quòd ne de oblatione quidem loquitur, quæ tamen omnino necessaria est. Alioqui si de pupillo puero loqueretur, nulla dubitatio superesset, ex his præsertim Papiniani verbis in l. prima in fin. D. de vsur. Si tutelæ, inquit, iudicio nolentem experiri tutor ultro conuenerit, & pecuniam obtulerit, eámque obsignatam deponerit, ex eotempore non præstabit vsuras. Neque rursus quicquam ad hanc quæstionem pertinet quod scribitur in l. ait prætor. D. de minor. pecuniam pupillo debitam in æde sacra deponendam esse, vt vsuræ interrumpantur. & l. quum quidam. §. si pupillo. D. de vsur. quanuis non deponatur, tamen si paratus sit debitor soluere, & nemo sit qui recipiat, vsuras non deberi. Nam in vtraque lege de debitore alio loquitur quàm tutore, quorum longè diuersum officium est. Tutor enim etiam tutela dimissa multa tenetur pupillo præstare, propter eam potestatem quam habuit, quæ alius non tenetur: veluti admonere pupillum vt sibi curatorem petat. l. ita autem. §. si tutor. D. de administ. tutor. Item cœpta negotia, quæ sine periculo intermitteri nequeunt, continuare. l. prima. D. vt caus. post pub. adf. Itaque non mirum est si etiam ante vllam moram deponere iubetur pecuniam pupillarem: quia perfacile est tutori fucum (vt dicitur) tali tracti, cui inest maxima imbecillitas consilii, facere: & aliquot numos ditis causa coram appositis à se testibus offerre. Cæterum in alio debitore omnino

distinguendum est, utrùm ante vllam moram offer-  
 rat, an verò post moram. Vnde quum in dicto §. si  
 pupillo. hæres, à quo fideicommissum erat pupillo  
 relictum, non modò non recuset, sed etiam cupiat  
 soluere, idque ante vllam moram, non mirum est  
 si nullas vsuras debeat, quanuis nullũ repererit cui  
 offerre posset, neque etiam deposuerit. quod si mo-  
 ram fecisset, idem Paulus in l. euietis. §. primo. D.  
 de vsur. non dubitauit, non dico in minore, aut pu-  
 pillo, sed in adulto affirmare, nisi depositum fue-  
 rit, vsuras deberi. quod etiam in pupillo eo magis  
 dicendum est. Et sanè quum in d. l. ait prætor. mo-  
 ram pupilli debitor interposuisset, conuentus etiã  
 à pupillo, veleius tutore, clarè responsum est, nisi  
 pecuniã deponat & obsignet, vsuras debere. Ac de  
 his quidem ita se res habet vt diximus. Porro au-  
 tem his positis difficilis admodum & perobscura,  
 vt creditur, quæstio facillimè explicari potest,  
 de qua tractat Scevola in l. qui Romæ. D. de verb.  
 obligat. An is, qui vsuras in futurum soluit, antè  
 possit se ab iis liberare, quàm tẽpus integrum ela-  
 psum sit. Nam quemadmodum pecunia aut purè  
 promittitur, aut in diem, aut in locum: & primo ca-  
 su peti ac solui purè potest: secundo, ante diem pe-  
 ti non potest, licet solui possit ex l. quod die. D. de  
 solut. tertio, neque peti neque solui nisi suo loco  
 potest, quoniam & loco plus petitur. §. plus autem.  
 De act. & sæpe creditoris interest eo loco solui in  
 quem stipulata est. l. iij. §. idem Iulianus. D. de eo  
 quod cert. Similiter vsuræ in futurum acceptæ sunt  
 aut purè, id est nullo die ac loco constituto, quo  
 casu

L. q Ro-  
 me, de ver-  
 bor. obli.

Vsuræ so-  
 lutæ an  
 seruari  
 possint.



casu peti fors non potest ante illud tempus, quo  
vsuræ omnes acceptæ fuerint debitæ:quemadmo-  
dum Vlpianus docet in l. qui in futurū. D. de pact.  
& l. secunda. §. non malè. D. de dol. mal. except.  
quoniam (vt ibi scribit) accipiendo vsuras distu-  
lisse videtur petitionē in id tempus, quod est post  
diem vsurarum præstitarum: & tacitè conuenisse  
interim se non petiturum. Solui autem certè po-  
test, quippe quum mutuum in gratiam tantum de-  
bitoris fiat: ob quam causam liberare se arbitrata  
suo poterit, offerendo præteritorum aut etiam in-  
ceptorum mensium vsuras. Secundo vsuræ acce-  
ptæ sunt ad diem, vtputa trium mensium: qui casus  
planè similis est præcedenti: vnde fors peti à cre-  
ditore non potest, sed solui potest. quoniam, vt Cel-  
sus ait, totum tempus medium ad soluendum pro-  
missori liberum relinqui intelligitur. d. l. quod die.  
& l. eum qui Cal. §. primo. D. de verbor. obligat. &  
certum est valde iniquum esse pactum illud & con-  
tra bonos mores, vt debitor liberare se non possit.  
Postremò, vsuræ interdum in futurum accipiun-  
tur, solutione sortis in locum collata: qui casus à  
priori multum differt, propterea quòd locus non  
modò debitoris, verum etiā creditoris gratia ple-  
runque adiicitur. d. l. secunda. D. de eo quod cert.  
ex quo sequitur, vt neque peti neq; solui fors pos-  
sit, nisi eo loco, in quem promissa est. Quod ipsum  
sanè (vt breuissimè dicam quod sentio) respondi-  
sse mihi quidem Scævola videtur in l. qui Romæ. D.  
de verborum obligat. vbi qui Romæ pecuniam mu-  
tuam acceperat soluendam in longinqua prouin-

„cia post menses tres, paucos post dies eam Romæ  
 „offerebat, detracta ea summa, quam creditori suo  
 „vsurarum nomine repræsentauerat. Nam quum  
 creditoris interesset suo loco solui, planè affirmat  
 & sortem suo loco peti posse, & vsuras non repeti.  
 „Quæsitum est, ait, an eo loco in quo soluenda pro-  
 „missa est, sua die integra peti possit? Respondi pe-  
 „ti posse. nimirum integram & sua die. Nam respon-  
 sio hæc ad quæstionem vtrunque pertinet. Et om-  
 nino firma est regula, & quæ labefactari non potest,  
 stipulationi in locum factæ stari, nisi suo loco non  
 posse. id quod ita tamē accipiendū est, nisi debitor  
 tantum offerat quantum ab eo actione arbitraria  
 peti potest. quo sanè casu neminem dubitare arbi-  
 tror, quin se ab vsuris futuris liberare possit, eas  
 condonando quæ præteritorum & incæptorū men-  
 sium tempori cessere. Quid enim si longi tempo-  
 ris vsuræ repræsentatæ sint, (quod quidem per-  
 quàm iniquum est: sed nos non fieri ne oporteat,  
 sed si factum sit, quid iuris, quærimus) veluti decem  
 mensium forte in certum locum soluēda? An quis-  
 quam est, qui propter Scauolæ responsum neget  
 debitore ab vsuris liberare se posse? præsertim quū  
 illa repræsentatio officii causa (neque enim cogi po-  
 terat) à debitore facta sit, & nihil iniquius existi-  
 metur, quàm quum officium suum cuiquam da-  
 mnosum est, vt Paulus inquit in l. sed si quis. D.  
 Testam. quem. aper. & l. si feruus. D. de furt. Sed in  
 illa specie & tempus breue est, vtpote trium men-  
 sium; & expressè scribitur in longinquam prouin-  
 ciam collatam esse solutionē. id quod diligentissi-  
 mè

mè notandum est, momentóq; suo ponderandum. quia talis erat fortasse prouincia, vt ad eam nisi tribus mensibus perueniri non posset. Cæterum apparet duplicem esse quæstionem, primùm an fors suo loco peti possit: quod Scæuola cõfirmat. deinde quia vsuræ ex vlu sortis pendet, an seruari à debitore possint. quod certè negat, quum integrã summam peti posse respõdet. neq; aduersatur quod diximus, offerendo id quod interest ob locum, cõtra esse. proptereà quòd in hoc casu tam exigui temporis & longinqui loci, nunquàm tam amens debitor futurus est, vt illud offerre malit, quod forte in grauissima pœna consistit (vt in fine dictæ legis secundæ) quàm vsuras besles vel semisses condonare. Neque verò illi audiendi sunt, qui negant vllam esse de vsuris quæstionem: aut debitorem suo loco & sua die plus posse petere quàm quod vsuris deductis in sorte relictum est, proptereà quòd Vlpianus ait neminem vltra id quod acceperit obligari. l. rogasti. §. primo. D. si certum petatur. l. si tibi decem millia in principio. D. de pact. & l. quum vltra. C. de non num. pecun. debitor autẽ integram accepisse nõ videatur, quoniam vsurarum nomine aliquid dederit. Nam respondeo duas esse stipulationes, vnam sortis, & alteram vsurarum, ex l. centum. D. de eo quod cert. loc. eoque ratam esse sortis integræ promissionẽ, proptereà quòd verè fors integra numerata est, licet post stipulationẽ vsurarum secutã vsuræ repræsentatæ sint. nõ enim ex priori sed posteriori stipulatione soluuntur. Et profectò videtur isti quauis

eruditi nunquàm tamen eas quas ante citaui leges  
vidisse, quibus vsurę in futurum repræsentantur.  
l. qui in futurum. D. de pact. & l. secunda. §. non ma-  
lè. D. de dol. mal. except. Verumenimvero finge  
debitorem non obtulisse sortem nisi sua die ac suo  
loco. Quis non videt satis apertè indicari à Scæ-  
uola, nullam superfuisset dubitationem, quin vsu-  
ræ creditoris fuissent? Atqui sine stipulatione de-  
beri non poterant. Sed eos absurda lectio peruul-  
gata in errorem induxit. Quum enim vulgò lega-  
tur, Quælitum est quum integram summam obtu-  
lerit, &c. existimarunt debitorem non nisi in re-  
liquum sortis obligatum esse. quod quàm absur-  
dum sit, ex his quæ dixi non obscurum esse arbi-  
tror. Et certè semper ea mihi lectio adeò absurda  
adeoque inconcinna visa est, vt nunquàm affirma-  
re dubitauerim addendam esse negationem, legen-  
dumque Quum non integram: quum ecce me qui-  
dam eius lectionis admonuit meminisse Ac-  
curtium, eamque suffragio suo compro-  
bare. quod me certè natura non inue-  
recundum in semel suscepta  
sententia magnopere e-  
tiam atq; etiam cõ  
firmauit.

Vsuras

*Vsuras non nisi propter id quod interest permit-  
ti. Quot sint eius quod interest species: quæ  
præterea inter Pœnam, quanti plurimi, vsuræ,  
& eius quod interest accessionem differentia  
sit. Extremo capite explicatur perobscura  
quæstio & perdifficilis de numerorum æstima-  
tionis immutatione, an ijdem perpetuò reddi  
debeant.*

## CAP.

## V.



**P**ORRO eorum quæ diximus hæc CVM  
summa est. Qui re vtitur aliena, quæ DAMNO  
quidem in suo genere functionē re- CREDI-  
cipit, eius vsus æstimationem redde- TORIS.  
re cogitur. Veruntamen quoniam  
hoc non omnimodò verum est, ideo in definitione  
dictum est, Cum damno creditoris. Quo verbo  
non modò intelligi volumus, non omnes, qui alie-  
na pecunia vtuntur, vsuras debere: sed tum demum  
quum ea pecunia cum creditoris iniuria consum-  
pta est: verum etiam alias accessionum formas ab  
hac vsuræ definitione necessariò distingui. De qui-  
bus formis deinceps paulò vberius & clarius com-  
memorandum est. Nam quæ hætenus diximus,  
ea omnia locum etiam habent in fœnore: siquidem  
& rebus constat similibus, & ab eo petitur, qui illis  
vsus est: denique simul cum vsu consistit atque inhi-  
betur. Verum hæc inter vtrunque differentia est, <sup>Fœnoris</sup>  
quòd quum ob quæstum & lucrum solum fœnera- & vsuræ  
tio exerceatur, vt infrà idoneo loco docebimus: <sup>differan-</sup> tia.

„*vsuræ non propter lucrum petentium, sed propter*  
 „*moram non soluentium infliguntur. l. quum qui-*  
*dam. §. si pupillo. D. de vsur. vnde Vlpianus quum*  
*quereretur an emptor redhibitorio iudicio vsuras*  
*pretii consequeretur, respondit quoniam id quod*  
*sua interest deberet accipere, consecuturum. his*  
*enim ipsis verbis utitur. l. illud sciendum. D. de*  
*ob id ædil. edict. Papinianus autem in l. Lucius. §. primo.*  
*quod in-* *D. de pos. quum in deponenda pecunia conuenis-*  
*terest, tan-* *set, quoniam beneficium in suscipienda pecunia*  
*tum de-* *præstitit, ob eamque causam deponentis non in-*  
*beri.* *terfit eum vsum fuisse, rationem vsurarum non*  
*habendam affirmat. Quod si ita uti incipiat, ut*  
*iam deponentis interfit, veluti si de reddendo*  
*admonitus moram fecerit, vsuras deberi. l. sequen.*  
*§. primo eodem. Præterea idem Papinianus in l.*  
*insulam. §. vsuras. D. solut. matrimon. & l. quum*  
*post. §. in domum. D. de iure dotium. & Scævola in*  
*l. pater. D. de dol. except. scribunt, patrem etiam*  
*qui vsuras dotis promisit, tamen si filiam suis sum-*  
*ptibus aluerit, quanuis dotis pecunia sit vsus, quia*  
*tamen cum damno generi non est vsus, alens vi-*  
*delicet suam filiam, ad vsuras non teneri. Quod si*  
*gener eam accepta dote aluerit, idque post diuor-*  
*tium facere intermittat, quoniam cum alterius da-*  
*mmo pecunia utitur, vsuras à genero deberi. Et si*  
*interesse desinat, puta, quia secundo matrimonium*  
*contraxerit, eo ipso loco, id est, in l. quum post. §.*  
*vsuras. Pa pinianus ait ex die secundi matrimonii*  
 „*non esse præstandas. Accedit huc quod Paulus tra-*  
 „*dit in l. liberalitatis. D. de vsur. Imperatorem scri-*  
     *pisse,*

pluisse, iniquum esse vsuras pretii ab emptore petere, quum tradita res non esset, quique fructus non percepisset. contrà Vlpianus in l. Iulianus. §. ex vendito. D. de actionibus empti & venditi. Quum re, ait, emptor fruatur, æquissimum est cum vsuras pretii dependere. cui ferè simile est quod ab eodem traditur in l. facta. §. rescripto. D. ad senatusconsultum Trebellianum.

Quocirca persuasum nobis & planè exploratum esse debet, vsuram aliud nihil esse, quàm compensationem eius quod verè & non simulatè creditoris interest. In quo tamen dubitare possit aliquis, quorsum vsuræ iure ciuili introductæ sint, quum id quod intererat actione propria repetere liceret. Cui breuiter respondeo, non æquum esse vt ex nuda & sola pecunia tantum emolumenti colligatur, quantum ex ea quæ cum hominis labore atque industria coniuncta est. Secundò, necessariò statuendum aliquem fuisse modum creditorum querimoniis, ob id quod eorum interesset. alioqui enim immoderatissima quæque damna ab ipsis allegatum iri. Vtrunque autem hoc eleganter Hermogenianus in l. vlt. D. de peric. & comm. rei vend. his verbis complexus est. Venditori si emptor in pretio soluendo morâ fecerit, vsuras duntaxat præstabit: non omne omnino quod venditor mora non facta consequi potuit. veluti si negotiator fuerit, & pretio soluto ex mercibus plus quàm ex vsuris quærere potuerit. Itaq; quemadmodum pœna, quæ stipulationibus adiicitur, circumscribit id quod eius quod interest nomine peti poterat, quoniam

Vsura nil aliud quàm compensatio eius quod interest.

„ quoniam plerunq; , vt Venuleius ait, difficilis probatio est quanti cuiusque interfit. l. vlt. D. de præt. stipul. & §. vlt. Instit. de verb. obligat. ob eamque causam nō iam ampliùs inspicitur quid interfit, sed quæ sit stipulationis quantitas & conditio: adeò vt quanuis nihil interfit, pœna tamen debeatur, quæ stipulata est. l. stipulatio ista. §. alteri. D. de verbor. oblig. similiter vsura à legibus instituta est, vt id quod interest circumscribat ac terminet, nec ampliùs id quod interest probare necesse sit. Ex quo nimirum factum est, vt quemadmodum id quod interest, quum in pœnam petitur, pœna plerunque nominatur: veluti in l. vlt. D. de eo quod cer. & l. nouissima. D. rem rat. hab. ita vsura sæpenumerò pœna nominetur: quo casu videlicet in pœnam interpositæ moræ petitur. veluti in ea stipulationis formula quam Paulus tractat in l. lecta. si cert. pet.

„ Si ea die supra scripta summa P. Mæuius data non  
 „ erit, tunc eo ampliùs quo post soluā, pœnæ nomine, in dies x x x. inq; denarios centenos, denarios  
 „ singulos dare sponendi. vel quum idem in l. Caius.  
 „ D. de vsur. Fuit consuetudo vt intra certa tempora non illatis vsuris pœnæ nomine grauiore in-  
 „ fligerentur. vnde paulo pòst. Illud quod ampliùs  
 „ ex consuetudine pœnæ nomine exactum est. Item Pomponius in l. si quis. §. item si. D. de hæred. instit. Si sub conditione quis hæres institutus sit, &  
 „ graue æs alienū sit, quod ex pœna crescat. Quamquam id quidem scire nos oportet, inter Pœnam & vsuram illud interesse, quod quum vsura ex vsu pèdeat, siue vt planiùs loquamur, vsus diuturnitas

cam

Pœna plerunque pro vsura.

Pœnæ & vsuræ differencia.



eam pariat (quemadmodum scribit Aristophanes, *τὸ δ' ἐστὶ τὸ ἐκ τῆς τῆς ἡμέρας; Δα. Τί δ' ἄλλο γ' ἢ κατὰ μῶνα καὶ κατ' ἡμέραν πλῆτον ὑπορρέοντες τὸ χρόνου*) pœnam contra successus temporis non parit, sed contumacia debitoris sola. Itaque vsura quidem pro rata temporis exigitur, & simul cum eo crescit atque augetur: quam ob causam Vlpianus in l.vbi autem. §. qui sortem. de verb. oblig. eum, qui vsuras stipulatur, incertum stipulari pronuntiat. nempe quoniam incertum est quanta eius summæ futura sit, utpote quæ ex temporis & vsus successu pendeat, ideóque augeri possit, sed pœna non crescit ex temporis productione, si quidem vti conuenta est ita soluitur, neque adaugetur. Vnde Paulus in l. si pœnam. D. eod. eum qui pœnam stipulatur, certum stipulari respondit. nimirum eo casu quo tanquam pœna stipulata est. Nam si pro vsura, veluti quum stipulati sumus pro vsuris legitimis pœnam,, in singulos menses, si fors soluta non sit, ut inquit,, Pomponius in l. quum stipulati. de verb. oblig. nō tantum vsuræ naturam, verum etiam appellationem suscipit. Cæterum nemo ignorat quàm sæpe vsuram à pœna nostri distinguant, ut l. non solum. D. de lib. legat. l. pœnam. D. de vsur. l. grege. in fi. D. de pignor. Verumenimvero operæpretium esse arbitror hunc tractatum de eo quod intèrest, quatenus ad institutum nostrum pertinet breuiter strictimque percurrere. Si quidem & id de quo disputamus intelligi aliter vix potest: & operam dabimus ut rem obscuram plenamq; dissensionis inter doctissimos, quammaximè possimus planè ac dilucidè

dilucidè exponamus. Illius igitur triplicem esse speciem dicimus. Primam eius quod neque à lege neque ex partium cōuentione definitum est, ideòque probandum, & quantumcunque erit (ex regula tamen l. vn. C. de sent. quæ pro eo quod inter.) adiudicandum. Quæ quidem prima species in generis sui nomine stat, & appellatur id quod interest.

Alia autem species eius est, de cuius summa integra & quantacunque futura est, inter partes conuenit: quæ in iure appellatur Pœna. l. ult. D. de præst. stipul. l. procurator ad exhib. §. ij. D. rem rat. hab. quæ quanquam id quod interest terminet, tamen quia in fauorem stipulantis adiicitur, nunquàm aduersus eum retorquetur. adeò vt si paratus sit probare quanti sua intersit, admitti debeat. l. prædia. D. de act. empt. l. si quis à socio. & seq. D. pro soc. contrà, in hoc stipulanti prodest, quòd quanuis minus intersit: debitor tamen tergiuersari non possit, & ad solutionem pœnæ condemnatur. Atque hoc ipsum est quod Vlpianus ait, In pœna non ampliùs quid intersit quæritur (hoc enim in conuentione definitum est) sed quantum conuentum sit. d. l. stipulatio ista. §. alteri. D. de verb. oblig.

Tertia species eius est, de cuius summa nō integra, nec quantacunque ad extremum esse potest: sed quanta sit per singulos menses, ipso iure definitum est. ita vt quanuis vel plus vel minus intersit, sola tamē summa præstetur: sicuti suprà docuimus ex. l. ult. de per. & commod. rei vend. & hæc à nobis quoniam ex vsus diuturnitate pendet, vsura siue interusurium appellatur. Hoc ita verum esse apparet ex

co,

Quot  
sint eius  
quod int.  
species.

Quid sit  
pœna.

Vsuræ &  
eius quod  
interest  
differen-  
tia.

eo, quod quibusdam casibus id quod interest peti permittitur vel tanquam vsura, vel tanquam id quod interest. quòd si tanquam vsura, quanuis plus intersit quàm vsurarum modo exigì possit: tamen vsque ad modum illum legitimum duntaxat exigitur. si verò quasi quod interest, quantumcunque interesse probabitur. exempli causa. Papinianus ait in l. j. §. j. D. de vsur. socium qui pecuniam communem in vsus suos conuerterit, vsuras debere. Pomponius verò in l. socium. D. pro soc. quum idem dixisset, adiecit, Sed non tanquam vsuras, sed quod socii intersit moram eum non adhibuisse. Quid est hoc? nimirum id ipsum quod diximus: si tanquam vsuras petat, quanuis plus intersit, nihil tamè amplius exacturum. si verò tanquam id quod interest, quantumcunque. Id quod perspicuè Papinianus docet in l. si fratres. §. idem respondit. huius nominis secundus. D. pro socio. vbi si socius refecerit portionem insulæ socii qui cesset soluere, respondit, quanuis sortem cum vsuris possit accipere, posse tamen & pro socio agere, ad hoc vt consequatur quod sua interest. In hoc igitur beneficium electionis ei proderit, quòd si non tantum intersit quantum vsurarum modus progreditur, vsuras petere poterit. si quid amplius, id quod interest. Quid? quod interdum

Vsurā & id quod interest simul peti posse.

euenire solet, vt ex vna eadèmq̃ sorte & vsura & id quod interest seorsim ac separatim peti possit? veluti in hac specie, Centum mihi debes sub vsuris. ea stipulatus sum mihi dari Luteriæ Calendis Ianuar. Si moram feceris, non modò

Vsuram  
& præter-  
ea pœnā  
interdum  
peti.

Id quod  
interest  
vtrum in  
pecunia  
spectetur.

modò vsuram, verùm etiam si quid mea interfuit,  
veluti si sub pœna debebam, & ea commissa sit,  
præstare debebis. l. ij. in fi. D. de eo quod cert. loc.  
& l. qui solidum. §. etiam. D. de legat. ij. Quod  
ipsum similiter in pœna traditur. l. Lucius. D. de  
act. empt. vbi Paulus speciem refert, in qua pœnam  
& vsuram deberi ex eadem obligatione respondit.  
quemadmodum fit etiam in casu pecuniæ traiectionis,  
vbi creditor præter vsuras pœnam etiā stipu-  
lari potest: vt l. traiectionis. D. de act. & oblig. & l.  
iiij. §. pro operis serui. & l. penul. quæ de pœna tan-  
tùm quæ præter vsuram exigitur intelligi debet.  
D. de naut. fœn. Nec verò illi audiendi sunt, qui  
putant eius quod interest rationem in pecunia non  
haberi. Quid enim clarius dici potest, quàm quod  
Papinianus scribit in l. socium. & l. cum duob. D.  
pro soc. aut Vlpianus in l. iij. D. de in lit. iur. vbi  
de numis disertè respondit, si quis iuret sua inter-  
fuisse numos sibi sua die fuisse redditos, eum id  
quod interest petiturum. Sed commodius est eo-  
rum argumenta cognoscere. Vlpianus (inquiunt)  
” in d. l. iij. respondit numis depositis iudicem non  
” oportere iuramentum in litem deferre, vt iuret quis  
” quod sua interfuit: quum certa sit numorum æsti-  
” matio. Verùm hoc ad propositum non pertinet.  
Nam iuramentum in litem tantùm aduersus eum  
defertur, qui iussus à iudice non restituit, eò vide-  
licet vt arbitrio domini rei pretium ex locorum &  
temporis varietate mutationi obnoxium statuatur.  
quemadmodum Marcellus docet in l. tutor. eod.  
tract. Quod quoniam in pecunia locum non ha-  
bet,

bet, quippe cuius certa ac statuta æstimatio sit, Vlpianus ibi negat iuramentum in litem in hac specie deferri.

Haftenus ostendimus Vsuram aliud nihil esse, quàm id quod interest circumscriptum ac terminatum. Docuimus præterea quanuis vtraque hæc accessio cadat in pecuniã, & eas omnes res quæ vsuram recipiunt, non tamen vsuras dici posse. Superest vt de Quãtiplurimi estimatione videamus, quæ quidem ipsa similiter quædam sortis accessio est. verbi causa, Vinum mihi vendidisti quo tempore decem valebat, & in eo tradendo moram fecisti. Hodie vinum vel pluris vel minoris est. Pomponius ait in l. iij. §. ult. & Paulus in l. si sterilis. §. quum per venditorẽ. D. de act. empt. si pluris est, venire hoc incrementum: si minoris, æstimationem eius temporis fieri quo res vedita est. Querat igitur aliquis, quum ob morã hæc accessio veniat, & ob id quod interest, an vsuræ appellatione cõprehendatur? Id quod equidem non arbitror. Nam, vt vno verbo rem omnem cõplectar, vsuræ accessio est extra sortem. hæc verò pars est ipsius rei: nec est extra rem, sed, vt ibidem ait Paulus, circa rem ipsam. Non enim (inquit) maior fit obligatio quod tardius agitur, quanuis crescat si vinum hodie pluris sit. & merito, quia si datum esset, hoc haberet emptor: quoniam verò non dedit, saltem hodie dandũ est, quod iam olim dari oportuit. Nec verò ad propositum, hoc pertinet quod quidã citant ex l. in furti actione. D. de furt. vbi ait Vlpianus, In furti actione nõ id quod interest quadruplabitur, sed rei verũ pre-

De quãti  
plurimi  
accessiõe.

Quātipl.  
ratio an  
in pecu-  
nia habe-  
ri possit.

tium. quia non de Quanti plurimi accessione lo-  
quitur, sed pœna furti: quæ ipsa etiam est extra  
rem. Sed multi hanc quæstionem ineptam esse  
fortassis existiment, propter vulgarem eorum  
opinionem qui negant quanti plurimi rationem  
haberi in pecunia: quum tamen vsura præcipuè  
in pecunia consistat. nimirum quoniam in Pan-  
dectarum libris nihil eiusmodi traditur. Verùm  
illos animaduertere oportuit, non ideo nullam  
fieri in Pandectis Quanti plurimi mentionem in  
pecunia, quod natura pecuniæ id non admittat:  
sed eo duntaxat, quia nostrorum ætate Iuris-  
consultorum pèrpetua fuit numorum æstimatio.  
itaque quum ea quanti plurimi ratio non nisi  
quum rei æstimatio mutata est locum habeat,  
pecuniæ verò pèrpetua maneret: minimè mirum  
videri debet, quòd nullam eiusmodi mentio-  
nem Iurisconsulti fecerint. Atqui nos qui toties  
eam immutationem videmus vsuuenire, non du-  
bitabimus ea vti lege ac ratione, qua verisimi-  
le est eos vsos fuisse, si & casus & tempora tulis-  
sent. Quam ob rem si quid mei iudicii est, quem-  
admodum in rebus similibus quæ in genere suo  
functionem recipiunt, ita in pecunia numerata  
immutato pretio Quanti plurimi rationem ha-  
beri oportere censeo: & sicut Paulus ait, Si ven-  
ditor in mora sit, & hodie vinum pluris sit, obli-  
gationem augeri: quia si datum esset, hoc habe-  
ret emptor: quoniam verò non dedit, saltem ho-  
die dandum est quod iam olim dari oportuit.  
dicta l. si sterilis. D. de actionibus empti & venditi.

Simil

Siimiliter ex aduerso dicendum arbitror: Si emptor in mora sit, & hodie aurei nostri Gallici creuerint ad æstimationem quinquaginta solidorum, quum emptionis tempore quadragintaquinque dantaxat valerent, obligationem augeri: quia si datum esset, hoc haberet venditor. quoniam verò non dedit, saltem hodie dandum est quod iam olim dari oportuit. Item quod de pretii diminutione Pomponius ait, Si per venditorem vini mora fuerit, condemnari eum oportet, » utro tempore pluris vinum fuerit, vel quo venit, » vel quo lis in condemnationem deducitur. l. tertia. §. ultimo. D. de actionibus empti & venditi. veluti si decem modius vini valebat contractus tempore, & mora facta decreuerit, nihilominus ad decem condemnabitur: similiter etiam in emptore statuendum erit: ut si contractus tempore aureus valebat quinquaginta, & mora facta decreuerit, teneatur ad aureos solidorum quinquaginta persoluen- dos. Alioqui enim quid dicemus? Qui moram fecerit, ex mora sua lucrum quod alterius esse oportuit consequetur? Finge mihi summam quandam aureorum legatam esse à defuncto. Hæredem autem fraudare me mea pecunia atque intereà auctam illorum esse æstimationem. Quis existimet ad hæredē hoc emolumentum propter suam moram atque fraudationem pertinere? præsertim quum Vlpianus scribat, omnem rei legatæ utilitatē ab hærede præstari oportere. l. quum res. D. de legat. primo. Nec enim ad rem pertinet, quod quum vsura his casibus debeat, si hæc accessio prætereà

exigatur, fore videtur vt duplex vnus rei accessio sit: cōtrā quā suprà docuimus. Nam vt modò dixi, Quanti plurimi accessio ipsius rei est, non autē extra rem: V sūra verò est extra rem, & multum interest vtrūm res ipsa per se augeatur: an verò extrinsecus aliquid ei accedat. Nam ea regula quæ negat duas vnus rei accessiones esse, de accessione extrinseca intelligenda est. In quo tamen perpetuò diligenter notandum est quod modò diximus, quanti plurimi rationē non nisi eo casu quo mora commissa est, habendam esse: ob eāque causam singulariter adhibenda cautio est, ne quis idem in legato in diem omnimodò respondeat. Nam quum hāredis causa solutio dilata sit, quem interea testator omnem ex pecunia vtilitatem percipere voluit, non dubium est, quin si ante quā dies venerit, aureorum æstimatio creuerit, eam vtilitatem percipere debeat. Id quod similiter in Mutui contractu dicimus, in quo videlicet debitori copia facta est, vtendi re mutuo data ad tempus aliquod, intra quod non censetur soluendi mora fieri. quoniam creditor omnem fructum & vtilitatē mediū temporis debitori concedit. Bifariā autem mora cōmittitur. primū si dies solutioni præstituta est: deinde si post aliquod tempus nulla præstituta die debitore creditor appellet. Quod si vel ante diem, vel ante petitionē debitor soluerit, verum est quod scribit Pomponius in l. quum quid. D. si certum petat. debitorem liberari si eiusdem generis & eadem bonitate soluat qua recepit. Quam ob rem etsi vini pretium decreuerit, tamē si modò æquē bonum reddat

Mora  
quot mo  
dis in mu  
tuo com-  
mittatur.



reddat liberatur. Quæ quum ita sint, & creditor eam vtilitatem debitori cōcedat, verum etiam esse consequitur quod nos latè & diligenter explicauimus in §. Plus autem. De action. lib. instit. iiii. in mutuo pecuniæ quanuis pretium aureorū auctum est, debitorem tamen liberari, soluēdo tantæ summæ æstimationem quantam acceperit. & quemadmodum imminutio pretii cuiusuis alterius rei adfert emolumentum debitori ante moram soluenti, ita numorum æstimationis incrementum ad eum pertinere. Contrà quemadmodum mora facta in vini mutuo Quanti plurimi ratio ducitur, sicuti Iulianus eleganter tractat in l. vinum. D. Si cert. per. similiter etiam in pecunia rationem eius habēdam esse probabile est. Nam si vini pretium decreuerit, & dictum esset quo tempore redderetur: quanti tūc fuisset æstimationem faciendam tradit: si non dictū est, quanti tunc quum petitum esset. veluti si contractus tempore modius vini valebat x l. & ad x. decreuerit Calen. Ianuar. quibus dari oportebat, inde ad v l l l. decē omnino reddenda sunt. Quod ipsum similiter in augmento pretii dicendum est, vt si ad x l l l l. creuerit, aut vinum eius pretii aut certè pretium ipsum exsoluatur. siquidem contrarium (vt Cicero scribit) contraria sunt consequentia. Eodem igitur modo si aureus qui contractus tempore x l v valebat, decreuerit ad x l. supplebit debitor vsque ad tantam æstimationem, quanti tum erant quum mutuo dati sunt. si verò ad l. creuerint, hoc quoque ad creditorem emolumentum pertinebit: & aureos eodem numerq eadēque for

ma debitor persoluet. nimirum quia, vt suprà diximus, si dati essent, hoc haberet creditor, quoniā verò non dati sunt, saltem hodie dandum est quod iam olim dari oportuit.

*Damnum illud creditorum, & id quod interest ex mora & inter usurio cōtingere. Vsuras partim officio iudicis, partim ex stipulatione deberi. Nunquamne sine mora interesse creditoris possit: & an etiam sine mora vsuræ peti possint, velut in mutui contractibus. CAP. VI.*



**Q**VVM igitur hæc ita se habeāt vt diximus, & vsura nihil aliud sit, quàm cōpēsatio eius quod creditoris interest aliū eius vti pecunia, vehemēter errasse iudicādi sunt quidā homines imperiti, qui leges Romanas ob eam causam damnādas esse censuerunt, quòd vsuras in omnibus penè negotiis permiserint. Nam quum eas nemo leges improbet, quæ emptori permittāt actionē in id quod illius interfuit, morā non esse à veditore cōmissam in re vendita tradenda: vt l. j. & similib. D. de act. empt. quæso quid esse causæ putemus, quin idē etiā venditori aduersus emptorē cōcedamus, à quo fructu & cōmodo pretii fraudatus est? præterea quum hæres falsus hæredi vero fructus ex hæreditate perceptos restituere cogatur, idq; etiā omnes probet, quidni similiter in pecunia permittatur, si cōsistat hæreditas pecunia, vsuras eius repetere? ex l. iij. & similib. D. de vsur. l. Titia. §. j. D. de legat. ij. Non cōmoueunt nos igitur eorū hominū argumenta, qui scribunt, quoniā nullum nuda pecunia fructum ferat

ferat, iniquum esse ex re sterili fructum exigere. Id enim nos quidē profectō verū esse non diffitemur. attamen illud respondemus creditorē non captare lucrum aut fructū ex pecunia (quod certē cōtra naturam est, si quidem nuda pecunia est, quōd ad illū pertinet) sed tantū de damno vicādo certare. Nā quum eo inuito debitor vsus sit pecunia, ideóque eius intersit vsu carere suę pecunię, iustissimum est cōpensationem aliquam eius damni petere. Atq; hoc nimirū illud est, quod et si sępe diximus, dicendum est tamen sępius: vsuras non propter lucrū petentium, sed propter nō soluentiū morā, vnde damnum emerit, irrogari. l. iij. D. de vsur. Sed operępretium est ex respōsis & legibus innumeris ostendere, quemadmodū in tēpore solutionis & damnū & cōmodum pecunię numeremus. Nemo nō fate- Tēporis  
magnum  
esse com-  
modum,  
aut detri-  
mentum.  
tur verissimū esse quod scribit imperator in §. plus autem. De act. eum qui prāmaturē & ante diem petat, plus petere videri: quoniam quidem vt Vlpianus ait in l. j. §. j. D. de edendo. Dies, solutionis, sicuti summa, pars est stipulationis. ex quo etiā sęp-  
penumero in iure videmus haberi rationē cōmodi tēporis in pecunia, quemadmodū in illa nobilij specie de qua tractatur in l. si constante. §. quoties. D. sol. mat. l. ait prętor. §. si quum in diem. & l. omnes. §. si vir vxor. D. Quę in fraud. vbi si qui in diē debebat præsens soluerit, & repræsentauerit, responsum est aduersus creditorē rationē eius habendam quod in repræsentiōe cōmodū cōsecutus est. Itaque Cicero libro epistolarū ad Atticū xvi. magnopere queritur de Publilię vxori suę quā dimiserat,

propinquis quòd quum antediem solutioni dotis præstitutum omnem dotem numerasset exceptis CCC HS. eum tamen etiam de reliquis vrgerent, & clarè scribit magnā se in eo iacturam fecisse. Quum videas (inquit) quantū de iure nostro decesserimus, qui de residuis CCC HS. CC. præsentia soluerimus, reliqua perscribamus (id est, non præsentem quidem pecunia numerata, sed per scripturam satisfaciamus) loqui cum eo poteris, eum cōmodum nostrū expectare debere, quum tanta sit à nobis iactura facta iuris. Neque verò quenquam moueat quod in l. j. C. de cond. ex leg. refertur species, qua cogitur debitor etiā ante tempus soluere. Nam hoc ob fisci priuilegium, & ob publicas necessitates permissum est, vt ibi disertè scribitur. illud sanè paulò obscurius est quod Vlpianus ait, in l. nam etli. & l. seq. D. de cond. ind. si quū moriar dare promiserò, & ante soluā, repetere me non posse, & omne deniq; quod ea conditione debitū est, quæ omnimodò extatura est. item quod ait Paulus l. in diem. eodem

» In diem debitor, adeò debitor est, vt ante diem solutum repetere nō possit. Veruntamen hæc ita dissolui posse arbitror, si priore quidē lege, dicamus eū qui ante mortē suam soluit dare videri tēporis cōmodum, eòq; non repetere in secunda, si talis conditio est, quæ nullum in se tempus contineat, & omnimodò extatura est: veluti, Si digito cælum tetigero, verum esse quod Paul. scribit in l. si pupillus. §. j. D. de nouat. purā hāc esse stipulationē. quam ob rē quū peti possit, vt nos docuimus in §. plus autē. de act. minimè mirū est si semel exsolutū repeti nō possit

Leges due  
perdifficiles  
explana-  
tar.

possit. Sed quod ait in l. in diem. ita intelligendum esse, ac subaudiendum, si perexiguum tempus sit. Secus verò si longinquum esset ut paulò post apparebit. l. generaliter. D. de fid. libert. Nam, ut rectè Paulus ait, in mora modici temporis non magnum damnum est. l. si debitori. D. de iudic. Porro ut ad propositam quæstionē redeamus, adeò commodi temporis ratio haberi solet, ut legatum, creditori factum, quod alioqui non valeret, valeat tamen ob solum medii temporis emolumentū. Nam si debitor decem legauit creditori, qui ei post annum sub pignore debebat, respondit Paulus quantum elapso anno peti nihil posset, statim tamen tota decem peti posse: nimirum ob utilitatē interusurii medii temporis. l. debitor. D. de legat. ij. & l. j. §. si quis. ad legē Falci. Si quis creditori suo legauerit, quod debet in diē, præter repræsentationis cōmodum utile erit legatū. Quid? quod adeò medii temporis ratio habetur, adeò inquam minus æstimatur in diem debitum, quàm id quod purum & præsens est, ut Africanus non dubitauerit affirmare, quantum æqua pecuniæ summa duobus legata sit, tamen si vni purè, alteri in diem legatum sit, adeò vberius esse illius quam huius legatū: ut quum hæres ex lege Falcidia detrahet ex septē, primus conferat quatuor, alter verò tria duntaxat. l. qui quadraginta. §. ult. D. ad legem Falcid. cui consentaneum est quod ait Ulpianus in l. circa. eod. si decē sub conditione alicui fuerint relicta, eaque conditio post decennium extiterit, nō videri decem huic legata, sed minus decem. quoniā (ait) interuallum,,

„ temporis & interusurium huius spatii minorem fa-  
 „ cit quantitatem decem. Et Paulus in l. in lege Fal-  
 „ cidia. j. D. eod. Non habetur, inquit, pro puro in  
 „ lege Falcid. quod in diem relictum est: medii enim  
 „ temporis commodum computatur. Id quod etiam  
 Iabolenus respondit. l. eum qui. D. de ann. legat.  
 Si rogatus post decem annos restituere ut com-  
 modum medii temporis sentirem, ante diem resti-  
 tuerim, plus me præstitisse quàm debuisssem. quin  
 etiam Caius. l. in quantitate. §. in diem. D. ad legem  
 „ Falcid. Tantò minùs, ait, ex bonis erogari intelli-  
 „ gendum est, quantum intereà donec dies obtigit,  
 „ hæres lucraturus est ex fructibus vel vsuris. Sed &  
 Pomponius Donationē verè appellari posse scri-  
 bit, quum etsi corpus nō donatur, tamen donatio-  
 nis causa cum debitore meo pasciscar, ne ante tem-  
 pus certum ab eo petam. l. in ædib. D. de donat.  
 Quæ quum ita se habeant, quidnam aduerso casu  
 dici oporteat, perspicuum est. verè nanque Impe-  
 „ rator ait, Qui tardius soluit quàm soluere debe-  
 „ ret, minus soluere intelligi. §. plus autem. de act. &  
 §. fideiussores. de fideiuss. sed & Callistratus, nō sol-  
 ui debitum non minus die, quàm quantitate. l. soli-  
 dum. D. de solut. & l. si cui. §. ult. D. de verb. signi-  
 fica. Denique Vlpianus in l. generaliter. §. si lega-  
 tum. D. de fid. libert. & l. iij. §. Iulianus. D. de lega.  
 iij. clarè inquit, ut quisque tardius soluit, eo minus  
 grauem illi solutionem existimandam. Vnde si le-  
 gatarius rogatus sit seruū manumittere, eiq; quod  
 legatū est post aliquod tempus restituere, propter  
 medii temporis fructum & emolumentū quod per-  
 cepit,

cepit, interea fruendo pecunia, cogendum eum manumittere: quum tamen si confestim rogatus esset, cogi non posset. quid ita? nimirum quia damnum quod ex manumissione accipit, nullo emolumento refarcitur. Alio vero casu medii temporis fructu, id est, fructione, ut ita dicam, & utilitate compensatur. quod tamen sic accipiendum est, si modò non ita modicum sit intervallum, ut nihil à puro differat. ideoque Sczuola in l. ult. D. de re iudicat. quum vsuras ab eo deberi scribit qui condemnatus executionem appellatione traxisset, adiecit, Et diu negotium tractum sit. Item Papinianus in l. „ ult. in fin. D. de adm. rer. ad ciuit. Is, inquit, qui „ pecuniam publicam magistratus sui tēpore, & post „ non paucò tempore detinuerat, vsuras debebit. „ Ex his igitur & aliis prætereà huiusmodi locis quamplurimis, quæ nihil necesse esse arbitror copiosius persequi, intelligi posse puto quàm leue sit id argumentum quod contra vsuras nonnulli citant. Quum pecunia sit res sterilis, iniquum esse fructum ab ea exigere. Copiosè nanque docuimus, & in representatione esse lucrum, & in mora damnum. ex quo efficitur, damni eius, quod ex mora percipitur, iure compensationē peti posse. Eòq; quum vsuras exigimus non tanquam fructum ex ipsis nummum corporibus, id est, ex nuda pecunia peti, sed id quod ob eam causam interfuit, quòd fructu, id est, ut ita dicam, fructione nostræ pecuniæ caruimus. Simul illud intelligitur, nò modò in cæteris causis eam æquitatē locum habere, verum etiam in mutuo in quo mora commissæ est: quale illud est de quo agit Paulus

Vsuras  
etiam in  
mutuo re  
ctè peti.

in

in l.lecta. D. si cert. petat. & l. si ita stipulatus fuero si Titius. §. Chrysogonus. D. de verb. obligatio. ubi centum certo die dari stipulata sunt, & si eo die satis eo nomine factum non erit, tunc quo post soluetur, vsurarum nomine aliquid præstari. Si enim hic quoque in soluendo mora facta est, vsuras quoque rectè deberi fatendum est. In quo tamen scire nos oportet, inter has & alias vsurarum causas singulare esse discrimen, cuius celeberrima mentio fit in Pandectis, quòd illæ videlicet officio iudicis

*Vsuræ* quarantur, hæ verò per stipulationem. Nam Paulus quidem in l. quæro. D. locat. & Vlpianus in l. item si. in fin. & l. seq. D. de negot. gest. clarè scribunt, vsuras in bonæ fidei iudiciis nō tam ex obligatione quàm ex officio iudicis proficisci, id est, actionem quidem vsurarū à prætore peti non posse, (de quo latè diximus in §. j. de actionib.) quippe quæ promissæ non sunt: eum tam iudici harum bonæ fidei actionū permittere, vt officio suo de vsuris cognoscat. Id quod adeò verum est, vt quanuis fors post moram soluta sit, vsuræ postea peti non possint. quemadmodum apertè traditur in l. iiii. C. de pos. & l. qui per collusionē. D. de act. emp. contrà si vsuræ solæ petitæ sunt: quoniam ex sorte pendent, obesse poterit exceptio, sed postea sortis petitione nihilominus exigentur: nec obstat rei iudicatæ exceptio. l. si in iudicio. D. de except. rei iudic. In strictis verò iudiciis Africanus scribit in l. Titius. D. de præsc. verb. pecuniæ creditæ vsuras nō in stipulatione deductas nō deberi. quod ipsum Imp. tradunt. l. quanuis. & l. creditor. C. de vsur. id quod



quod de sorte tantum quæ numis constat intelligendum est, non etiam de speciebus: quarum vel ex nudo pacto usuras peti posse certum est. ex. l. frumenti. eod. quemadmodum eius quoque pecuniæ quæ à ciuitatibus credita est. l. etiam. D. eod. vel quæ cui libet alii sub pignoris obligatione debetur. Nam etiam ex nudo usurarum pacto pignoris retentio conceditur. l. solutum. §. si in sortem. D. de pign. act. & l. pignoribus. C. de usur. quin etiam sine pignore debita ex nudo pacto si soluatur repeti non possunt. l. iij. C. eod. & l. in his verò. §. j. in fi. D. de solut. Verum ut ad ea quæ hoc capite præcipue tractare institui nunc reuertar, postulare hic locus videtur, ut de vulgari illa questione breuiter differamus, An usuræ non nisi commissâ mora iuste ac legitime peti possint. Quod video multis hominibus magnopere placuisse, iis præsertim, qui Pauli verba non satis intellexerunt, quæ sæpe citamus ex d. l. iij. D. de usur. quorum certe non ea sententia est, ut usuræ nisi post moram non debeantur; sed illa potius, ut quum ob moram debitoris creditor damnum sentiat, ob hoc damnum usuras possit exigere: non tamen ob moram, sed ob id quod sua interest usu carere suæ pecuniæ præter tempus. Quamobrem Vlpianus in l. si verò non remunerandi. §. si mihi. D. mand. clarè respondit, procuratorem qui sumptus in rem domini fecit, usuras consecuturum: neque tantum ex mora, verum iudicem æstimare debere si exegit à debitore suo quis, & soluit quum vberrimas usuras consequeretur, quod ipsum in negotiorum gestore Paulus respondit,

Usuræ  
vtrū etiā  
sine mo-  
ra peti  
possint.

spondit. l. & qui natura. §. cōtra quoque. D. de negot. gest. & l. & in contraria. D. de vsur. vt si in rem domini pecuniam suam impenderit, ex eo tempore vsuras petat. quin etiam tutor si in rem pupilli aliquid impenderit, non quæritur an mora facta sit, nam omnimodo vsuras repetet. Ex quibus breuiter disputatis perspicuum esse arbitror vsurarum non propter moram, sed tantum propter id quod interest rationem haberi. Et quotiescunque creditoris intererit vsu carere suæ pecuniæ, sine vlllo moræ respectu eas deberi. ob eamque causam non dubitandum esse, quin ex mutuo non tantum eo casu vsuræ iustissimè peti possint, de quo suprà dixi ex. l. lecta. si cer. pet. & §. Chrysogonus. de verb. obliga. nimirum quum certo die pecunia promissa est, & nisi eo die soluatur, tunc propter moram vsuræ stipulatæ sunt, verum etiã ex ipso numerationis die: dummodo iusta illa vsurarū causa interueniat, nempe quum creditoris interest alterū eius vti pecunia. Atque vt vno verbo rem omnem complectar, quoties nihil aliud petitur, quàm quod in definitione cōpræhensum est, nimirū æstimatio vsus fortis, consumptæ cū damno creditoris, iustissimè id peti. Nam eius damni compensatio & naturali & ciuili æquitati consentanea est: vt ex hac vna re intelligi possit. quamobrem hoc casu leges in mutui contractu vsuras. permittant: præsertim quum hoc ad communem Reipubl. vtilitatē magnopere pertineat. Quum enim mutui contractus non minus sit in hominū commerciis & rebus gerendis necessarius quàm alia quæuis vsitata cōuentio, non modò

Mutui cōtractus in vita necessarius.

dò vt inopes & pauperes eo quasi parato & expedito subsidio adiuuentur, verumetiam vt numariæ ciuium difficultati subueniatur: neq; tamen vlla lex aut diuina aut humana iubeat nos eum qui nullis suis rebus aduersis res meliores quærit, ex nostris spoliis augere: sed, vt præclare Cicero scribit, suæ cuique vtilitati, quod sine alterius iniuria fiat, seruandum est: accadat profectò necesse est, vt multi quibus gratis pecuniam nemo vult credere, vilissimo pretio pecuniæ faciendæ causa, suas possessiones vendant: itaque damnum longè maius accipiant, quàm si mediocrem aliquam vsurâ creditori persoluerent. Prætereà sæpe contingit vt etiam locupletissimi pecunia careant, quam si haberent in promptu, magnū aliquod compendium facerent. Huic incommodo paratissimum remedium est in Mutuo. sed quia vel nulli, vel perpauci sunt, qui sibi metipsis, quò aliorum commodis inseruiant, res meliores quærētium, vtilitatem velint adimere, carebunt eo compendio: quod quidem, si partem aliquam eius quæstus quem ex ea pecunia fecerint, creditori deciderent, perfacile consequerentur. exempli causa, Quum aliquis negotia mea gereret, vidit creditores meos mea pignora vilissimo pretio velle vendere: vt me hoc detrimento liberaret, quanuis suam pecuniam in vsum suum posset conuertere, tamen officii causa eos suis ipsius numis absoluit. Vlpianus ait, in d.l. & in contraria. vsuras ei iustissimè deberi. Quis est adeò rerum omniū imperitus, qui hoc Vlpiani responsum improbet? Nam si nullas vsuras negotiorum gestor  
sper

sperasset, siuisset me in hoc acerbissimum damnum incidere. nec iniuria. Nam ut præclare Cicero scribit, sibi ut quisque malit, quod ad usum vitæ pertinet, quàm alteri acquirere, concessum est non repugnante natura. & Caius inquit in l. sed si quis.

D. testam. quem. itémque Africanus in l. si seruus

» communis. §. quod verò. D. de furt. iniquum esse

» damnosum cuiquam esse suum officium, quod eius

» cum quo contraxit, non etiam sui commodi causa

» suscepit. Nec verò ut dixi ad hunc locum pertinet

quod Aristoteles inquit, contra naturam esse,

si numus, quæ res sterilis est, numum parit. deinde

numum contra sui naturam ad quæstum transferri:

propterea quòd permutationis tantum & non

quæstus causa sit inuentus. Nam Aristoteles, ut

postea latius docebimus, non loquitur de usura, de

qua in definitione tractauimus: sed tantum de fœ-

nore. quorum hæc summa differentia est, quòd illa

de domino vitando tantum, hoc verò de lucro cap-

prando contendit: & eo quæstu, quem quis curat &

aucupatur ex sola pecunia. veluti quum quis ob suam

causam & lucrū, quod ex pecunia captat, mutuum

dat. Hoc enim non officium est mutuationis, sed

mera fœneratio: ut Cicero lib. de finib. ij. docet his

verbis. Nec enim si tuam ob causam cuiquam com-

modos, beneficium hoc habendum est, sed fœnera-

tio. Paulus verò in d. l. quum quidam. perspicue

affirmat, usuras nō propter lucrum petentium, sed

propter id quod interest irrogari. quod ipsum eo

magis iudicari potest verum esse, quia usurarū mo-

odus ex cuiusque damni modo definitus est: quem-

admodum

Fœnoris  
& usuræ  
differen-  
tia.

admodum idoneo loco latiùs dicturi sumus. Itaq;  
 quoties quis quærit & captat occasionem lucri ex  
 nuda pecunia faciendi, quam alii mutuo dat fœne- <sup>Fœnera-</sup>  
 rari propriè dicitur: qualique fœtum ex ipsis nu- <sup>ri quid</sup>  
 mum corporibus captare. eumque esse quæstum <sup>propriè</sup>  
 arbitror, quem & Aristoteles, & omnes boni ve- <sup>dicatur.</sup>  
 hementer improbant. Qui verò neque causam,  
 neque propositum fœnerandi habet, (vt is de quo  
 Vlpianus loquitur in l. quarta. D. Si cert. petat.) &  
 tu empturus prædia desyderaueris mutuum pecu-  
 niam, si vsuras petat, quæ damnum duntaxat com-  
 pensant, quod ea re percepit, quia suæ vsu pecuniæ  
 caruit. quoniam illæ non petunt ex ipsa pecunia  
 fructum, sed quodammodo vsum, aut certè vsus  
 pretium & æstimationem: nemo mea quidem sen-  
 tentia verus & intelligens rerum æstimator eam pe-  
 titiorem improbat. Vera est enim Ciceronis sen-  
 tentia, & Christianæ pietati consentanea: Sibi vt  
 quisque malit quod ad vsum vitæ pertineat quàm  
 alteri acquirere, concessum est non repugnante na-  
 tura. Neque verò contemnenda aut minimi æsti-  
 manda ea differentia est, quam quidem inter eos  
 esse dicimus, qui animo fœnerandi occasionem  
 mutui dandi quærunt, & eos qui quodammodo  
 inuiti & repugnantes amici precibus aut beneuo-  
 lentia in eum ad credendum adducuntur. Eam  
 enim adeò ponderandam esse Vlpianus scribit, in  
 dicta l. quarta. vt quâuis depositi, quod in recipien-  
 tis gratiam factum est, periculum ad recipientem  
 pertineat, distinguendū ramen esse affirmet, utrū  
 ab eo depositum fuerit, qui propositum & animum

fœnerandi habuit, an ab alio. hoc enim casu recipientis esse periculum, illo fœneratoris. Verùm ut hoc omittam, illud sanè vsurarum honestæ petitioni minimè aduersatur quod video à quibusdam optimis viris obiici nobis, atque arctè defendi, mutui officium gratuitum minimèque necessariū esse oportere. Nam ut præclare Cicero & eleganter scribit, Alia causa est eius qui calamitate aliqua premitur, & eius qui res meliores quærit, nullis suis rebus aduersis. Nam his nullum vnquam ius, nulla consuetudo, nulla denique lex iussit nos cum damno nostro officium tribuere. contrà qui calamitate aliqua oppressi sunt, & mutuum postulant, non ut res meliores quærant, sed ut necessitati subueniant, iis integrum & plenum officium præstandum est: id est, etiam cum aliquo damno & diminutione nostri commodi. de quo tamen malo nostram sententiam Lactantii Firmiani eruditissimi & summa pietate præditi viri autoritate confirmari. is enim libro De vero cultu v. l. cap. xvi. i. Pecuniæ, inquit, si quam Dei cultor crediderit, non accipiat vsuram: & ut beneficiū sit incolume quod succurrat necessitati & abstineat se prorsus alieno. In hoc enim genere officii debet suo esse cōtentus, quem oporteat aliàs ne proprio quidem parcere, ut bonum faciat. plus autē accipere quàm dederat, iniustū est. quod qui facit, insidiatur quodammodo ut ex alterius necessitate prædetur. At iustus nunquàm prætermittet quominus aliquid misericorditer faciat, nec inquinabit se eiusmodi quæstu, sed efficiet ut sine vllō suo dāno id ipsum quod

Lactātij  
sententia  
de fœno-  
re.

quod commodat inter bona opera numeretur. De necessitate disertè loquitur vir sanctus, neque vsquam scriptura sacra iubet nos ex nostris spoliis alterius augere copias: quinimo apertissimè scribit Paulus epistolæ ad Corinthios quæ secunda scripta est capite octauo, non æquum esse, vt alii omnibus copiis circumfluant, atque in omnium rerum abundantia viuant, alii propter inopiam vitam in egestate transigant. Quanquam si verum fateri volumus, hoc quidem negari certè non potest, quin ex cōtractu mutui eo potissimū casu vsuræ iure ciuili permitterentur, quū tēpus aliquod gratis vten di pecunia concessum esset, quo tempore si pecunia non solueretur, quoniam in mora erat debitor, quæ mora creditori damnum afferre intelligitur, vsuræ stipulabantur. Idque quum ex ea cautionis formula quam ex dicta l.lecta. & §. Chrysogonus. suprà commemorauimus, tum verò ex eo intelligitur quod scribit Cornelius nepos, Pomponium Atticum Atheniensibus debitoribus suis ita mutuum dedisse, vt neque vsuram vnquam ab iis acciperet, neque longius quàm dictum esset debere pateretur. quod vtrunque (inquit) erat iis salutare. Nam neque indulgendo inueterascere eorum æs alienum patiebatur, neq; multiplicandis vsuris crescere.

*Statuendum esse aliquem usurarum modum: & quis modus olim à Romanis constitutus. Quæ sit usura centesima, semis, vnciaria, drachmalis, &c. quæ maxima, levis, legitima, mediocris*

## CAP. VII.



**E**ST igitur, vt apparet, v furarum petitio & iusta & tolerabilis: neque tantum quæ commissa mora, v erum etiam quæ ante vllam moram exiguntur: quæq; adeò in mutuo ab ipso numerationis die stipulatæ sunt, nimirum ad compensandum id quod creditorum interest vsu carere suæ pecuniæ. Sequitur vt id quod hoc loco ferè præcipuum est, & quod aliquanto ante obiter perstrinximus, paulò diligentius accuratiùsque perpendamus. Diximus vsuram aliud nihil esse, quàm id quod verè & non simulatè interest. In quo tamen monuimus eo differre alterum ab altero, quòd illud nullis finibus circumscriptum est, vsura ad certum modum redacta & restricta sit. nō enim quidquid consequi creditor potuisset vsuram comprehendere, sed tantum partem. Omnino hoc verum est, & cum æquitate rationeque conueniens. Et si enim in eo quod interest non minus lucrī quàm damni ratio habeatur. l. vnica. C. de sent. quæ pro eo quod. & l. ij. in fi. D. de eo quod cert. & creditor vtens ea pecunia quam alius detinet, industria sua quæstum ingentē facere potuisset: tamen quum nullam operam adhibuerit, non equum est nudā pecuniam tantum adferre emolumentum, quantū industriā cum pecunia coniunctam. Id adeò in l. vlt. D. de peric.

Ex nuda pecunia non tantum emolumentum, quantum ex ea quæ industriæ cōiuncta est.



ric. & com. rei vend. Hermogenianus docet quum ait, Venditori si emptor in pretio soluendo moram fecerit, vsuras duntaxat præstabit, non omne,, omnino quod venditor mora non facta consequi,, potuit: veluti si negotiator fuerit, & pretio soluto,, ex mercibus plus quàm ex vsuris quærere potuerit. ,, item in l. Iulianus. §. ibidem. D. de act. empt. Si con,, uenerit ut ad diem pretio non soluto venditori du,, plum pretii præstaretur, in fraudem constitutorum,, videri adiectum quod vsuram legitimã excederet. ,, Quinetiam Vlpianus quum quæreretur an valeret legatum certarum vsurarum donec legata fors præstaretur, valere quidem respondit, si modò probabilem vsurarum modum non excederet. l. tertia in fin. D. de ann. legat. quid ita? quoniam iniquum esset, quum pecunia nuda sit res sterilis, tantum fructuum ab ea petere legatarium, quantum illa adferret cum industria & labore hominis coniuncta. præsertim verò quum in quouis quæstu dimidia pars operæ, dimidia pecuniæ tribuatur: quemadmodum docet vetus prouerbium, Hostimentum est opera pro pecunia. Et Vlpianus ait, Pretium artis & operæ esse velamentum, seu, ut quibusdam videtur, æquamentum. in l. cum duobus. §. si coeunda. D. pro soc. Quæ quum ita se habeant, itaq; ratio & naturalis & ciuilis postulet: quid nunc superest, nisi ut hominum quorundam insulsissimam ineptissimamq; audaciã rideamus, qui quum & legum & iurisprudentium omnium præcepta institutaq; aspernarentur, maluerunt noua quædam ingeniorum suorum cõmentata persequi, quàm bene constitutis legibus obtemperando, sapientis-

Vtrū om-  
ne quod  
īterest pe-  
ti in mu-  
tuo hone-  
stē possit

simorum maiorum nostrorum vestigiis insistere?  
Quum enim leges omnes, quæ de vsuris latæ sunt,  
tanquam turpem quæstū approbantes repudiarint,  
creditoribus tamen permiserūt ad assem quodcun-  
que ipsorum interfuisset exigere. Atq; vt illorum  
infantiæ exemplum vnum ex penè infinitis adferam-  
us, recitabimus responsum Hostiensis viri huius  
ordinis primarii, in specie illa nobili de mercatore  
proficiscente ad nundinas, à quo alius quidā pecu-  
niam quam eò defererebat mutuā accepit: promittēs  
eam certa die soluere vnā cum tanto lucro, quantū  
verisimile esset creditorē, si vsus esset suis numis,  
in iis nundinis facturū. Quum igitur de cōuentio-  
ne illa quæreretur, respondit Hostien. equā & pro-  
bandam esse. eāmq; sententiā latē persequitur in c.  
salubriter. De vsur. lib. Decretal. v. Quæ quoniā &  
falsa est perspicuē, & ex his quæ diximus abūdē cō-  
futata, nihil necesse arbitror errores tam apertos  
persequi copiosius. Nos igitur meliorē sententiam  
secuti affirmare non dubitabimus, modum aliquē  
huic eius quod interest petitioni præscribi oportere.  
id quod quum à Romanis legibus, tum verò ab  
Imperatore Iustiniano nouissimē factū est in illa  
nobili & præclara l. penult. C. de vsur. de qua nunc  
fusiùs deinceps explicandum est, si modò priùs quæ  
vetustissima fuerit apud Romanos vsurarum ratio  
exposuerimus ante breuiter, vt ea Iustinianicōstitu-  
tio planiùs intelligi possit. Hic autē admonendi su-  
mus, eo minus fauissē leges vsuris, quòd quū in mu-  
tuo vsuræ tolerarētur, multi ea licentia turpiter ad  
fœnerationē abusi sunt. ex quo factū est, vt omnis  
vsur

vsurarum petitio, in hominū odium incurreret, adeoq; vetustissimis legibus prohiberetur. Sic enim Cornelius Tacitus libr. Annaliū v. Sanè, inquit, vetus vrbi scēnebre malū, & seditionū discordiarūq; creberrima causa: eoq; cohibebatur antiquis quoq; & minus corruptis moribus. Nā primò xii. tabulis sanctū, ne quis vnciario scēnore amplius exerceret: quū antea ex libidine locupletū agitaretur. dein rogatione tribunitia ad semuncias redacta, postremò vetita vsura, multisq; plebiscitis obuiā itū fraudibus, quæ toties repressę miras per artes rursus oriebantur. Ex his Cornelii verbis apparet, vsuras ob scēnationes tantū odiosas fuisse, eoq; ita semper esse constrietas, & cohibitas, vt earum modus ad vnciam lege xii. tabularum redigeretur. Sed quid sit vsura vnciaria breuiter cōmemorandum est. Primum autem illud scire oportet, quemadmodum in multis iuris articulis Iuriscōsulti hoc in vsu habuerunt, vt quancunque rem integram, quam in certas partes diuidere vellēt, Assem appellarēt: vnde & hæreditatem in asis partes diuidūt. As vsura rum.  
 l. seruum. §. vlt. D. de hæred. instit. & Vlpianus ait, agrum ex asse vel ex parte possideri. l. sciendū. D. Qui satisd. cog. ita eam vsurā quæ summa esset, nimirum quū ex centū denariis singulis mēsibus singuli denarii soluūtur, Assem appellatā esse: proptereaq; quasi ad Asis rationem illius partes, id est, alias vsuras minores appellationē sumpsisse. Secundo loco iliud sciendū est, Romanos Gręcorū morē imitatos, qui facilioris & cōmodioris doctrinę causa quanuis summā sortis, id est, siue plus, siue minus

Vfura cē  
tesima.

centum contineret, ad Minam quæ centum drachmas valebat, perpetuò redegerunt: quancunque sortem similiter ad numerum centenarium redegis-  
se. Deniq; quoniã singulis mensibus (nimirũ Idib. vt ex Horatio & Cicerone apparet) vfuræ pēdeban-  
tur, singulas quoq; pensiones nomen ex Afse for-  
titas esse: vt si centesima pars fortis (sortē enim ad  
centum perpetuò redigi solitā docuimus) singulis  
pensionibus pēderetur, numus ille cētesimus, quo-  
niam vfura summa est, As appellaretur. Eāq; nimi-  
rum vfura est quæ vulgò Centesima ideo appella-  
tur, quòd singulis pensionibus vnus denarius pen-  
deretur, qui denarius, si ad sortē, quæ ad centũ re-  
ducta est respexeris, erit cētesimus. sicuti apud Græ-  
cos vfura drachmalis: quia drachma sortis, quæ v-  
furæ nomine pēderetur, pars esset minæ siue sortis  
centesima, quam Aschines scribit Demosthenē ab  
Oreitis accepisse, donec talentũ quod eis impera-  
uerat, persoluerent. ὑπέθεσαν (ait) αὐτῷ τὴν ταλάντην  
τὰς δημοσίας προσίδως, καὶ τόκον ἤνεγκαν Δημοσθένει  
τὴν δρακοδικίαν. Ⓞ δραχμὴν τὴν μίλωνος τῆς μνᾶς ἕως τὸ  
κεφάλαιον ἀπίδοσαν. Quorsum hæc? vt intelliga-  
mus centesimam vfuram non ita appellari ratione  
vltimæ pensionis, quæ cētesima est: vt quũ dicimus  
Calendas centesimas, quo verbo vltimas intelli-  
mus: quia si ex mēse centesimo penderet eius appel-  
latio, nunquā Centesima diceretur, nisi quũ ad men-  
sem cētesimum peruenisset. Atqui sæpe cōtingit, vt  
aut ante mēsem centesimũ sorte reddita vfura con-  
sistat: aut nō reddita vltra producat: quum tamen  
Cētesimæ appellationē nihilominus retineat. quin  
etiam

etiam licet eo ipso mēse cētesimo vsura cōsisteret, hoc tamē ad rem nō pertinet: quia olim nulla ratio habebatur equaret fortē vsura, an nō æquaret, quē admodū alio loco docebimus, nec ita multo post.

Præterea si centesima ab vltimis Calendis diceretur, quasi calendis centesimis æquaret sortem, binæ centesimæ, ternæ, & quaternæ similiter dicerentur quæ ducentesimis, trecētesimis & quadringentesimis calendis sortem æquarent. quod quā ineptum sit, nemo non videt. siquidem binæ centesimæ appellantur quæ duos ex centum pendunt, quasi duplicatæ centesimæ: ternæ verò quæ tres, & quaternæ quæ quatuor. Ergo id quidem non est dubium, vsuram centesimam à parte sortis centesima, sicuti apud Græcos Drachmalem à drachma, quæ pars est sortis ad minā redactæ centesima, nomen duxisse. quam quidē ob causam similiter eam Plutarchus ἐκαστοτήρ appellat in Luculli historia. *πρῶτον μὲν (ait) ἐκαστοτήρ ἐκέλευσε, καὶ μὴ πλείον ἐῖς τὸς τόκους λογίζεσθαι.* & qui eam vsuram exigebant scribit Basiliiς ἐκαστολόγος appellari. extatque eius exemplum apud Paulum in l. lecta. D. si cert. petat. Tunc eo amplius quo post solvam, pœnæ nomine, „ in dies x x x. inq; denarios centenos, denarios sin- „ gulos dari stipulatus est P. Mæuius: sponpondi ego „ L. Titius. Meminit eius quoque Plinius ad Traia- „ num scribens his verbis, Pecuniæ publicæ, domi- „ ne, prouidentia tua & ministerio nostro & iam ex- „ actæ sunt, & exiguntur: quæ vereor ne otiosæ ia- „ ceant. nam & prædiorum comparandorum aut nul- „ la aut rarissima occasio est: nec inueniuntur qui ve-

lint debere Reipubl. præsertim duodenis assibus, quanti à priuatis inueniantur. Duodenos asses Plinius intelligit, qui mensibus duodecim colliguntur: nimirum ex vsura centesima. Obseruandum tamen est Plinium Secundum Centesimum fœnus & Centesimam frugem longe aliter accepisse: nimirum vnde centies tantum quantum dedimus, accipimus: & Quinquagesimū; vnde quinquagies. verba eius ex lib. natur. hist. xvi. cap. xvi. sunt hæc: Sic quoque cum quinquagesimo fœnore messes reddit fertilitas soli, verum diligentiores cum centesimo quinquagesimo. itē lib. v. cap. i. Libyphœnices vocantur qui Byzaciū incolunt: ita appellatur regio ccl. m. passuum circuitu, fertilitatis eximie cum centesima fruge agricolis fœnus reddente terra. Vt ad institutum redeamus, quum vsura Centesima sit As vsurarum, ideo factum est, vt reliquæ vsuræ ad eius assis, non autem ad sortis rationem appellationem sumerent. vnde si ex ducentis puta aureis vnus aureus singulis pensionibus vsuræ nomine persoluitur, etli hæc pars est sortis ducentesima: tamen ea vsura nomen ex sortis ratione non sumit, neque dicetur vsura ducentesima. sed quia pars assis dimidia est, vnde appellationē sumit, Semis nominabitur. Similiter quum ex trecentis aureis vnus penditur, et si hæc quidem pars est sortis trecentesima, non tamen vsura trecentesima nominabitur, sed Triens: quum quarta, Quadrans, atque ita deinceps in Besse, & Quincunce, & si quæ præterea aliæ sunt. Itaque Iustinianus quum in l. eos. C. de vsur. harum appellationē recenset, vsuram Trientem

Vsura semis.

Triens, &c.

tem nominatim tertiam Centesimæ partem appellat: Semissem verò, dimidiam eiusdem: Besssem autem, Centesimæ besssem. sed & Paulus in l. quum quidam. in fin. D. de vsur. & Imp. l. hac edictali. §. his illud. C. de secund. nupt. & l. ult. §. prætereà. C. de iur. dot. & l. vn. §. quū autem. C. de rei vxor. act. tertiam Centesimæ nominant, quum Trientem significarent. Nunc vt ad taciti locum redeam, quum pars Centesimæ duodecima soluitur, vsura Vnciaria nominatur. ad quā ipsam olim lege x i i. fœnoris modum reductum esse testatur. De hac similiter Scæuola mentionē facit in l. Titium. §. præfectus. D. de admin. tut. vbi speciē testamenti refert, quo testamento ne pecunia hæreditaria dispergeretur, permissum erat filiorum tutoribus, si eam retinere vellēt, vsuras vnciarias duntaxat persolvere. Alibi quoq; de hærede vnciario mentio fit, alteri ab eo cui vndecim vnciæ fuerāt relictæ. l. planè vbi. §. inde dicitur. D. de leg. j. Quare quum in asse duodecim vnciæ numerentur, apparet hanc vsurā leuissimam & perexiguam fuisse. Sanè Titus Liuius libro Decadis primæ septimo author est C. Mario & Cn. Manlio Cofs. de vnciario fœnore à M. Duellio L. Menenio trib. pleb. rogationem esse prolatam, quam plebes, vt ipse scribit, cupidius sciuit, accepitque patribus ægerrimè ferentibus. & paulo pòst, T. Manlio Torquato, C. Plantio secundum Cofs. semunciarium tantum ex vnciario fœnus factum. Porro quæ summa fuerit vsura superius diximus, quum centesimam assem vsurarum fuisse docuimus. itaque nostri maximæ

Vnciaria  
vsura.

&

*Vfura* & grauiffimæ *vfuræ* appellatione Centefimam maxima  
identidem significant: vt l. qui sine. D. de negot.  
gest. & l. non exiftimo. D. de ad. tutor. vbi maxi-  
mæ *vfuræ* appellatione centefimam intelligi volūt.

Vlpianus autem in l. tutor qui repertoriū. §. idem  
folēt. De adminiftr. tut. grauiffimam eam appellat.  
& Cicero lib. ad Atti. epiftolarū sexto, fœnus cen-  
tefimum etiam acerbiffimis creditoribus fatis vi-  
deri fcribit. Quæ verò moderatæ *vfuræ* dictæ fint,

oftēdit his verbis Plinius lib. xiiii. cap. xiiii.

Ex his (inquit) *vfura* multiplicata femiffibus quæ  
ciuilis ac modica eft in C. Cæfaris Germanici filii  
principatu, &c. Vlpianus verò in d. l. tutor. §. ex  
cæteris caufis. De adminiftr. tut. leuiore appellat

Quincunces & Trientes. earūque leuiorum ap-  
pellatione puto Africanum Trientes significaffe,  
in l. fi feruus legatus. §. vlti. D. de legat. j. quum ait,

” Aufidius filio fuo fideicōmifit vt certam pecuniam

” mutuam daret, & *vfuras* leuiore taxauerat. De

Quincuncibus fit mentio in l. quum quidam. D. de  
*vfur*. l. à filio. & l. feq. §. Basilicæ. D. de alim. & cib.

legat. eafq; Perſius modeſtas appellat Satyra xv.

Quid petis vt numi quos hîc quincunce modeſto  
Nutrieras, peragant auidos ſudare deunces?

De Trientibus quoque mentio fit in l. firmio. §. j.  
D. quand. di. leg. Vlpianus autem clarè femiffes à  
leuioribus diſtinguit in l. fi legatū. D. de oper. pub.

” Si (inquit) ſtatuas hæredes damnati nō poſuerint,

” *vfuras* leuiore intra ſex meſes: ſi minus, Semiffes

” *vfuras* Reipubl. pendent. Leuiorum verbo Trien-  
tes intelligens, vt planè conſtat ex. d. l. quum qui-  
dam.



dam. in fi. de vſur. Siquidem & Lampridius author  
 eſt Alexandrum Seuerum Trientarium fœnus pe-  
 cunia ſua exercuiſſe, itaque pauperibus opem tu-  
 liſſe. Ex quo profeſſò intelligi eius reſponſi ratio  
 poteſt, quod è Marcello Paulus citat in l. iij. §. vlt. L. iij. ad  
leg. Falci.  
 D. ad leg. Falcid. Si Reipubl. in annos ſingulos le-  
 gatum ſit, Marcellus putat tantum videri legatum,  
 quantũ ſufficiat ſorti ad vſuras Trientes eius ſum-  
 mæ quæ legata eſt, colligendas. vnde, ſi quaterna  
 annua legata ſint, quoniam vſura Triens quaterna  
 efficit annua in centum, legata videbũtur centum.  
 quid ita? quoniam eo modo tam hæredi quàm Rei-  
 publ. teſtator videtur conſulere. illi ob ſortem exi-  
 guam, & vſuras leuioreſ: nempe trientes, ne ſcilicet  
 graui aliquo legato illum oneraret, huic verò vt  
 eſſet certa & perpetua hæc penſio. ſiquidẽ etſi ma-  
 iorem ex ea ipſa ſorte vſuram legare potuiſſet: nō  
 tamen ad eam: quam communiter & plerunq; con-  
 ſequi poterat: ſed ad eam quæ perpetuò & facilẽ  
 inueniri poteſt, reſpexit. vt certum eſſet illud Rei-  
 publ. legatum, & debitorem ſemper inuenire poſ-  
 ſet. Nam ad beſſem aut ſemiſſem non tam facilẽ  
 inueniri poſſent, qui Reipubl. debere vellent: quip-  
 pe quum ſub iſſdem vſuris ab aliis mutuari poſſent,  
 & hoc in huiuſmodi fœnore oneris accedit, quod  
 Reipubl. non niſi pignoribus idoneis & hypothe-  
 cis debeatur: eaq; ſoleat ad viuum quod ſibi debe-  
 tur reſecare, nihil de iure ſuo cuiquam remittens:  
 vt maniſeſtò apparet ex. l. ſi bene. D. de vſur. Vt  
 ſit, conſtat ſanẽ ex his quæ diximus vſuram Trien-  
 tem leuem & per exiguam appellari, leuiſſimam au-  
 tem

Vfurale-  
gitima.

tem Vnciariâ fuisse, quemadmodum & Quadrantem de qua nonnunquam in iure mentio fit: vt apud Scauolam in l. liberto. §. largius. D. de ann. legat. & l. vlt. C. de petit. hæred. Nunc videndum est quæ fit vfura legitima, de qua tam sæpe Iurisconsulti mentionem faciunt. Et sanè nonnulli in ea sententia sunt vt dicant, legitimam eandem esse quæ & alibi Centesima dicitur. quod quidem eò magis videtur esse verum, quòd quum Triphonius in l. qui sine. D. de negot. gest. dixisset maximas id est Centesimas vsuras à tutore peti, qui pupilli pecuniâ in vsus suos vertisset, Vlpianus in l. tutor qui reparatorium. §. pecuniæ. D. de adm. tut. legitimas vsuras ab eodẽ deberi scribit. Verùm illos animaduertere oportuit quod idẽ Triphonius notat in l. non existimo. D. eod. multũ referre palàm aperteq; tutor se debitorem vt extraneũ & quemlibet pupillo faceret, an sub administratione tutelæ pupilliq; utilitate latenter sua cõmoda pecunia pupilli iuaret. Nam hoc postremo casu Centesima debetur, quemadmodum ibidem respõdit: sed in pœnam tantũ, vt ex. d. l. qui sine. perspicuum est. sicuti eo quoque casu quo tutor negauit habere ad alendos pupillos penes se aliquid. ait enim Vlpianus in d. l. tutor. §. idẽ solent. quidquid cõstiterit penes eum esse, eius grauissimas vsuras pendi. Sed priore casu, quũ sine dolo & palàm apertẽque pupilli pecuniâ mutuatus est (id quod ei licet ex. l. quoties. §. nõ tantũ. eod. tract.) vsuræ tantũ pupillares debebuntur, id est, legitimæ minorẽsq; centesimis, quẽadmodum ex ead. l. tutor. §. Idem solent. intelligi potest. vbi manifest

nifestissimè legitimæ distinguntur à grauissimis, quum ait, Tutores qui negant habere aliquid ad,, alendos pupillos, grauissimas vsuras debere: re,, fiduarum autem summarū pupillares, id est, vt post,, ea interpretatur legitimas. prætereà ex d. l. quoties. ,, §. item si temporali. vbi species refertur qua tutor pupilli sub vsuris grauioribus debebat, quàm sint pupillares siue legitimæ. Nam Centesima grauiores deberi nō poterant. Quid multa? cōstat traiecitia pecuniæ nomine Centesimā statim atq; periculum creditoris desinit, cōsistere. atqui Papinianus. in l. iiij. D. de naut. fœn. manifestissimè pronūtiat vsuras legitimas deberi elapso die periculi: quoquidē ipso casu Imperatores in l. j. C. eo. cōmunes vsuras obseruari scribūt. ex quo apparet eas esse dictas legitimas, quæ communiter & plerunq; in vsu sunt: olim quidem besse, hodie verò Iustiniani constitutione semisses. Itaque quod Antoninus ait in l. j. C. de vsur. pup. & l. iiij. C. de admistr. tut. eum tutorem, qui pecuniam in vsus suos conuertit, legitimas vsuras debere, de besibus aut semissibus tantū intelligendum est. quemadmodum etiam in l. si ea pactio. l. quum allegas. l. quum non frumentum. l. acceptam. C. de vsur. & l. pecuniæ. D. eod.

Ex his igitur intelligi posse arbitror, quis olim fuerit vsurarū modus iure ciuili constitutus. Sciendum est prætereà suum cuiusq; regionis morem in vsurarū modo fuisse, vt alibi maiores, alibi minores Vsura ex more regionum. exsoluerentur. Caius, Pecuniarū quoq; licet videatur vna & eadem potestas vbiq; esse, tamē aliis locis facilius & leuibus vsuris inueniuntur, aliis difficilior

cilius & grauibus vsuris. l. ideò. De eo quod cert.  
 „ Papinianus, Quum iudicio bonæ fidei disceptatur,  
 „ arbitrio iudicis vsurarum modus ex more regionis  
 „ vbi cōtractum est, constituitur. l. j. D. de vsur. idem  
 „ prætereà Paulus testatur in l. Caius. eod. & l. quum  
 feruus. D. de legat. j. itaque Cicero epistolarum  
 ad Atticum libro quinto, quum in Cilicia prætor  
 esset, refert se in edicto habuisse, vt Centesimæ cum  
 Anatocismo anniuersario obseruarentur. id quod  
 priores quoque similiter habuisse scribit, id est, in  
 quod edictum ex aliorum edictis multa transfule-  
 rat. Cæterum illud constat, nullas vnquam vsuras  
 Centesima grauiores permissas esse, quemadmo-  
 dum ex eadem Ciceronis epistola intelligi potest:  
 vbi legem Gabiniã adeò centesimæ excessum adeò  
 prohibuisse scribit, vt ne sortem quidem ab iis pe-  
 ti permetteret, qui supra centesimam quicquam sti-  
 pulati essent: quin etiam præter amissam sortem,  
 certa pœna eos damnabat. Nam vt suprâ ex eodem  
 authore docuimus, etiam acerbissimis fœneratori-  
 bus satis esse ea Centesima vsura videbatur. Pro-  
 ptereâque impudentē Scaptium appellat, qui quum  
 quaternas centesimas à Salaminiiis stipulatus esset,  
 singulas centesimas quas illi offerebant, accipere  
 recusaret. sed & libro accusationis tertio Verri  
 obiicit, quod pecuniam publicã sibi ad emptionem  
 frumenti attributam binis centesimis fœneratus  
 esset. Porro hæc de prouinciis intelligi volumus:  
 siquidem in vrbe Roma non ita promiscuè Cente-  
 sima permittebatur. Id quòd ex earum epistolarum  
 lib. v i. epist. x i i i. perspicuū est. vbi candidatos  
 scribit

scribit pecuniam ad vsuram Trientem habuisse, sed vt tribus ambitus causa plus promitterent, duplicatam esse, & ad bessem vsque peruenisse. Fœnus (ait) ex Triente Idib. Quint. factum erat bessibus. Sed & idem ipse libr. xii. epist. prima, aperte significat se à Vestino debitore suo semisses accepisse: Metoniq; alteri debitori eadem conditione pecuniam vt retineat concedit. Nec verò ex more tantum cuiusque regionis vsurarum modus definitus est, verumetiam ex principum constitutionibus, ex l. constitutionibus. C. de vsur.

*Quis sit modus vsurarum ab Imperatore Iustini-  
niano nouissimè constitutus: vbi diligentissimè  
declaratur. l. eos. C. de vsur.*

CAP. VIII.



STENDIMVS quis modus vsurarum iure ciuili cōstitutus esset: docuimus prætereà varias fuisse huiusmodi constitutiones, ex cuiusque regionis more & consuetudine. Nunc videndum est quæ sit ab Imperatore Iustiniano nouissimè facta constitutio. Hæc enim & varietatem omnem sustulit, & vnâ ac simplicem regulâ præscripsit, ad quam vsuras omnes quæcunque illæ in regione & quacunque ex causa petantur, exigi oporteat. Eum igitur sic loquentem audiamus in l. eos. C. de vsur. Super vsurarum verò quantitate, etiã „  
generalem sanctionem facere necessarium esse du- „  
ximus, veterem duram & grauissimam earum mo- „  
lem ad mediocritatem deducentes. ideòque iube- „

„ mus, illustribus quidem personis siue eas præceden  
 „ ribus minimè licere, vltra tertiam partem Centesi-  
 „ mæ vsurarum nomine in quocunque contractu vili  
 „ vel maximo stipulari. Illos verò, qui ergasteriis  
 „ præfunt, vel aliquam licitam negotiationem ge-  
 „ runt vsque ad Bessè Centesimæ suam stipulatio-  
 „ nem moderari. Ex his verbis intelligi posse ar-  
 „ bitror quantam Iustinianus adhibuerit prudentiã  
 in vsuris ex æquo & bono moderandis. quod illi  
 quidem certè eò fuit facilius, quia multiplices ac  
 varias aliorum ante se prudentissimorum homi-  
 num sententias perspexit: ex quibus quæ probabi-  
 liores & equiores visæ sunt, adhibito doctorum vi-  
 rorum consilio selegit, & autoritate sua confir-  
 mauit. Quo magis arbitror equidem vnamquanq;  
 rem ad certam rationis normam dirigens, & earum  
 momenta diligentissimè perpendens, eam Iustinia-  
 ni constitutionem religiosè tenendam atque obser-  
 uat. iam esse, neque leui aliqua de causa ab illius re-  
 gula discedendum. Nam primum omnium satis  
 constat ex his quæ paulò superiùs latè cõmemora-  
 uimus, quum vsuræ ob eam tantùm causam institu-  
 tæ sint, vt id quod creditorũ interest usu carere suę  
 pecunię ab eo qui fruitur resarciatur, huius cõpen-  
 sationis modum ad eius incõmodi rationem exi-  
 gendam esse: vt quo quidq; minus aut maius appa-  
 reat, eò maior aut etiam vberior vsura rependatur.

vsuras ex  
 cuiusque  
 damni ra-  
 tione mo-  
 derandas.

Quum autem non eadem omnium personarum  
 incõmodi ratio sit, sed huius minus, illius verò  
 plus intersit carere sua pecunia, est illud etiã æquis-  
 simum, non eandem omnibus promiscuè vsuram  
 permit

permittere:quemadmodum imperiti medici ægris omnibus eandem medicinam præscribunt: sed aliis minorem, aliis verò ampliorem. Exempli causa, nemo dubitat quin mercatorum & negotiatorum plus intersit, vñ carere suæ pecuniæ, quàm illustris cuiusdam personæ. nam illi lucrum ex ea facere consueuerunt, emendis & vendendis mercibus: quemadmodum etiam Hermogenianus notat in l. vltima. D. de peric. & commodo rei vend. & Vlpianus in l. secunda in fin. D. de eo quod cert. loco. Itaque maiores multo vsuras negotiatori deberi, quàm illustri personæ iustissimum est. Eius rei diligentissimè rationem habuit Iustinianus in ea quammodò recitauimus. l. eos. De vsur. Nam illustribus quidem personis, Trientes tantummodò permisit: negotiatoribus verò, quorum damnum maius est, besles. Porro iis personis quæ medium locum obtinent, id est, neque negotiationem exercent, neque honorem illustrium adeptæ sunt, medias quoque vsuras inter vtrasque superiores permisit, nempe semisses. Idque ob eam rem quòd hæ personæ non solent ex pecuniæ suæ fructu tantum sibi comparare commodi, quantum negotiatores assidui: aliquàto tamè amplius quàm illustres, qui nullo modo negotiationem exercēt. Atque huius quidem rationis momentum adeò spectandum est, vt simulatque cessare cœperit, cesset etiam hoc priuilegium: quippe quod personale sit, vt apparet ex l. priuilegium. D. de regul. iur. & præcipuè ex l. Titia. §. primo. D. de legatis secundo. Itaque si creditor, cui besles pendebantur

Cessante  
ratione da  
mini, vsu-  
ra cessat.

ob negotiationis causam, negotiator esse desierit, minimè dubium est, quin debeant usuræ diminui. Quid igitur si quum negotiator nō esset, esse postea cœperit? cōnebesses deberi incipient? id quod prima specie dici fortasse oportere aliquis existimet, præsertim quum eadem in hac re ratio pariter æquabilitérque valeat. Sed tamen hoc verum non est. Nam de usuris quæ ipso iure debentur hîc non agimus, sed iis tantùm quæ in stipulationem deductæ sunt. Vnde non mirum videri debet, si maiores non debeantur quàm quæ stipulatione compræhensæ sunt; vtpote quum eo tempore quo sese quis ad negotiationem conuertit, maiores sibi stipulari liceat. Nec ad rem pertinet quod scribit Paulus in l. quum quidam. §. ex locato. D. de  
 „ usur. si debitores qui minores semissibus usuras  
 „ præstabant, fisci esse cœperunt, postquam ad fiscû  
 „ transierunt semisses cogendi sunt præstare. quasi  
 ius idem in negotiatore statui debeat. Nam hîc alia ratio est, nempe propter fisci priuilegium, quod ferè semper à cōmunibus iuris regulis solet discendere. Siquidem & quibus casibus sine stipulatione usuræ aliis non debentur, ipso iure fisco & Reipub. debentur. l. Caius Seius. D. eod. Atq; hæc quidem de usuris, quæ in stipulationem à creditore deducuntur, hætenus dicta sint. nunc de iis quæ citra stipulationē vel ex nuda cōuentione vel ipso iure debentur differamus. Imperator ait, Et eā quantitātē  
 „ usurarū, etiā in aliis casibus nullo modo ampliari,  
 „ in quibus citra stipulationē exigī usuræ solent. Et quam tandem quantitātē intelligit? vtrūm hāc vni-  
 formem



formem de qua postremò locutus est, semissem: an illam variam & pro cuiusq; damni ratione distinctam? Sed quum eadem citra stipulationē differentia damni appareat, vt alius minus, alius verò grauius sentiat, non minus adhibita quàm non adhibita stipulatione, ridiculū esset, vnum idēmq; omnibus malis remediū adhibere. Quam ob rem id quidem non est dubiū, quin ea clausula referri debeat ad variam illam & multiplicē vsurarum rationē, de qua inde vsq; ab ipsius legis initio tractauerat, eōq; si & negotiatori & illustri personæ simul quædam pecuniæ summa legata est, & moram hæres fecerit, quoniā plus interest mercatoris quàm alterius vsu carere suæ pecuniæ, besse illi quidem deberi, huic verò trientes. Notandum est autem citra stipulationem vsuras deberi bifariam, nempe nuda cōuentione, & propter morā ipso iure. Ac nuda quidem conuentione vel quum pignus à debitore datum est ex l. si vsuras. l. pignoribus. C. de vsur. quod ipsum ita tamen intelligendū est, si modò non tantum pro sorte, sed etiam pro vsuris nominatim pignus datum est ex l. per retentionem. C. eodem. vel quum frumentum, hordeum, & res huiusmodi quæ in abusu consistunt sortem faciunt. l. frumenti. C. eod. ipso verò iure vsuræ, vt diximus, propter moram debentur, veluti si mora in soluēdo fideicommisso vel pretio rei venditæ, vel locatione & similibus cōmissa sit. l. mora fieri. §. primo. D. de vsur. atqui sic se res habet, vt si mercator decem dando de vsuris besibus conuenerit, & in eas pignus acceperit, licet nullam stipulationem interposue-

*Vsuras citra stipulationem bifariam deberi.*

rit, pignus tamen pro besibus retinere possit. Ex quo consequi illud necesse est quod modò dixi, non solum ex stipulatione beses permitti, verum etiam ex nuda conuentione citra stipulationem. Quod autem ad eas pertinet quæ ipso iure citra vllam conuentionem debentur, similiter affirmare non dubito, quum eadem ratio sit differētiæ quæ in stipulatione est, idem quoque discrimen adhiberi oportere. Alioqui enim quid dicemus? Quum mercator ipse sibi de vsuris consulit, easque stipulatus est, beses ei permittuntur. Quòd si vxorē duxerit ea cōditione & spe adductus, vt dotis nomine summam haberet pecuniæ, de qua postea negotiaretur, quoniam stipulationem nullam vsurarum interposuit, si focer eius dotem retineat, minus cōsequetur quàm eo casu, quo ipse sibi de lucro suo cauit, semis sem scilicet, quum bessem habere ex stipulatione potuisset? Quid hoc absurdius fingi aut cōmemorari potest? neque enim dubium est, quin lex aut plus aut saltem tantundem faueat iis vsuris, quæ ex mora veniunt, quantū iis quas sibi quis ex mutuo stipulatus est, quia hæ semper suspicionem aliquam improbi lucri secū ferūt. Quare si qui beses stipulatus fuerit ei tãtas exigere permittatur, alii nō eque, legis æquitati derogabitur. Verùm fortasse dixerit aliquis, absurdū esse, si mora illustri facta minus puniatur, quàm quæ mercatori. Sed respondeo personarū rationē in hac lege nō haberi: verū eius tantū quod creditoris interest. quod ipsum in aliis quidē maius, in aliis verò certē minus est. Alioqui absurda quoq; lex iudicanda esset, quæ Reipub. moram factam

factam ab eo à quo ei legatum est trientibus tantum  
 vsuris punit, in l. quum quidam. ad fin. D. de vsur.  
 vili autem personę semisibus. At enim si tam leues  
 vsurę ei permittantur, qui personis illustribus ipso  
 iure debebit, allicerentur isto modo debitores ad  
 moram perpetuò committendam : quia lucrum est  
 potius quàm damnum, trientes tantum ob centum  
 exoluere. Sed huic quoque obiectioni responsio pa-  
 rata est. Primum quia hoc incommodum adferri  
 posset etiam in mutuo, in quo personis illustribus  
 non grauiores trientibus debentur. Idem etiam in  
 Reipublicę legato, & cæteris eiusmodi. Deinde no-  
 tandum est, non tam haberi rationem vt qui mo-  
 ram fecit plectatur, quàm vt damnum datum resar-  
 ciatur. Certum est autem maius esse damnum, quo  
 negotiator afficitur, quum vel dos promissa, vel  
 alia quauis causa aliquid ei retinetur, quàm lucrum  
 quod debitor illustris personę ex lenitate vsurę  
 trientis consequitur. Ne multa, sicuti triens dún-  
 taxat Reipub. permittitur quemadmodum suprà ex  
 l. tertia. §. vltimo. D. ad leg. Falc. & paulò antè ex  
 l. quum quidam. in fi. D. de vsur. idque ob eam ra-  
 tionem quia minus interest Reipub. vsu carere suę  
 pecunię, quàm negotiatoris : ita æquum est, quum  
 hæc eadē ratio valeat in illustri persona, multo mi-  
 nores iis in quouis casu permittere, quàm negotia-  
 ribus : neq; spectari vtrū stipulatio interuenerit an  
 non : sed tantū id quod interest. Estq; illud ridicu-  
 lum quod quidam citant, si is qui ab illustri mutuo  
 accipit, quauis ex illius voluntate & consensu pe-  
 cunia eius vtatur, Trientem tamen persoluit: qua-

re is qui fideicommissum eidem vel dotem vel rei  
 venditæ pretium non soluit, nec volente nec con-  
 sentiente eo pecuniam contrectat, non puniatur  
 grauius, quàm is qui eo volente pecunia vtitur?  
 Nam idem hoc pacto in mercatore dicendum esset,  
 vt besse amplius soluatur ab eo: qui istis casibus mo-  
 ram ei fecit, quàm qui mutuum acceperit. Atqui si  
 omnes ad semissem redigantur, tantum abest vt mer-  
 catori aliquid præter communem usuram adijcia-  
 tur, vt etiam de ea vnciæ duæ detrahantur. Sed  
 fortasse quibusdam videbitur idem hinc constituen-  
 dum esse quod in Raptores, qui eo plus fure puni-  
 tur: quia omnimodò, id est, siue clam, siue manife-  
 stò rapiat, in triplum condemnatur: quum fur in-  
 terdum in duplum, interdum in quadruplum ple-  
 ctatur. Quare is qui moram in soluendo legato vel  
 pretio fecerit, grauius puniri videbitur si omni-  
 modo, id est nulla personarum distinctione facta se-  
 misses soluat. Verum animaduertere nos oportet,  
 longè diuersam esse raptoris causam, atque huius  
 debitoris. quoniam non tam habeatur eius debito-  
 ris condemnandi ratio, quàm compensandi cre-  
 ditoris. contra quàm in Raptores: qui quo  
 modo plectatur tantummodo specta-  
 tur, quia & rem & damnum do-  
 minus alia actione  
 persequitur.

Quibus

*Quibus casibus vsura Centesima debeatur: de  
nautico fœnore multa, & quæ fuerit in eo ex-  
ercendo recepta consuetudo: vbi quædam ob-  
scurissimæ & difficillimæ leges explanantur.*

## CAP. IX.



ODVS igitur vsurarum pro cuius-  
que detrimenti ratione à Iustiziano  
ita constitutus est, vt semper subse-  
quens sextante, id est, vnciis duabus  
præcedentē excederet. Nam Trien-  
tes ab illustribus exigi permisit, id est, quatuor in  
centum: ab aliis communiter Semissem, id est, sex:  
à negotiatoribus bessem, id est, octo. sed alii tamen  
casus sunt nonnulli, quibus maiores etiam permit-  
tuntur, neque sextante tantum, verum etiam trien-  
te ampliores: nimirum vsque ad Centesimam, quæ  
quatuor vnciis bessem exuperat. de quibus casibus  
breuiter deinceps explicandum est. Primus autem  
est in pecunia Traiectitia, quam Modestinus in l. j.  
D. de naut. fœn. & prætereà Scæuola in l. qui Ro-  
mæ. §. j. D. de verb. oblig. ita interpretantur, vt ea  
sit, quæ creditoris periculo trans mare vehitur, si-  
ue illa ipsa, siue etiam merces ex ea comparatæ re-  
portentur: modò creditoris periculo vtræque na-  
uigent. Hac de causa Iulius Pollux duplex in hoc  
genere fœnus esse scribit ἐπὶ πλοῦ & ἀμφὲς πλοῦ.  
illud quum pro comœatu tantum, hoc quum pro  
remeatu etiam vsura percipitur. Erasmus in ope-  
re quo infinita proueria enumerat, existimauit

Primus  
casus cen-  
tesimæ.  
Traie-  
ctitia pe-  
cunia.

ἀμφοτερόπλευρ dici genus negotiationis, quod vtriusque periculo fit, & VSVRAE NAUTICAE recenset inter prouerbia. Demosthenes autem in oratione πρὸς φορμίωνα, quum pecuniam mutuam à Lampride nauiculario Phormio accepisset, Athenis in Pontum, & Ponto Athenas traiciendam, ita inquit, καὶ ὅτι μὲν ἐδάνεισε αὐτῷ δισχιλίας δραχμὰς ἀμφοτερόπλευρ, ὥς ἀπολαβεῖν ἀθήνησι δισχιλίας ἑξακοσίας δραχμὰς. Extat etiam huius Amphoteropli exemplum in eiusdem oratione quæ πρὸς λακέρτη παραγραφὴν inscribitur. vbi Androcles & Nauerates pecuniam fœnerati erant Artemioni, & Appollodoro Phaselitis ad tria millia drachmarum: vt Athenis pecuniâ Mendam exportarent, & rursus si vellent, Athenas cum mercibus reuerterentur. Apud Scæuolam quoque in d.l. qui Romæ. D. de verb. oblig. species huiusmodi fœnoris referitur, qua merces à Beryto comparatæ Brentesium, & rursus quæ Brentesio comparandæ essent Berytum periculo creditoris inuehebantur. Fœnus autem quod ob hoc susceptum periculum pecuniæ traiecitix pendebatur, Nauticum à nostris appellatur; & interdum ab ipsis exercitoribus nauium dabatur, vt apparet ex ea quam dixi Demosthenis oratione πρὸς φορμίωνα. vbi ait Lampridem nauicularium Phormioni mutuâ dedisse pecuniam, & Vlpianus ait in l.vlt. D.naut.caup. plerunq; eundem & nautam & mercatorē esse. quum enim ipsi nauim gubernarent, periculum facilius præstabāt. Præterea Paulus ait, pecuniæ traiecitix hanc esse conditionem, vt creditor recipiat se facturū, vt intra cer-

ta

Fœnus  
nauticū.

ra tempora nauis ad eum locum perueniat. l. fœ-  
 nerator. D. eod. alioqui enim diutissimè nauem in  
 itinere detineret, vt eò magis intereà vsuræ excu-  
 rerent. quanquam passim etiã ab aliis exerceri soli-  
 tum esse non dubium est, qui ipsi & periculum for-  
 tis suscipiebant, & intra certum tempus recipiebãt  
 nauim ad constitutũ locum peruenturam. Dabant  
 enim nauis cuidam, quem peritum cognoscebant;  
 eam prouinciam. Porro hæ vsuræ dicuntur etiam  
 Maritimæ. itaque à Paulo appellantur in l. fœne-  
 rator. D. eod. sed certè obseruare illud oportet,  
 non propriè esse hanc vt appellatur vsuram: quia  
 non tam ob vsum æris alieni & temporis interusu-  
 rium soluitur, quàm ob susceptũ periculum, cõtra  
 mutui naturã ad creditorem pertinēs. Nam si cre-  
 ditor negotiator est, bessees exigit ex iure cõmuni.  
 si non est, semisses. quod quidem satis esse iudica-  
 tur ad vsuram, id est, ad compensandum damnum  
 quod accipit carens usu suæ pecuniæ. sed propter  
 periculũ vel trietem in super, vel semissem accipit:  
 qua de causa neq; vsus pretium rectè appellabitur;  
 quo modo suprã Vsuram definiuimus, sed vt Scæ-  
 uola disertè appellat in l. periculi. D. eod. periculi  
 pretium. etsi enim de Traiectitia non loquatur, sa-  
 tis tamen id indicat, quum ait non tantũ esse  
 periculi pretium in suprãdictis, sed & in aliis ca-  
 sibus, de quibus agit eo loco. quanquam quoniam  
 non semel id datur pro periculo, sed augetur suc-  
 cessu temporis, vsura etiã vulgò ea ratione appella-  
 tur. contrã quàm in casibus. d. l. periculi. quæ non  
 agit de vsura, nec de summa quæ successu temporis  
 augetur,

Vsuræ  
 mariti-  
 mæ.

augetur, sed de certa summa semel soluenda in  
 exitum conditionis. In quo illud etiam notandum  
 est quum de Centesima nautica loquimur, eā quo-  
 que vsuram imputari quæ sine periculo debebatur,  
 ob eamque causam iustissimè Iustinianum veteres  
 leges & responsa Iurisconsultorum secutum, Cen-  
 tesimam in hoc genere permisisse. Et si enim pri-  
 ma specie amplissima illa summa videatur: tamen  
 si quis attentius consideret quantam fortunam,  
 quamque magna & crebra pericula subire necesse  
 sit eum, qui hoc nauticum fœnus communiter ex-  
 ercet, profectò intelliget, tantam vsuram non esse  
 præter modum permissam, præsertim quum tan-  
 tisper solùm permissa sit, dum periculum naufr-  
 „ gii durat. sic enim respondit Papinianus, Nihil in-  
 „ tereſt traiectitia pecunia sine periculo creditoris  
 „ accepta sit, an post diem constitutum, & conditio-  
 „ ne impleta periculum creditoris esse desierit. l. iij.  
 D. de naut. fœn. vnde constat non magnum inde  
 lucrum ad creditorem reuersurum, quippe quum  
 nauigatio mercaturæ causa non valde diuturna sit.  
 Nam ad tres, aut quatuor, sēxve ad summum men-  
 ses fortasse durabit: quum tamen in summum & vi-  
 ræ & fortunarum discrimen nauicularius adduca-  
 tur. Porro illud scire oportet, quod video non-  
 nullos eosque non indoctos ignorasse, vsuram ma-  
 ritimam simulatque navis nauigabat deberi cœpisse:  
 non autem postquam tempus, intra quod pecu-  
 nia reddi debet, elapsum esset: vt quidam arbitran-  
 tur propter. l. penult. D. eodem. vbi ait Vlpianus,  
 „ Pecuniæ traiectitiæ pœnam peti non posse, si per  
 cred



creditorē stetit, quominus eam (pecuniā sci-  
 licet) intra tempus præstitutum accipiat. Nam etsi  
 Pœna sæpenumero pro vsura ponitur, quemad-  
 modum superius latè docuimus, tamen hoc neque  
 perpetuum est, neque in ea re hoc loco accipitur.  
 alioqui enim sequeretur vsurā nauticam nunquā  
 deberi, nisi post diem elapsū, quo solui promissa  
 est: id est, quo periculum elapsū est. quo nihil dici  
 potest absurdius. quippe quum Centesima ob so-  
 lum periculum permittatur, eoque cessante conti-  
 nuò intermittatur. l. iij. D. de naut. fœn. Ergo ad-  
 monendi sumus, hunc morem in pecunia nautica in  
 vsu fuisse, vt creditor seruū mitteret, qui eam pe-  
 cuniam peteret eo die, quo creditor se soluturum  
 receperat: quemadmodum ex l. qui Romæ. §. j. D.  
 de verb. oblig. l. traiecit. D. de act. & oblig. & l.  
 iij. D. de naut. fœn. intelligi potest. Et quia inter-  
 eā eius serui operas creditor amittebat, pœnam in  
 singulos dies stipulabatur, nisi eo die soluta esset.  
 itēq; sumptus eius, qui eam pecuniam persequer-  
 etur, vt eam ad creditorē reportaret. Sic enim  
 Paulus ait, Traiecit. pecuniæ nomine, si ad diem,  
 soluta non esset, pœna (vt adsolet) ob operas eius,  
 qui eam pecuniam peteret, in stipulationem erat  
 deducta. item in l. ult. D. de naut. fœn. Si traieci-  
 tiæ pecuniæ pœna (vti solet) promissa est. & l. qui  
 Romæ. Præstaret sumptus omnes persequentibus  
 eam pecuniam, vti in urbem Romam repor-  
 tarent. Ex quibus intelligi debet, præter vsuram,  
 pœnam etiam in his contractibus adiectam esse.  
 & quod in d. l. penul. Seruius respondit, Pecuniæ  
 traiecit

Consue-  
 tudo in  
 nautico  
 fœnore.

L. iij. de  
nautico  
fœnore.

„ traiecitix pœnam peti non posse , si per credi-  
 „ torem stetit , quo minus eam pecuniam intra  
 „ tempus præstitutum acciperet , de hac pœna præ-  
 „ ter vsuram adiecta accipiendum esse : vt debitor  
 eam non debeat , si per eum non stetit , quo  
 minus sua die sortem exsoluisset : simul illud per-  
 spicuum esse potest de hac ipsa pœna loqui Pa-  
 pinianum in dicta l. iij. D. eodem. quæ sanè sub-  
 difficilis alioqui videri possit , quum ait, Pro ope-  
 „ ris serui traiecitix pecuniæ causa secuti , quod in  
 „ singulos dies in stipulatum deductum est , ad fi-  
 „ nem Centesimæ non vltra duplum debetur. sic  
 enim ea verba distingui oportere arbitror , An-  
 tonii Augustini sententiam secutus , libri Emen-  
 dationum primi capite octauo. vt hæc clausula,  
 „ Nec pignora vel hypothecæ titulo maioris vsu-  
 „ ræ tenebuntur , præcedenti sententiæ coniunga-  
 mus : propterea quòd dubitari poterat , an pigno-  
 ra pro Centesima opposita , elapso , & vt Papinia-  
 nus ait , discussso periculo adhuc pro tanta summa  
 teneri possent : præsertim quum etiam vltra Cen-  
 tesimam pignora opposita retineri solerent , vt ap-  
 paret ex. l. penult. C. de vsur. quod autem sequitur  
 „ ita explanemus, Quod pro operis serui traiecitix  
 „ pecuniæ causa secuti in singulos dies (eo post tem-  
 „ pore quo fors non soluetur) in stipulatum dedu-  
 „ ctum est (nomine sumptuû & operarum) ad finem  
 „ centesimæ (id est, quum centesima integra in stipu-  
 latum deducta est: ridiculû est enim de fine centum  
 mensium intelligere, quasi diceret quum vsura sor-  
 tem æquarit, quia nûquam ferè nauigatio tam lon-  
 gina

quinqua suscipitur) non vltra duplū debetur, id est, si pœna (vti adsolet) præter vsuras stipulata est ob serui operas & sumptus, ea pœna non debet ad centesimam adiicere. fieret enim fraus legi: sed si quid desit centesimæ, ista pœnæ adiectione id suppleri poterit. In hoc autem duplo, de quo Papinianus loquitur, fors ipsa simplum facit: vt ex l. penult. C. de vsur. intelligi potest, & postea latius docebimus. ex quo etiā si quis malit, Non vltra duplum centesimæ debetur, legere: vt Budęus & Haloander existimāt, nihil est quod valde refragari possimus. nam, vt dixi, erat id vetere iure permissum vt Iustinianus docet: nimirum quum liceret stipulari certā summam non mensuram, sed vnā in omne tempus navigationis, & negotiationis exitū: quemadmodū Athenis fieri solebat, vt apparet ex Demosthenis oratione *τῶς ποπύλαρα*. Verū quū hæc via esset aperitissima fraudem vsurarum legibus faciendi, quum maior summa vulgò stipularetur, quàm quæ pro vsura exigi potuisset, constitutū est vt siue in pecunia, siue in aliis speciebus traiectionis, non amplior centesima daretur: exceptis tantū his casibus, de quibus agit Scævola in l. periculi. D. eod. veluti si piscatori erogaturo in apparatus plurimum pecuniæ dederim, vt si nihil cœpisset, nihil redderet: si cœpisset, certam lucri partem vnā cum sorte redderet. Nani hæc accessio vsura nominari non potest. primū quia semel vna exsoluitur, nec successu temporis augefcit: deinde quia non est pretium vsus, sed solius periculi: vt clarè Scævola pronuntiat in dicta l. periculi. Hactenus de

de traiectione pecunia, & fœnore nautico satis dictum sit, qui primus casus est in quo usura, ut dixi, centesima ab Imp. Iustiniano permittitur. nunc sequitur ut de aliis casibus videamus. In traiectionibus (inquit) contractibus, vel specierum fœnori dationibus usque; ad centesimam tantummodo licere stipulari, nec eam excedere: licet veteribus legibus hoc fuerat concessum. Quæ verba eò lubentius adduximus, quoniam dubitationem certè non parvam adferunt, utrum in traiectionibus tantum contractibus, an verò in speciebus etiam non traiectionibus ea centesima permittatur: veluti vino, oleo, frumento, & cæteris præter pecuniam quæ in abusu consistunt. Quæ de re etsi subdifficile esse arbitror certum iudicium interponere, tamen quoniam eò nos instituta disputatio perduxit, nos nostram sententiam breuiter exponemus: de qua postea eruditi & ingeniosi homines statuere poterunt. Existimo autem equidem, Iustiniani verba etiam atque etiam perpendens, distinguere ab eo contractus traiectionis, ab iis contractibus, quibus species fœnori datæ sunt. Neque hos contractus sub illis ita comprehendere, ut de speciebus sub qualitate traiectionis pecuniæ fœneratis loquatur, sicuti nonnulli homines, & ii quidem eruditi existimant. Nam & verba ipsa euidenter aliud sonant. non enim dixit, In traiectionibus pecuniis: ut postea species à pecuniis distingueret, quauis largè sub nomine pecuniæ comprehendere-  
rentur: sed Traiectionibus contractibus. quo verbo siue species, siue aliæ quæuis res traiectionis in contractum deductæ comprehenduntur. Sed profectò  
ita

Casus cœ-  
resimæ se-  
cundus.

ita se rem habere sentio, vt & traiectitiarum rerum contractus à specierum fœnoribus non traiectitiis distinguat, & duos casus diuersos referat, quibus vsura centesima permittatur. fœnus videlicet pecuniarum traiectitiarum, & specierum non traiectitiarum: Quod certè mihi quidem eò probabilius ac verisimilius esse videtur, quod in l. oleo. eodem tract. clarè permiserit in specierum fœnoribus maiores vsuras stipulari, quàm quæ communiter permitti solent. sic enim scribit, Oleo quidem vel quibuscunque fructibus mutuo datis, incerti pretii ratio additamenta vsurarum suasit admitti. Cuius legis hanc ego rationem esse arbitror: quia ex speciebus mutuo datis, vberrimus quæstus fieri potest ob imutationem pretii. Nam si pretium augeatur, carissimè vendi poterunt, itaque debitor quamplurimum lucri faciet: quippe qui eo tempore non reddet, sed aliud tempus expectabit, quo pretium decrescet. Quod si euenerit, modò æquè bonas reddat, quanuis minoris multò emerit, quàm eas quas acceperat vendiderit, tamen liberabitur. d. quum quid. Si cert. petat. ex quo magnum ipse quidem emolumentum percipiet, creditor verò damnus: utpote qui suas res tanti potuisset vèdere. & certè ob hanc ipsam causam credibile est fauorabiliores fuisse specierum vsuras, vt apparet ex l. frumenti. C. de vsur. vbi contra communes vsurarum regulas etià ex nudo pacto specierum vsuras deberi scribitur: & ex l. si ea. C. eodem. vbi si fructus vsurarum loco promittuntur, propter incertitudinem prouentuum

Specierum  
vsuræ sūt  
ceteris.

fauetur creditori, & maiores legitimis permittuntur. Quare quum in d.l. oleo. grauiores besibus permittantur in specierum contractibus, profecto verisimile est, eo quoque casu centesimam permissam esse. quanquam ita rem omnem apertam esse arbitror, vt iam coniectura nulla aut argumentatio quaerenda sit. Scribit enim Iustinianus in traiectitiis contractibus & specierum fœnori dationibus maiorem centesima vsuram veteribus legibus concessam esse. Id autem in speciebus etiam non traiectitiis permissum esse perspicue intelligitur ex l. prima, De vsur. lib. Cod. Theodosiani secundo. Quicumque (ait) fruges humidas vel arentes indigentibus mutuas dederint, vsuræ nomine tertiam partem cōsequetur. vt si summa crediti in duobus modiis fuerit, tertium modium amplius consequantur. quæ lex ad solas pertinet fruges. nam pro pecunia vltra singulas centesimas creditor vetatur accipere. Hæc Constantinus. In his tamen illud notandum est, quod Gordianus ait in l. quum nec frumentum. C. eodem. locum hanc habere vsuram centesimam eo solo casu, quo ea de qua dixi, ratio locum habet. nimirum quum ex augmento pretii specierum potest debitor emolumentum percipere. ob eamque causam species ipsas mutuò dandas esse: quia si earum æstimatio in pecunia numerata detur, quoniam ea ratio cessat, similiter ea centesimæ permissio cessabit. Enumerauimus duos casus quibus vsura centesima debeat: de cæteris videamus. Perspicuum est ex l. prima & secunda,

cunda. C. de vsur. rei iudicatæ. ante Iustiniani Imperium condemnatum qui post legitimum tempus non paruit sententiæ, centesimam vsuram debuisset. Verùm id Iustiniani Imperio abrogatum est. Tertius

Tertius igitur casus est in l. qui sine. D. de necentesimæ casus.  
 gotiis gestis. vbi Triphonius scribit, si quis eius pecuniam cuius tutelam negotiave administrauit, aut magistratus municipii publicam in vsus, suos conuertit, à Diuis principibus constitutum esse vt maximas vsuras præstet. id quod ego de centesimis accipio, vt illud ipsum quod idem ait in l. non existimo. D. de admin. tutor. tutorem qui clam & sub administratione tutelæ, pupillisq; vtilitate, latenter sua commoda pupilli pecunia iuuaret, maximas vsuras debere. Item illud quod Vlpianus scribit in l. tutor qui repertorium. §. idem solent. D. eodem. Tutores qui negant habere ad alendos pupillos penes se aliquid, eius grauissimas vsuras pendunt. Nam quod ad legitimas vsuras pertinet de quibus agitur in l. Si curator. C. arbitur. & l. prima. C. de vsur. pupil. nos quidem cuius illæ generis fuerint, alibi satis superque ostendimus. Semisses enim duntaxat intelligi docuimus, non autem centesimas: sicut apparet ex dicta l. tutor qui repertorium. §. si deponi. vbi Vlpianus ait, Si præceptum est vt pecunia pupilli deponatur, & tutor neglexerit (quod idem est cum dicta l. si curator) legitimas vsuras præstari, quas paulo post pupillaribus comparat: id est, ex Iustiniani constitutione semissibus. Quartus casus est

Quartus  
centesimæ  
casus.

in specie. l. iij. C. de ædific. priuat. & l. quod duo-  
bus. §. idem respondit. D. pro socio, vbi si sociu<sup>s</sup>  
ædificii ad refectionem eius recuset sumptus con-  
ferre, is qui solus ædificauerit, poterit aut centesi-  
mam cum sorte intra menses quatuor, postquam  
opus refectionem erit, aut id quod sua interest recipe-  
re: aut deinceps rem ipsam sibi vindicare.

*Vsuras vltra duplum non deberi, quibusdam ta-  
men casibus id permitti posse. Declaratur lex  
illa tenebrosa & perdifficilis, & multorum  
disputatione agitata, cuius initium est, Vsuræ.  
C. de vsur. C A P. X.*



V E M A D M O D V M vsuris à iure ci-  
uili modus esset necessario imposi-  
tus, satis explicatum esse arbitror su-  
periore disputatione. Ostendimus  
enim, primum quidem iis rebus, quæ  
vsuras parerent, ita esse modum adhibitum, vt ne  
ob alias vllas res quàm quæ in abusu consistunt,  
vsuræ caperentur: tum prætereà ne vsuræ vsuras  
parerent. Docuimus etiam vsurarum, id est, sum-  
mæ menstruæ quantitatem, ad certum modum re-  
ductam esse: nimirum vt vel trientem, vel bessem,  
semissemve, aut centesimam non excederēt. Nunc  
superest vt de alio genere videamus: nempe quis  
modus vsurarum numero præscriptus est, & quem  
excedere, quum eò peruenerint, non liceat. Nam  
quum usura verè sit, vt Hebræi acutissimè appel-  
larunt,



larunt, morsus & pastus, qui sensim & per particu-  
las patrimonium hominis absumit, si pernecessa-  
rium esse visum est, modum particulis præscribere,  
ne simul vno haustu omnes hominis faculta-  
tes depascerentur, modum etiã morsuum numero  
imponi oportuit: utpote qui quãuis minuti, si per-  
petuò procederent, longiore quidem tẽpore, sed  
tamen ad extremum totum hominis patrimonium  
absumerent: quemadmodum sibi contigisse quæri-  
tur apud Liuium Centurio quidam, qui quum iu-  
dicatus pecuniæ nexum duceretur, vociferatur se  
multiplicem iam sortem exsoluisse, & mergenti-  
bus semper sortem vsuris obrutum fœnore esse.  
Scribit igitur Vlpianus in l. nihil interest. D. de  
naut. fœn. & l. si non sortem. D. de condit. indeb. <sup>vsuras su-  
pra du-  
plum exi-  
gi nõ pos-  
se.</sup>  
constitutum esse, ut supra duplum exigi vsuræ non  
possint, etiam in nautica pecunia: sed ut simulatque  
sortem æquarint, consistent. idẽmque ipsum à Lu-  
cullo constitutum esse Plutarchus in eius vita scri-  
ptum reliquit. *πρῶτον μὲν γὰρ ἑκαστοτὴν ἐκὲλδουσι, καὶ  
μὴ πλείον· εἰς τὰς τέκας λογίζεσθαι. Δεῦτότερον ἢ τὰς μακρο-  
τέρους τῶν ἀρχαίων τέκας ἀπέκοψεν.* id est, Primum qui-  
dem prohibuit ne quid amplius Centesima in vsu-  
rarum rationẽ referretur: Secundò ampliores sor-  
te vsuras amputauit. ἀρχαίων enim Sortem Græ-  
ci appellant, ut superius diximus, & puerilis error  
est interpretis quæ τῶν ἀρχαίων, Solito antiquo mo-  
re, conuertit. Idem præterea apud Aegyptios con-  
stitutum esse docet Diodorus Siculus libro rerum  
antiquarum secundo. Absurdum nanque legumla-

tores esse iudicarunt, accessionem in vsuris maiore  
 esse principali, & lucrū maius esse ipsa sorte, quoniā  
 & fors & lucrū semper certū esset. Itaq; quū de eo  
 quod interest diu multūmq; dubitatū esset, consti-  
 tuit Iustinianus, in iis quidem casibus, qui certā ha-  
 bent quantitātē vel naturā, veluti locationibus, ven-  
 ditionibus, & aliis cōtractibus, vt id quod interest  
 dupli quantitatem non excederet. l. vn. C. de sent.  
 quæ pro eo quod. Quod ipsum antea quoq; Afri-  
 canus respōderat in l. quum fortē. D. de act. empr.  
 In vsuris autem hoc adeò verum est, vt quanuis  
 vsuras augere liceat ei, qui minores quàm quæ sibi  
 permittæ sunt, stipulatus est: veluti si mercator se-  
 missiles stipulatus esset, quum besses potuisset. Papi-  
 nianus tamen in l. pecuniæ. D. de vsur. pecuniæ  
 foenebris intra diem certum debito non soluto, du-  
 pli stipulationem in altero tanto supra modū legi-  
 timarum vsurarum neget valere. Et si autem in tra-  
 iectitia pecunia fors nō semper esset certa, tam ma-  
 gnum tamen erat lucrum vsuræ centesimæ, vt ad  
 reliquarum vsurarum regulam traiectitia facilè re-  
 ducta sit. d. l. nihil interest. De naut. scen. Quod cer-  
 tē quum ab antiquioribus statutum sit, tum verò  
 ab Imperatore Iustiniano magnopere stabilitum  
 est, ac restitutum. Quanuis enim leges semper du-  
 plum excedere prohiberent, tamen hæc via frau-  
 dandæ legis inuenta erat, vt quæ solutæ essent an-  
 te mensem centesimum non computarentur in du-  
 plo, si centum menses integri, id est, solutione va-  
 cui nihilominus superessent: exempli causa, Cen-  
 tum

tum mihi dedisti mutuo sub vſuris centeſimis, quas quum per meſes decem perſoluiſſem, ſoluere deſtiti: interea meſis à contractu centeſimus, ac prætereà etiam decem alii meſes elabuntur. Quum tu & ſortem & vſuras ex ſtipulatu petis, quæritur ad quas vſuras tenear? num ad aureorum nonaginta tantum: quippe quæ iuncta decem prius exſolutis, efficiunt illud duplum? an etiam ad centum, quoniam ab vltimæ ſolutionis die centum meſes ſine ſolutione tranſcurrerint. Id quod magis viſum eſt, vt in duplo, quod leges excedere vetarèt, priora illa decem non imputarentur: vtpote quorum in locum alii decem meſes ſucceſſiſſent. Sic enim Antoninus ait, Vſuræ per tempora ſolutæ non proficiunt reo ad dupli compensationem. tunc enim vltra ſortis ſummam vſuræ exiguntur, quoties tempore ſolutionis ſumma vſurarum excedit eam cõputationem. id eſt, Si per decem cõtinuos meſes ſoluiſſem, ex eoq; tempore centum & duos meſes ſoluere intermiſſem, quoniã duo meſes ſuperſunt, qui tempore ſolutionis ſortis & vſurarum eam dupli computationem excedunt, illorum duorum meſium poſtremorum vſuræ extra duplũ computantur, nec exigì poſſunt: integra verò centum poſſunt. Neque verò ſum neſcius, alios eoſque non indoctos viros eam legem longè aliter interpretari: quorum certè ſententia mihi probari nõ poteſt. Nam quòd aiunt in duplo ſolutas non computari, ſed ſoluendas, vt ſi particulares ſolutiones centum aureos exceſſerint, veluti ſi quatuor ſupra centum

Explicata  
L. vſuræ.  
C. de vſur.

aurei soluti sint, inde per quatuor fortè menses cessatum sit, in dupli computatione quatuor aurei soluti non computentur, sed eos qui non sunt soluti creditor petere non possit: illud certè mihi quidem perquàm absurdum videtur, neque persuaderi potest, in ea Budæum opinione vnquam fuisse, tamen si dupli quidem rationem perperam intellexerit. Nam & hoc obtusius est quàm vt in hominem tam eruditum cadere possit, & notum est Neratii responsum in l. quum fundus. D. de euiet. quo absurdissimum declarat, si particulares solutiones eius quod interest, in duplum non computentur. Vnde si fundus vti optimus maximusque est, emptus est, & alicuius seruitutis euietæ nomine aliquid emptor à venditore consecutus est, deinde totus fundus euincitur, ob eam euietionem id præstandum respondit quod ex duplo reliquum est. Nam si aliud, ait, obseruauerimus, seruitutibus aliquibus mox & proprietate euietæ duplo amplius emptor quàm emit, consequetur. Quod igitur Antoninus ait, Vsuræ per tempora solutæ non proficiunt reo ad dupli compensationem, siue vt quidam scribunt, computationem, non eam habet significationem, vt si quis per singulos menses soluerit, & aut ad centum accesserit, aut etiam superarit, particulares illæ solutiones non computentur. quid enim absurdius dici potest? neque verò eas leges quæ id statuerunt abrogant hæ nouellæ Iustiniani quæ vulgò citantur, c. xxi. & c. xxxviii. quum quidem nullas vnquam adeò absurd

absurdas leges extitisse verisimile sit: sed hæc ipsam Antonini constitutionem, qua menses centesimum excedentes cōpensare cum iis, quibus esset facta solutio, permittebat. Sed verba nouellæ c x x x v i i i. operæpretium est cognoscere: quæ summā ni fallor & argumentum prioris continent. παρῶσα διαταξίς δηλοῖ, ὅτι καὶ οἱ ἡμετέροις καταβαλλόμενοι τέκνοι τὸ διπλὸν τῆς χρεὴς ἔχουσιν ὑπερβαίνειν. id est, Præfens constitutio declarat, vt ne ipsæ quidem vsuræ quæ per partes exsoluuntur excedant duplum debiti. vt si menses aliquot ante centesimum sine solutione transcurrissent, eoque centum vsurarum nomine deberi viderentur, particulares illæ solutiones ista centū excedere intelliguntur, nec admittitur compensatio ab Antonino permessa. Quod autem in d. l. adscriptū est, Tunc enim, vltra sortis summam vsuræ exiguntur, quoties &c. si ad eum quem supra dixi modum explanemus, nihil magis perspicuum dici potest. Neque verò facillè existimare possum, quorsum nonnulli particulam Non inferendam eo loco existiment. Nam si sine veterum codicum auctoritate id faciunt, certè & nimis temerarii sunt, & æpertissima legis verba conturbant. quæ si eam sententiam nunc habeant, vt vsuræ non exigantur vltra duplum, si duplum excedant, hoc quidem certè perquam absurdum est. Sin ita intelligi velint, vt in effectu Exactionis verbum non accipiant, sed Non exiguntur, per Non possunt exigi interpretentur, fortasse tolerabilior hæc interpretatio videatur: sed neque verborum contextui, neque sen-

tentiæ perspicuitati magnopere cōueniet. Vt enim  
 que autem sese res habeat, illud in summa tenen-  
 dum est, omnem hanc de qua agimus compensatio-  
 nem à Iustiniano sublatam esse iis quas diximus  
 nouellis constitutionibus CXXI. & CXXXVIII.  
 Quin illud quoq; minimè prætereundum est, non  
 hoc tantum modo succurrisse Iustinianum huic  
 de duplo prohibitioni, verum etiam illo. Nam  
 quoties pignus & pro sorte & pro vsuris datum  
 esset, quanuis vsuræ duplum excederent, tamen  
 quandiu pignora sufficere poterant, quoniam cre-  
 ditor ipse sibi semper soluere videbatur, eo casu  
 duplum excedere permissum erat. quod quum ini-  
 quum Imperatori videretur, primùm quia ad hunc  
 modum dupli prohibitio perpetuò fraudari pos-  
 set, quippe quum creditores nunquam sine pigno-  
 re crederent: deinde quia potius duro & immiti  
 creditori fauebatur, qui sine pignore nihil crede-  
 bat, quam facili & benigno, eam quoq; speciem ad  
 communem regulam redigendam putauit. l. penul.  
 „ C. de vsur. sic enim scribit, Cursum vsurarum vl-  
 „ tra duplum minimè procedere concedimus: nec  
 „ si pignora quidem pro debito creditori data sint,  
 „ quorum occasione quædam veteres leges & ultra  
 „ duplum vsuras exigi permittebant. Iam illud  
 quoque breuiter obseruandum est, eleganter quæ-  
 ri posse num iis casibus quibus à se ipse debitor de-  
 bet exigere, qualis est negotiorum gestor, tutor, cu-  
 rator, & similes ea dupli prohibitio locum habeat.  
 Quod vt clarius intelligamus, notandum est trifa-  
 riam

Quibus  
 casibus  
 vsuræ du-  
 plum tu-  
 perent.

riam posse contingere vt vsuræ duplum excedant in his casibus. Primùm quum tutor (exempli causa) ante tutelam susceptam defuncti debitor fuerat, acceptaq; tutela post annos aliquot vsura sortem æquauit. secundò quum suscepta tutela debitor esse cœpit, qua perpetuò manente ad duplum peruentum est. id quod eo tantùm casu contingit quo Centesima debetur, quæ anno octauo & quatuor mensibus sortē æquat: quia tutela duntaxat ad decimum quartum annum ætatis durat. deniq; quum suscepta quidem tutela debitor esse cœpit sed ea finita vsuræ sortem æquarint. Primis igitur duobus casibus etsi multa lege id arbitror esse definitum: tamen quum tutor à se ipse debeat exigere, vt ex ea pecunia pupilli cōmodum comparet, si eius pecuniam fraudulenter in vsus suos conuertat, non dubitandum esse arbitror, quin etiam vltra duplum vsuras debeat. quum quidem Paulus scribat in l. tutor. D. de administr. tutor. quod si tutor constitutus intra sex primos menses pecunias pupillares non collocauerit, in vsuras eius conueniatur. Sed extremo casu quum vel curatorē pupillus habeat, qui à tutore tutela defuncto possit exigere, vel maior factus ab ipso curatore, neque ipse debitor à se repetere debeat, itaque cesset ea quam diximus ratio, probabilius est duplum excedere non permitti.

Porro est quoque illud obseruandum quod ab Anastasio constitutum est in l. iubemus. ij. C. de erogation. mil. ann. vt si actuarii qui militibus stipendia persoluerint, aliquid eis mutuo dederint,  
non

non possint omnium vsurarũ numerum vltra fortis tremissem extendere. vt si semisses stipulati essent, quæ annis xvi. & viii. mensibus sortem adæquant, non possint vltra annos quinque, menses sex, & dies viginti vsuras petere. vnde si trecenti aurei in sorte sint, & centum vsurarum nomine receperint, amplius petere non licebit.

*Nullo pacto neque conuentione statutum vsurarum modum excedi posse: si quis excesserit, quæ pœna statuta sit. item Altero tanto, quæ summa contineatur.*

## CAP. XI.



ESTI autem ita vt diximus studiose opera data est, vt certis quasi terminis & regionibus vsurarum solutio concluderetur, inuenta est tamen astutia fœneratorum ratio varia & multiplex, eas leges de quibus hætenus cõmemorauimus, cauillandi. Quum enim de vsuris nominatim cauissent, pœnas creditores non vsuras disertis verbis in stipulatum deducebant, & eas quidem longè maiores & grauiores, quàm vsurarum definitus modus permittebat, vt si quando legis vsurariæ modus obiiceretur, legem illam de vsuris non de pœna cauisse responderent, eoque commento constitutiones omnes eluderent, & quo maiorem etiã magisque fallacem & eruditam speciem adhiberent, quoniam pœnæ distinctam temporibus,



bus, id est, singulis Calendis stipulationem vsur-  
 rum petitionē nimis redolere arbitrati sunt, vnam  
 semel & in omnem sortis vsum pensionem exege-  
 runt, dupli puta præstationē: id est, vt ego quidem  
 interpretor, tantundem semel quantū in sorte da-  
 tum est. Sic enim Papiniani verba intelligenda esse  
 arbitror in l. pecuniæ. D. de vsur. Dupli stipulatio,,  
 in altero tanto: vt scilicet simplum alterū sortis sit,  
 alterū accessionis. Cicero in Oratore, Pes qui ad- Altero  
 hibeatur ad numeros partitur in tria, vt necesse sit tāto quæ  
 partem pedis aut æqualem esse alteri parti, aut alte- summa  
 ro tanto, aut sesqui maiorem esse. cōtinea-  
 Demosthenes tur.  
 contra Midiam, ὑμῶν δὲ ὧ ἀνδρες ἀθηναῖοι σμικρονοί  
 δέκα τετράντων ἐτιμήσατε καὶ σκίτωνι τοσούτων ἐτέρων.  
 Verūm hisce fœneratorum fraudibus Iurisconsul-  
 torum diligentia obuiam itum est, vt neque pœnæ,  
 neq; cuiusdam accessionis stipulatione modum in  
 vsuris à legibus præscriptū excedere liceat. sic enim  
 Modestinus, Pœnam, ait, pro vsuris stipulari nemo,,  
 supra licitum modum vsurarū potest. l. pœnam. D. ,,  
 de vsur. cui persimile est quod scribit Gordianus  
 in l. quum non frumentum. C. eod. Papinianus au-  
 tem, Pecuniæ, ait, fœnebris intra diem certum de-,,  
 bito non soluto, dupli stipulatū in altero tanto su-,,  
 pra modum legitimarum vsurarum respondi non,,  
 tenere. De duplo loquitur Papinianus in d. l. pecu-,,  
 niæ. Gordianus idem de quadruplo constituit in l.  
 quum allegas. C. eod. Cæterū quoniam frustra  
 feratur lex si eam licebit impunè violare, videamus  
 si quis eum vsurarū modum à legibus præscriptum  
 excess

Pœna ex-  
cedentiũ  
vsuras.

exceſſerit, quid ſtatui oporteat. Cicero nanq; epi-  
ſtolarum ad Atticum libro quinto & ſexto, de le-  
ge ab Aulo Gabinio Coſ. lata commemorat, quæ  
non modò ius ex ea ſyngrapha dici vetabat, qua  
contra modum ab ea lege præſcriptum vſuræ de-  
bebantur, id eſt, vt ne ſortem quidem ipſam petere  
liceret: ſed etiam pœnã fœneratoribus irrogabat.  
Id quod ob eam cauſam neceſſariũ videbatur, quia  
fœneratores, ſi nulla pœna coercerentur, perpetuò  
grauiores vſuras ſtipularentur, & fruſtra modus (vt  
dixi) aliquis vſuris imponeretur. ſed tamen eodem  
ipſo loco ſubiungit aliud iſdem Coſ. ſenatuscon-  
ſultum eſſe factum: quo ſenatusconſulto de ſorte  
& vſuris licitis agi permiſſum eſt. quod ipſum Pau-  
lus & Papinianus obſeruari ſcribunt in l. vſuras. &  
l. pecuniæ. D. de vſur. vt vſuræ illicitæ ſorti miſtæ,  
ipſæ tantũ non debeantur, cæterum ſortem non  
vitient. vſurarum autem ſtipulatio ſuperſuuo de-  
tracto vires habeat. id quod Martianus alibi ſimi-  
liter reſpondit, id eſt, in l. placuit. D. eod. Placuit,  
ait, ſiue ſupra ſtatutum modum quis vſuras ſtipu-  
latus fuerit, ſiue vſurarum vſuras, quod quidem il-  
licite adiectum eſt, pro non adiecto haberi, & lici-  
tas peti poſſe. & Gordianus in l. quum allegas. C.  
eod. l. ſi pro mutua. C. ſi cert. per. Quid igitur dice-  
mus? iurẽne legem Gabiniam abrogatam eſſe, pro-  
pterea quod etſi prima ſpecie vtiliſſima videatur  
ad terrendos fœneratores, debitoribus tamen oc-  
caſionem præbeat creditores fraudandi? qui quum  
legitimis fortalſe contenti eſſent, ad grauiores ta-  
men

men vsuras stipulandas à debitoribus inducebantur: vt & legē violarent, & quum ipsa fors, tum eius vsus, & vsuræ, quarum actio creditori denegabatur, apud eos remanerent, itaque creditores pecuniis suis fraudarentur: quippe quum in debitorum emolumentum pœna fœneratoribus constituta cederet. quemadmodum ex his Valentiniani verbis intelligi potest in l. ij. De vsuris, lib. Codicis Theodos. secundo. Quicumque vltra Centesimam iure, permixtam aliquid sub occasione necessitatis eruerit, quadrupli pœna & obligatione constrictus sine cessatione siue requisitè protinus ablata redhibebit. Hi verò qui antea pari fœnore grassari vsipiam deteguntur, in duplum extorta restituent. Sanè quoquo modo se res habeat, admodum importunam fuisse apparet fœneratorum avaritiam, qui quum ea pœna soluti ac liberi fuissent, tamen Valentinianum eam reuocare coëgerunt: aliosque præterea fortasse principes, & legumlatores, quæ admodum ex eo etiam intelligi potest, quod scribit Asconius Pædianus, Quadruplatores eos ætate sua fuisse, qui grauioribus vsuris fœnerantes accusabant & in quadruplum damnari curabant, pœna lege constituta. Sed quoniam de hac toto genere satis explicatum esse arbitramur, modum huic volumini imponemus, & reliqua in proximum reseruabimus.



# FRANCISCI

## HOTOMANI DE

### VSVRIS LIBER

### SECUNDVS.

*De fœneratione : quid inter vsuram stricte sumptam & fœnoris negotiationem intersit. An fœneratio iusta ac legitima negotiatio existimari debeat. Explicatur Aristotelis sententia ex libr. de Republica primo, quam ob causam Fœneratio naturæ aduersetur.*

CAP. I.



**L** H I S quæ libro superiore dicta sunt satis explicatum esse arbitror, quæ sit iuris ciuilis de vsuris sententia, & quibus casibus : quatenus, quàm iuste & conuenienter æquitati permixtæ sunt. Nunc consentaneum est de fœneratione pauca dicere, de qua video summa doctissimorum omnium dissensione certari. Principio enim ostendimus, inter fœnus & vsuram id interesse, quòd vsura vsum quodammodo repetit, aut ipsius vsus æstimationem. Fœnus verò lucrum ex ipsis nummum corporibus captat. Illa ob debitōris commodum, hoc ob solius creditoris lucrum exercetur. Sic enim Cicero, Nec si, ait, tuam ob causam cuiquam, commodos, beneficium illud habendum

*Vsuræ & fœnoris differētia*

H

est, sed fœneratio. Itémque Seneca libro de Beneficiis quarto, Istud, inquit, non est beneficium sed fœnus, circumspicere non ubi optimè ponas, sed ubi quæstuosissimè habeas, vnde facillimè tollas.

Primùm igitur explicanda illa quæstio est, quæ multos & magnos viros semper exercuit, utrùm fœnoris negotiatio in Republica toleranda sit, id est, quum quis publicè fœnerationem exercet, & ex ea quæstum facit, an is quæstus pro iusto ac legitimo existimari debeat.

Fœnoris  
negotia-  
tionē nō  
esse legi-  
timam.

I. Huic autem quæstioni vt breuiter respondeam, illud perspicuum esse arbitror, quum in tractatu de acquirendo rerum dominio, de rerum diuisione, & aliis quibusdam omnes acquirendarum rerum modi sigillatim enumerentur, neq; tamen huius vsquā mētio facta sit, non fuisse probatū iure ciuili quæstū fœneratoriū: eoque etli sensim in vsum ingressus est, authore tamen iure Ciuili non fuisse receptum.

II. Quinetiam ex M. Catone & Cornelio Tacito satis constat legibus XII. tabularum fœnerationē ideo improbatā esse, vt quum fures quidem dupli pœnam luerent, fœneratores in quadruplū condemnarentur. Sed & Liuius libro Decadis secūde septimo, testatur se scriptum apud quosdam reperisse, L. Genutium Tribunum plebis tulisse ad populum, ne fœnerare liceret. Et Plato libro de legibus quinto fœneratores in Republica adeò damnādos esse censeret, vt ei cui fœnerata pecunia est, permit-  
tat & sortem & vsuram retinere. *μὴ δὲ δανείζειν ἐπὶ τέκῳ, ὥς ἐξορ μὴ ἀποδίδεναι τοπαράπαν τῷ δανεισά-  
μενῳ, μήτε τέκον, μήτε κεφάλαιον.* Cuius quidem  
rei

rei, vt Aristoteli videtur, ratio duplex est: primum quod pecunia quum sit res sterilis, contra naturam est fructum ab ea exigere. deinde quod quum solius permutationis causa reperta sit, quem admodum Vlpianus docet in l. prima. D. de contrah. empt. si ad quæstum transferatur, eius verus & naturalis vsus inuertatur. Sic enim libro Politicorum primo scribit. Quum acquirendi ratio sit duplex, altera cauponatrix, altera œconomica, & hæc quidem necessaria & laudabilis, illa verò mutatione constans iure vituperetur, quippe quæ secundum naturā non sit, sed ex eo quod alii ab aliis lucratur, optimo iure fœneratoria negotiatio odio habetur, propterea quod ab ipso numo quæstum facit, & non ex eo cuius causa est inuentus, siquidem mutationis causa inuentus est. fœnus autem eum auget, vnde & nomen hoc inuenit. Similia enim sunt genita iis à quibus generatur. fœnus verò ex numo parit numum, ob eamq; causam ex acquirendi modis hic est maximè contra naturam.

Platonis  
& Aristotelis de fœnore sententia.

Hæc princeps ingenii & doctrina Aristoteles. IIII.  
Ex quibus illud verū esse apparet quod sepe numero Iurisconsulti scribunt, pecuniam & alias res quæ in abusu consistunt, neque naturali, neque ciuili ratione vsumfructum recipere: neque vlllo modo proprietatem eorum ab vsumfructu separari posse. §. constituitur. De vsufr. lib. Inst. ij. l. secunda. D. eod. adeo vt eorum vsu legato, proprietatem etiā legata esse intelligatur: quemadmodum Caius docet in l. si vini. eod. Si vini, ait, olei, frumenti vsufructus legatus erit, proprietatem ad legatarium

debet transferri. & Papinianus, quum socrus eas res genero tradidisset nomine filiaē ultra dotem, easq; se vsibus pupillae accepisse cauisset, disertè respondit, quum species ad vsum donatur, donari etiam proprietatem. l. species. D. de donat. Quod enim Senatusconsultū vsumfructum earum à proprietate separat, id fitione tantū fieri Caius testis est in l. ij. D. eod. nec enim, ait, naturalis ratio auctoritate Senatusconsulti mutari potest. eoque Pomponius in l. vsura. D. de verb. sign. elegāter inquit, vsuram pecuniae quā percipimus in fructu non esse, quia non ex ipso corpore, sed ex alia causa est, id est, noua obligatione. vnde si legatarius cui & ager & pecunia relicta sunt, quae hā res soluere cessauit, fructus petat, separatim debet vsuras pecuniae petere. quoniam petendo fructus non cōplexus est vsuras: quippe quae in fructu non sint. quoniam non ex ipso corpore, sed ex obligatione eius, quod interest, nascantur. Nec ad rem pertinet quod in l. qui quadraginta. §. vlt. D. ad leg. Falc. & l. generaliter. §. si cui legatum. D. de fid. libert. vtilitatem quam ex vsu pecuniae sub conditione legatae hāres percipit, fructum appellat: quia fructū eo loco pro frui-tione (vt vulgò loquuntur) & vsu accipit. nimirum quum hāres vtitur, fruitur pecunia, pendente conditione. In pecunia enim fructum, vsum, vsumfructum pro eodē accipi constat ex l. hoc Senatusconsultum. & l. quoniam. D. de vsuf. ear. rer. quae vsu. Quae quum ita se habeant, illa necessario secunda ratio consequitur, de qua suprà cōmemorauimus. Quum pecunia permutandi non autem locandi  
aut



aut vendendi causa inducta sit, vsus eius inuertitur, quum eam quis ad quæstum transfert. Neque enim locari aut vëdi potest vsus pecuniæ, vtpote qui à re ipsa & rei proprietate separari nequeat ( vt modò à nobis demonstratum est ) & nemo vti possit pecunia, nisi qui eius dominus est : adeò vt quum vsusfructus eius legatur, simul proprietas legetur necesse sit. dicta l. si vini. id quod in locationem non cadit : proptereà quòd in locatione necesse est alterius esse proprietatem, vsum verò alterius. Ex quo efficitur, quum fœneratio aliud nihil sit, quàm pecuniæ locatio, eam neque naturali neque ciuili ratione constare. Sed fortasse dixerit aliquis, quum pecuniæ vsusfructus legari possit, fictione nimirum, vt modò diximus, quidni vendi similiter, locarique possit? Verùm huic ego obiectioni sic respondeo, multum inter legatarii & venditoris aut locatoris vtilitatem interesse. quoniam quum pecunia per se sterilis sit, & infœcunda, si tamen cum opera legatarii coniungatur, fit fertilis. proptereaque fructus quem ex ea legatarius percipit, non ex re sterili contra naturam ad eum reddit. contrà quàm in venditore, qui quoniam ex nudis & meris numùm corporibus fructum petit, naturæ aduersari intelligitur. Accedit ad hæc & alia ratio sanè memorabilis, quã quidem in omni quæstu magnopere spectari oportere constat. nimirum quòd ita natura comparatum est, itaque se res habet, vt nunquàm aliunde quæratür lucrum quàm ex ea re, cuius non minus ad nos & damnum & periculum pertineat, quàm commodum & emq-

lumentum. l. si vnus. & l. si igitur. D. pro soc. Quod si ad hanc legem & præscriptionem fœneratorum quæstum exigamus, eumque hac regula metiamur, non difficile est quàm eorum iniqua & improbanda ratio sit, intelligere. Certum est enim sortem omnimodò, id est, quæcûq; fortuna debitoris fuerit, saluam & incolumẽ creditori manere: neq; ad eum periculum negotiationis pertinere. Sed si fortè iactura facta sit, si quid damni mercatura contraxerit, id soli debitori ferendum esse. Prætereà quicunque casus contigerit, quanuis aduersa fortuna debitor vsus sit, semper tamen certum & extra omnem aleam periculũq; positum creditoris lucrum & emolumentum existere: debitorem verò iacturam omnem omnẽque damnum sustinere.

- V I. Neque verò alia non minùs erudita & grauis ratio prætereunda est, nimirum quòd fœneratione permissa omnes artes vtilis & ad vsum Reipublicæ necessariae (quoniam aut sine periculo, vt mercatura, aut sine labore, vt res rustica, exerceri non possunt, neque tantum emolumentum adferunt, quàm hæc fœneratoria quæ sine periculo & labore exercetur) deperibunt & obsolescent. Contra fœnerator desidiosus, domi sedens, nulla arte aut opera exercenda, omnes ciuitatis opes ad se conuerteret, quum in bene constituta ciuitate ex probatis tantum artibus quæstum facere liceat. Quare Plinius, vt multa præclare, sic hoc breuiter. Sed à numo, inquit, prima est origo auaritiæ excogitata fœnore quæstuosa segnitia. Quin ipse quoque Aristoteles libro Ethicorum quarto, le-  
nonum

nonum & fœneratorum quæstum æquiparat, eodémque loco vtrunque numerat. Sed operæpretium est Marci Catonis verba ponere, ex quibus quàm perniciosam Reipublicæ quæstuosam illam segnitiam iudicet, intelligatur. Est, inquit, interdum præstare mercaturis rem quærere, ni tam periculosum fiet: & item fœnerari, si tam honestum fiet. Maiores enim nostri sic habuerunt, & ita in legibus posuerunt, furem dupli condemnari, fœneratorem quadrupli. Quanto peiorem ciuem existimarint fœneratorem quàm furem, hinc licet existimare. Ciuem improbum fœneratorem appellat, eò quòd arte nulla & re planè sterili aliorum facultates exhaurit. Ex quo illud etiam eiusdem laudatur à Cicerone libro de officiis secundo. quum enim ab eo quæreretur quid maximè in re familiari expediret, respondit Bene pascere: quid secundum, Satis bene pascere: quid tertium, Bene vitire. (sic enim eum emendandum esse locū vbi antehac ineptissimè Vestire legebatur, admonuit nos vir quū omni doctrinæ atq; virtutis laude cumulatus, tum verò bene peritus antiquitatis, & doctus, & intelligens huiusce generis existimator Theodorus Beza) quid quartū, Arare. & quum ille qui quæsierat dixisset, Quid fœnerari? tum Cato, Quid hominē, inquit, occidere? Fœneratorem homicidæ comparat, quòd vt hic vitam, ita ille eas res quibus vita cōtinetur adimit. quippe quum detrahere alteri (vt alibi Cicero scribit) sui cōmodi causa, magis sit contra naturam quàm mors, quàm dolor, quàm cætera generis eiusdem. Detrahit autem alteri, qui alte-

Emenda-  
tus Cice-  
ronis lo-  
cus.

rius bona nulla arte legitima & laudabili deprædatur. Quam quidem ob rem, id est, alienorū bonorum iniustam auersionem atque depopulationem, Romæ tot seditiones extitisse Liuius libro Decadis primæ secūdo grauissimus auctor est. eamq; in primis cuius ille auctor fuit, qui squalore & macie obsitus, in medium forum se proiecit, quærens se Sabino bello militantem, quia propter populationes agri non fructu modò caruisse, sed villa incensa direptaque omnia fuissent, æs alienum fecisse. Id cumulatim vsuris se agro paterno auitoque exuisse. Itémq; aliam, cuius causam M. Manlius præbuit, qui quum centurionem nobilē militaribus factis iudicatum pecuniæ, duci videret, medio foro manum iniecit: & plebe commota seditionem excitauit. Rursus aliam quoque non ita multò post: quòd quum eo ipso quod necesse erat solui, facultas soluendi impediretur, itaque quum iam ex re nihil dari posset, fama & corpore iudicati atque addicti creditoribus satisfaciebant. Simile quiddā etiā Plutarchus in Lucullo de Asianis scriptū reliquit, quos fœneratores tanta crudelitate vexarant, violauerant, euerterant, vt liberos ingenuos filiāsque virgines priuatim vendere cogerentur. Et Basiliius, *ἄλλοι, αἰτ. ἐλεεινὸν θέαμα, παῖδας ἐλευτέρας ὑπὸ χρέωρ πατρώωρ ἐλκομένους εἰς τὸ πρατήριοι.* Denique plena sunt exemplorū omnia, ex quibus vniuersas ciuiū copias & facultates paucorū hominum quæstuosas, vt Plin. ait, segnitia exhaustas, & exinanitas esse cōstat. In quo tamē video nobis occurri à multis, iisq; eruditis, quod eum esse quæstum legitimū  
neg

negemus ob eam causam, quia sine vlllo labore & arte probabili factus est. neque enim omnes artem aut negotiationem exercere cogendos esse affirmant: sed & magistratibus & aliis viris illustribus, suis vectigalibus & patritiis bonis frui permittendum.

Verum illos animaduertere oportuit, multum VI.  
inter eos qui fœneratione quæstum faciunt, & eos qui suis vectigalibus fruuntur, interesse. Nam his quidem, si est breuiter simpliciterque dicendum, naturali ratione, vt agri fructibus, & animalium fœtu (qui duo acquirendi modi soli ferè Xenophonti & Aristoteli probantur) victus suppeditat. itaque rectè & naturæ conuenienter faciunt, quæ dominos ex suæ rei fructibus viuere permittit. Fœneratores verò ex re nullum ferente fructum, itaque contra naturam quæstum faciunt. illi ex re sua quæ ad vsum vitæ pertinent acquirunt, qui etiam fundum colonis elocent, semper tamen dominium & ciuili & naturali ratione retinent. hi contra & ex re aliena, & quod multò flagitiosissimum est, ex industria & labore alieno sese locupletant. siquidem pecunia (id quod inter omnes constat) mutuo data transit in eius dominium, qui eam accepit: ex quo etiam mutui datio, vt Paulus scribit, ab eo appellata est, quòd de meo tuum fiat: adeò vt si de meo tuum non fiat, non nascatur obligatio. l. ij. §. appellatur. si certum petat. neque quicquam aduersatur quod quidam citant ex. l. rogasti. §. vlt. D. eod. quòd si seruus cui concessa est peculii administratio crediderit tibi, erit mutuum: quasi quum aliena-

Vtrum  
in mutuo  
verè fiat  
aliena-  
tio.

tio seruo permissa non sit, ob eam causam dando mutuum non alienet. Nam huic dubitationi perspicuè idem Paulus respōdit in d.l.ij.§.idem mutuum. D.eod. In mutuidatione oportet dominum esse dantem (nimirū vt alienet) nec obest quod filius familiās aut seruus dantes peculiares numos obligant. id enim tale est, quale si voluntate mea tu des pecuniam. nam mihi actio acquiritur, licet numi mei nō fuerint. hęc ille. quinimo in ead. ipsa lege Rogasti. Pauli verba manifesta sunt, vbi duo illi casus tanquam contrarii opponuntur: Si seruus cui administratio concessa est, & item alius contra voluntatem domini crediderit. hunc enim diserte scribit numos non facere accipientis. ex quo ipso intelligi par est, alterum accipientis facere. Denique Hermogenianus rem omnem vno verbo conficit in l. qui id quod. D. de donat. vbi adeò necesse esse respondit, vt in mutuo dominium transferatur, vt si Titius centum donauit ea lege, vt statim donatori mutuo dentur, non impediatur domini translatio: ac propterea numis iisdem donatori creditis nouū dominium in iis quærat. Quare vt ad id redeā vnde cœpi, quū fœnerator eius faciat pecuniā cui credit, satis persuasum esse debet, eum ex re & pecunia aliena quæstū facere, quum vsuras petit. tum prætereā (id quod alterā quoq; huius nostræ sententiæ rationē continet) ex opera & labore alieno. Nam vt Paulus eleganter scribit in l. Quæstus. D. pro soc. quæstus intelligitur qui ex opera, cuiusq; descendit. fœneratorē autem certū est nullum in ea re laborē ponere: sed ex alterius opera & sudore

sudore suas augere copias. Quanquidem ob causam scribit Aristoteles eo quem supra citavi loco, *εὐλογώτατα μισῆται ἢ ὀβολοκρατικὴ διὰ τὸ ἀπ' αὐτῆς τῆ νομίματ' εἶναι τὴν κλῆσιν*. id est, meritisimò negotiatio fœneratorum odio habetur, propterea quòd ex ipso numo quæstus facit. Nam *ὀβολοκρατικὴ ὀβολοκρα-* negotiationem pecuniæ significat, quam quis exer-  
*τικὴ*.  
 cet, vt ex ipsis solis numis, qui steriles sunt, contra eorum naturam lucrum capter. Et Cic. lib. de Offic. I. Primùm, inquit, improbantur ii quæstus qui in odium hominum incurrunt: vt portitorum, & fœneratorum. qua de causa scribit Chrysostomus con-  
 cione in Mathæi cap. xvii. l. vii. legibus interdictum esse viris illustribus & senatoribus, quique Rempubl. gerunt, ne ex ea negotiatione quæstum faciant: vtpote quam turpem & flagitiosam existiment. Quorsum igitur civili iure permittitur etiã ex otiosa pecunia vsuras petere? quemadmodum apparet ex. l. qui semisses. §. quæsitum. D. de vsur. vbi si dominus otiosam pecuniam fœnerare consuevit, negotiorum gestor pro ea pecunia vsuras debere dicitur. & item ex. l. si fundus legatus. l. si ita  
 legatum est. D. de legat. iij. vbi mentio fit eius pe-  
 cuniæ, quæ fœnerandi causa tantisper asseruatur.  
 denique ex. l. præsidis. D. si certum petat. vbi præ-  
 sidis prouinciæ officiales, ac tanto magis omnes  
 reliquos fœnebrem exercere posse cõstitutum est.  
 Respondeo idem in hoc genere vsu venire quod quibusdam in morbis solet, quibus etsi medici mē-  
 deri cupiunt: tamen quia nullum facilè remedium inuenire possunt, conuiuendum esse arbitrantur.

Manet

Fœnus  
 qua de  
 causa per-  
 missum  
 apud Ro-  
 manos.

Manet enim regula ciuilis iuris, ad quam omnis eius mens & ratio dirigenda est, Vsuras nunquàm nisi ob id quod verè & non simulatè interest debere, quemadmodum satis copiosè à nobis superiore libro explicatum esse arbitramur. Quare etsi astutia & calliditate hominum aliquantum ab ea declinatum est, retinet nihilominus vim suã ea iuris æquitas, quæ hanc hominum malitiam tolerando tantisper dissimulauit, non approbauit conniuendo. At enim illud fortasse dixerit aliquis, Quorsum igitur vsurarum emolumentum permittimus, itaque & ex re sterili lucrum facimus, & contra pecuniæ naturam & vsum eam ad quæstum cõuertimus? denique ex aliena re alienaque industria & labore fructum consequimur? Respondeo breuiter, si ad quæstum vsuram transferamus, itaq; ex aliena pecunia & industria lucrũ consecutur, vsuram multo maximè condemnandam esse. Verùm inter vsuræ & fœnoris petitionem multum interesse dicimus. Illam enim non ob lucrum & quæstum, verùm ob solius damni creditoris compensationẽ inductam esse: hoc ob solum lucrum. Illa quod nostrum est peti: hoc quod est alterius. Illam denique in debitoris cõmodum, hoc in solius creditoris lucrum spectare. Primum disertis verbis ostendit Paulus

„ in l. quum quidam. §. si pupillo. D. de vsur. Vsuræ,  
 „ inquit, nõ propter lucrum petentium, sed propter  
 „ moram non soluentium infliguntur, id est, propter  
 „ damnum, quod creditor ex mora debitoris consecutus est. Nam vt copiosè ostendimus superiore libro, nunquàm iure ciuili vsuræ permittuntur, nisi  
 ob

Vsuræ  
quæstuo-  
sæ fœno-  
ris simil-  
limæ.



ob id quod creditoris interest. contrà ex Cicerone & Seneca probauimus, scenerationem ob solum creditoris lucrum & commodum inuentam esse. Secundum ex eo verum esse apparet, quod prius docuimus, Vsuram petere vsum nostræ pecuniæ, quem nobis inuitis debitor habuit. vt quum hæres legatarii, aut tutor pupilli, aut socer generi pecunia cum damno creditoris vsus est: contrà scenerator mutuum dando, & rem, & eius vsum in debitoris dominium transfert, neque se inuito debitorem sua vti pecunia queri potest. Quid igitur quum in mutuo vsuram stipulamur? Hoc enim interdum æquum & iustum esse ostendimus. Respondeo, quum creditor non sui commodi, sed debitoris iuuandi causa dat mutuum, idem esse ac si inuito ipso debitor eius pecunia vteretur. quoniã Inuitum hoc loco accipimus non qui vi adactus est, sed eum etiã qui non id appetat, aut affectet: sed contra suum ipsius emolumentum rei familiaris commodo repugnante patitur. Nam neque pupillo omnino inuito tutori eius vti pecunia permittitur. l. quoties. D. de administ. tut. neque hærede, ei legatario, cui vsus pecuniæ ad certum tempus relictus est in l. iij. §. vlti. D. de ann. legat. Satis est enim, modò vsuras creditor non ob suum solius quæstum & lucrum petat, sed ad id demum quod ea re percepit: quia vsu suæ pecuniæ caruit cõpensandum. Inuito igitur creditore fieri dicimus, quum aliter sese rem habere pro suo ipsius emolumento cuperet. ex quo ipso apparet, creditorem quum vsuram petit in mutuo, et si vsum quidem pecuniæ, vt in legato aut fideicom-

Vsuræ in  
mutuo  
plerūque  
iustæ.

deicommissio, aut eius usus æstimatione non consequatur, quum tamẽ damni compensationem & id quod sua interfuit petat, rem ad se iure pertinentem petere. contrà Fœnerator, qui sui lucri causa querit, cui det pecuniam, & cupit usu eius carere, eumque alteri concedere, neque queri potest sua interesse quòd usu suæ pecuniæ caruit, neque ullam damni compensationem petere. ob eamq; causam illud etiam affirmare non dubito, etsi iusta & legitima est usura quam legatarius ab hærede, aut gener à focero persequitur: tamẽ si fraude pecuniam debitoribus relinquunt, ea spe ducti, ut ex ea usuras consequantur, fœnus & turpe lucrum aucupari, usuras lege permissas non petere. Atque hanc quidem diligenter obseruandam esse differentiã, momentoque suo ponderandam suprã ex. l. iij. D. si cert. peta. breuiter ostendimus. adeò enim odiosa eius causa est, qui animo & proposito fœnerandi occasionem mutuo dandi pecuniam querit, ut mutuum ab eo depositum eius tantum, non etiam recipientis, periculo pereat. At enim dices, Quis te meam pecuniam accipere coegit, quam in agri aut mercium emptione collocassem, otiosam nunquam habuissem? tu quum ex re mea te locupletes, tuumque lucrum compares, interea dum illa careo, nihil eius tui compendii, quod ex re mea consecutus es, mihi decides? Hisce speciosis causis & eruditis vulgò fœneratorum avaritia tegitur, & quasi quibusdam velis obtenditur. Sed nos non quibus præstigiis & machinis homines astuti fraudem legibus faciant, inquirimus: quæ sit iuris ratio & æquitas

æquitas ostendimus. Docemus eum quæstum non  
 esse legitimum, proptereà quòd arte nulla legitima  
 ad creditoré redit. Leno etsi in tibi seruiendo mul-  
 tum operæ laborisque posuit, in magnum sæpe &  
 graue discrimen adductus est: nemo tamé eius quæ-  
 stum iustum aut legitimum esse affirmat. quid ita?  
 quoniam ars lenonum improba & perniciofa est.  
 Quauis igitur scortatorem opera vti sua non  
 coëgit, aliámque fortassis artem exercuisset: attamen  
 quoniam ex re turpi quæstum facit, eum le-  
 ges improbant. Præclarè igitur Aristoteles, Sunt,  
 ait, in accipiendo nimii qui passim & quiduis ac-  
 cipiunt: quales sunt ii qui in sordida arte versan-  
 tur, vt lenones, fœneratores, & qui exigua dant  
 vt maiora ferant. Nam propter quæstum atque  
 eum perexiguum omnes in probra & dedecora  
 incurrunt. Illi igitur quoniam ab iis eripiunt à  
 quibus non decet, in sordido quæstu & arte ver-  
 santur. hæc Aristoteles. Quamobrem vno hoc  
 desperatissimo perfugio vt solent, etsi in fœne-  
 ratione vitium est: tamen quoniam ciuium diffi-  
 cultatibus succurrit, & in Republic. facultas il-  
 la pecuniam in promptu inueniendi necessaria est,  
 tolerandam esse. Multi simillima ratione lustra  
 & lupanaria in singulis ciuitatibus toleranda esse  
 affirmant, proptereà quòd multorum grauium  
 malorum causam tollunt. Ita homines Epicuri  
 similes non quid æquum sit aut honestum, sed  
 quid ex vsu suo sit quærunt. Verùm illis ego re-  
 spondeo, res iniustas etsi vtilitatem quandam præ-  
 se ferre videantur, non esse tamen tolerandas.

Fœnera-  
 tores si-  
 miles le-  
 nonibus.

Quamq

Quamquam quousque ( vt Cicero scribit ) aude-  
 bunt dicere quidquam vtile, quod non honestum?  
 Nam eadem vtilitatis quæ honestatis est regula:  
 An putemus non satis sapienter præuidisse Deum  
 immortalem humano generi, neque satis conside-  
 ratè Iudæorum populo consuluisse, quum omnem  
 ab iis scænationem tantopere etiam atque etiam  
 remoueri voluit? Etsi huius quidē difficultatis ex-  
 plicandæ alia perfacilis & perexpedita ratio est.  
 Nam si in Republ. necessarium est, vt quasi the-  
 saurus quidam existat, ex quo facilè & in prom-  
 ptu pecunia inueniri, quum opus est, possit, ibi  
 Fœnus le collocetur ærarii publici pecunia, orphanorum  
 gitimū. facultates, dona quæ gymnasiis ad alendos paupe-  
 res scholasticos, aut hospitalibus ædibus relicta  
 sunt, aliisve religiosis locis, in quibus ægroti cu-  
 rantur, pauperes & infantes educantur. Quod  
 enim inde emolumenti reddit, vt non ar-  
 te aut opera aliqua redierit: tamen  
 pium & honestum est cum alio-  
 rum nullo detrimento  
 eiusmodi facul-  
 tates au-  
 gere.

De

*De contractu societatis in quo alter solam operam confert, alter solam pecuniam, salva semper manente sorte. Et quæ inter eum contractum & fœnerationem differentia sit. Vtrum usuræ nauticæ, Lugdunenses permutationes, & similes negotiationes probari ac tolerari possint. Postremò quæ res in omni contractu legitimo necessariæ videantur.*

## CAP. I I.



RESPONDI variis argumentis ut potui, quibus homines astutissimi persuadere conantur fœneratorum quæstum non omnino iniquum, aut improbandum esse. Nunc vnũ duntaxat reliquum esse arbitror, de quo hic locus postulat ut breuiter sententiã nostram exponamus. Probabilis, inquiunt, contractus societatis est in quo alter pecuniam nudam contulit sine opera, alter solam operam sine pecunia. Nam & ita coiri, posse societate non dubitatur (inquit Iustinianus), ut alter pecuniam conferat, alter non cõferat, & tamen lucrum inter eos cõmune sit, quia sæpe opera alicuius pro pecunia valet. §. j. De societ. lib. Inst. iij. & l. j. C. pro soc. id quod ipsa sorte semper creditori salva intelligendum est. Inde igitur probari posse arbitrantur, creditorem, qui pecuniã contulit, quanuis nullam operã adhibeat: tamen quoniã debitor ex ea pecunia auctus est, iure partem lucri salva sorte petere. In quo magna hercle illorum (ne

Mutui cō-  
tractus  
quid à so-  
cietate dif-  
ferat.

quid nunc acerbius dicatur) malitia & puerilitas  
apparet. Etenim tantum abest vt contractus mutui  
aliquid simile cum societatis contractu habeat, vt  
nihil magis dissimile fingi aut cōmemorari possit.

Nam primū omnium certum est, in mutui cōuen-  
tione vnam tantum ac simplicē esse obligationem,  
in societate duplicem: id est, vtro citrōq; pertinen-  
tem, & alterum alteri obligari. Secundō in socie-  
tate vterque contrahens aliquid confert, ab alterōq;  
decedit, quod alteri adiungatur. Nam alter confert  
pecuniam, alter autem operam. In mutuo alter tan-  
tū, nempe debitor. Nam collationem ex vī con-  
tractus & obligationis accipimus. Quare quū obli-  
gatio mutui ex re, vt Iustinianus ait, substantiā ca-  
piat. §. j. De obligat. quę re cont. & ipsa res à credi-  
tore proficiscatur, perspicuū est quā vī obligatio-  
nis & contractus collatio venit, eam ex parte debi-  
toris proficisci. Præterea illud etiam singulariter  
est obseruandum, quod in hoc tractatu fere præci-  
puum est: nempe in societate & damnum & pericu-

- » lum ad vtrunque socium pertinere. nam quum so-
- » cietas cōtrahitur, inquit Paulus, tam damni quàm
- » lucri cōmunio initur. l. si vnus. D. pro soc. & Pom-
- » ponius ait in l. si igitur. D. eod. æquum est, vt cuius
- » participaueris lucrum, participes & damnum.

Id quod adeò in quæstu faciendo considerandum  
esse constat, vt Sabinus & Paulus affirmant, posse  
ita coiri societatem, vt is qui solus industriam in  
societate conferat, solus nauiget, solus peregrine-  
tur, solus pericula subeat, nullum damnum habeat,  
lucrum verò commune sit. l. si non fuerit. D. eod.

&

& alibi quum vnus ex sociis communem pecuniam  
 fœnerasset, si suo nomine id fecisset, quoniam ad  
 eum solum periculum pertineret, solum quoque  
 vtilitatem, id est, vsuras consecuturum. alioqui etiã  
 alios socios, siquidem eorum quoque nomine fœ-  
 nerasset: nimirum quia cõmune periculum fuisset.  
 l. si vnus. §. j. eod. cui prætereà species persimilis re-  
 fertur in l. postulante. in fi. D. ad senat. Trebell. de  
 eo qui rogatus partem hæreditatis restituere, fœ-  
 nerauerat pecuniam, quoniam id nullo alterius pe-  
 riculo fecerat, sed suo tantum, solum vsuras habi-  
 turum, alterum non habiturum. Atqui in mutuo  
 solus debitor & damna & discrimina suscipiat ne-  
 cesse est, neque tantum earum rerum quæ in quæ-  
 sita sunt, verumetiam sortis ipsius: creditor verò  
 semper & sortem & lucrum certum habeat, om-  
 nis damni & periculi sit expers. Ex quo quanta sit  
 inter vtrunque contractum differentia, facile est  
 intelligi. Accedit huc quòd in societate vterque  
 æquam fert partem sumptuum. Itaque qui pecu-  
 niam credidit, & viatica (vt ait Papinianus) &,,  
 meritoriorum, & stabulorum, & iumentorum, &,,  
 carrulorum vecturas, tam eius qui proficiscitur,,  
 quàm sarcinarum eius gratia, vel mercium, ei im-,,  
 putantur. l. Si fratres parentum. §. si quis ex so-,,  
 ciis. D. pro socio. In mutuo solus debitor facit  
 sumptus, solus impendit, ex suis solis impen-  
 sis negotiatur. Atqui Valens in dicta l. si postu-  
 lante. clarè inquit, magni interesse, num ope-  
 ram atque impendium hæres fecerit in fructi-  
 bus, qui partem erat restituere rogatus. Nam

si ipse fecerit, solum commoda habiturum: si non fecerit, sed à defuncto erant locata prædia, & pensiones recepiſſet, quoniam nullum impendium vel opera ei intercederat, reſtituere oportere. In ſumma quum in ſocietate alter alteri obligetur ad lucri damniq; cōmunicationem, æquum eſt ſocium qui pecuniam contulit, eiúſq; periculum ſuſcepit, ſumptus etiã in faciendo quęſtu impendit, denique qui partem dũtaxat vtilitatis promiſit, partem vero ſibi ſtipulatus eſt, eam partẽ ex cōtractu petere.

Fœnus  
nauticũ  
iuſtum,  
ac legiti-  
mum.

Plutarchi  
locus.

Atq; hoc nimirum illud eſt, quocirca eius pecunię negotiationem non improbandam eſſe iudicamus, cuius quidem pecunię periculũ creditor cōtra mutationis naturã ſuſcipit. Id quod vulgo trifariam fieri cōſuevit: In mari videlicet, & nauigatione: quũ pecunia trãs mare creditoris periculo vehitur, quæ ideo Traieſtitia nominatur, quemadmodũ ſuprà copioſe à nobis dictũ eſt. Quũ enim propter uſum pecunię nudum Centeſima, quę illo caſu permittitur, non exigatur, ſed propter periculi emptionem, quod ea Centeſima videtur emere creditor: meritò æquum eſſe viſum eſt, vt cuius rei periculũ creditor ſuſcipit, eius rei cōmodum & vtilitatẽ aliquã percipiat. Quæ ex re quam ob rem ea pecunię negotiatio, quam ſcribit Plutarchus M. Catonem exercuiſſe, iniquiſſima iudicata ſit, nõ difficile eſt intelligi. Non enim ſortis totius, ſed paruę tantũ ſummæ periculum, quod totum emi ea cẽteſima diximus, ad eum pertinebat. Sed operæpretium eſſe arbitror ipſa Plutarchi verba exponere, quæ ſanè ſubobſcura & ad intelligendũ difficilia videri poſſunt.

ἐχρήσατο



χρήσατο δὲ καὶ τῷ διαβεβημένῳ μάλιχα τῷ δανεισ-  
μῶν ἐπὶ ναυτικοῖς, τὸν τρόπον τῷτο. ἐκέλευσε τῶς δανει-  
ζομένους ἐπὶ κοινερίᾳ πολλοὺς παρακαλεῖν. γενομένων δὲ  
πεντήκοντα καὶ πλοίων τοσούτων, αὐτὸς εἶχε μίαν μερίδα  
διὰ κοινερίωνος ἀπελευθέρει, τοῖς δανειζομένοις συμπραγ-  
ματευσόμενος καὶ συμπλέοντος. ἢ ὃ οὐκ εἰς ἅπαν ὁ κίν-  
δυνος, ἀλλ' εἰς μέρος μικρόν, ὅτι κέρδεσι μεγάλοις. Hæc  
Plutarchus quæ Latinè sic expressimus, utebatur,  
inquit, in re nautica sc̃nore, quod maximè omniū  
erat obnoxium calumniæ, ad hunc modū. Iubebat  
eos quibus credebat pecuniā in societatem multos  
asciscere. Quum autē essent quinquaginta, & to-  
tidem nauibus nauigarēt, ipse accipiebat vnam par-  
tem Quintium Libertū, qui quū debitoribus nego-  
tiabatur & nauigabat. Periculū igitur nō erat in o-  
mnem sortē, sed in paruā partē sub magnis lucris.  
Hactenus Plutarchi verba, quæ quidem ita intelligi  
posse videntur, vt quod ait Periculum non erat in  
omnem sortē, sed in paruā partem, ita accipiat,ur,  
quasi è quinquaginta nauibus earum tantūm pericu-  
lum susciperetur, quæ submergerentur: quod peri-  
culum si cum cæteris negotiationibus cōparetur,  
quibus tota sors vna naui cōtinetur, perexiguū esse  
apparebit. Illud autē quod adiectū est, Sub magnis  
lucris, ob eā causam dictū sit, quod Quintius quin-  
quagesimā partē acciperet: quæ cum reliquis xlii.  
iūcta lōgè maius emolumētū afferebat, quàm sepa-  
rata: præterea autē & vsurę accederēt, quæ semper  
in pecunia Traiectitia amplissimæ permissæ sunt.

Lugdunē  
ses pecu-  
niæ per-  
mutatio-  
nes.

Alteræ eius negotiationis species est, quū terra  
periculum suscipitur: vt si Romæ, exēpli causa, red-  
di pecunia cōstituatur, quæ Lugduni traditur. quod

genus hodie frequentissimè Lugdunenses vsurpāt, & lingua vernacula Permutationem, id est Collybum, (Collybus enim propriè in loci mutatione dicebatur) vulgo appellant. Hoc enim illorum lucrū (moderatum modò sit, neq; immensum aut immodicum) quoniam & propter gestationis sumptus, & propter periculum petitur, tolerari ac probari potest. Ex eo præsertim quòd Caius notat in l. illud quæsitum. D. ad leg. Aquil. vbi eadem ratio est, ibi idem ius & æquabile statuendū esse: non enim pecunia fœneratur, sed periculum gestationis emitur.

Tertia periculi emptionis species est, de qua mentionem facit Scæuola in d. l. periculi. De naut. fœn. quum certa pecunia, alterius causa, periculo dantis impenditur: ita tamen vt lucro factò, partem eius debitor vna cum sorte creditori suo persoluat. veluti si piscatori, aut venatori, aut aucupi in apparatus plurimum pecuniæ dederim, vt si nihil cœperit, sortem amittam, si cœperit & sortem & partem lucri persoluat. His igitur omnibus casibus etsi qui præterea similes sunt, quoniam creditor sortis periculum suscepit, non dubium est quin aliquā eius emolumentum partem, quod ex eius pecunia fecit debitor, equissimè postulet. siue illa stultissimorum & ineptissimorum hominum sententia sit in cap. nauiganti. De vsuris. lib. Decretal. v. siue non sit, quod mihi verisimilius videtur: propterea quòd Euntis appellatione, nauigans quoq; compræhenditur. Nos enim ab iis tanquā agrestibus & furiosis dominis iam pridem aufugimus. Eo verò casu quo totius periculi, totius laboris, impensarū omnium cred

creditor expers est, deniq; quo vtilitatem omnem  
 quæ ex pecunia potest colligi, debitori dedit (hæc  
 enim Mutui natura & conditio est) quid est, vt Fa-  
 bius dixisse fertur, iniquius quàm sub ea arbore fru-  
 ctum legere quam alius conseruit? præsertim quum  
 pecuniâ debitoris fecerit, id est, omnē ei dederit,  
 eius vtilitatē: in societate verò pecunia semper eius  
 qui eam cōtulit remaneat. Præterea fœnerator ex re  
 sterili, nimirum nuda pecuniâ fructū captet: quum  
 in societate nuda pecunia nō sit, sed op̄eræ atq; in-  
 dustriæ coniuncta, ideóq; fœcunda & fertilis. nam  
 si otiosam pecuniam conclusam in arca habuisset,  
 sterilis & inutilis mansisset. Et quanuis op̄erę debi-  
 toris coniuncta quasi culta emolumentum aliquod  
 adferre soleat, tamen quoniâ societate nullam con-  
 traxit, eius op̄erę & laboris fructus nihil ad eū per-  
 tinet. Et certè sic se res habet, vt nisi quū hæc qua-  
 tuor quæ diximus interueniunt, nunquā legitimus  
 & liberalis quæstus appellari debeat. Primū enim  
 necesse est rem eius esse qui lucrum ab ea postulat:  
 deinde vt res sit fœcunda & fertilis: tertio vt for-  
 tis periculum ad eum pertineat: postremo vt ex ar-  
 te & op̄era probabili quæstus fiat. Nam aleator etsi  
 ex re sua lucrum querat, eiúsq; summum & certis-  
 simum periculum subeat, tamen quoniâ ex arte tur-  
 pi & improba id facit, non dubiū est quin eius quæ-  
 stus legitimus appellari non possit. Quare quid de  
 fœneratione dici debeat haud obscurum est. Quum  
 enim neq; pecunia quam credidit eius sit, neq; res  
 fœcunda sit, neque periculum vllum suscipiat, ne-  
 que postremo ex arte probabili & iusta lucrum

Societa-  
tis & fœ-  
neratio-  
nis diffe-  
rentia.

Quatuor  
in legiti-  
mo cōtra-  
ctu neces-  
saria.

quærat, is quæstus quem à debitore postulat legitimus appellari non potest. Ac sunt alii quidem huius generis acquirendi modi, velut ex Antichresi, & apud nos vsitata redemptione vectigalium, de quibus deinceps commemorare operæpretium est. Id quod nos quoque facturos pollicemur, si modò quæ sit religionis Christianæ, id est, nostræ (quæ sola religio nominanda est) de fœneratorum quæstu sententia, exposuerimus ante breuiter, vt maiorem ea res & in primis grauem authoritatem apud pios & bonos viros obtineat.

*Quæ sit religionis nostræ de fœneratorum quæstu sententia. Explanatus locus Deuteron. an Iudæis fœnerationem exercere permissum esset.*

C A P. III.



V V M de vsuris quæritur, vulgò doctissimi homines præceptum Christi citant ex Euangelii Lucæ quinto capite, quo iubet vt mutuum demus nihil inde sperantes. Neque enim de sorte illud intelligi posse aiunt, propterea quòd dictum sit Mutuum date, non Donate. Affirmant igitur ea Dei lege prohiberi, ne quis vsuras petat. Id quod de fœneratione sola (quæ ipsa vsuræ appellatione continetur) ab iis intelligi, non autem de vsuris in specie sumptis minimè dubitandum esse arbitror. Nam vt pupillus à tutore, & gener à socero, itémque fideicommissarius ab hærede vsuras suæ pecuniæ petant, qua pecunia illi vsi sunt, non tantùm ciuili, verumetiam naturali,

&

& diuino iure permissum esse constat. De fœne-  
ratione igitur videamus: de qua si breuiter simpli-  
citéq; dicendum est, non arbitramur eo loco sen-  
sisse Christum, cuius illa tota concio huc tantum  
pertinet, vt benignè faciamus omnibus, hoc vnum  
spēctātes, vt alios iuuenus, nulla nostri habita ra-  
tione. Itaque benignitate Barbaros & falsarum re-  
ligionum cultores superemus, qui nulli vnquam  
officium tribuunt, nisi vnde parem expectant gra-  
tiam. denique vt quauis ingratos, inimicos, im-  
probos quibuscunq; possumus beneficiis comple-  
ctamur. Id adeò ex ipsius Christi verbis licet in-  
telligere. Quum enim nullam iis fore gratiam  
ostendisset, qui aut mutuū dant, aut alia quēdam  
officia tribuunt, ea spe vt eadem recipiant, Nam  
peccatores, ait, id est, à nostra religione alieni pec-  
catoribus dant mutuū, vt paria recipiant. Quid  
est hoc, Paria recipere? Declarat Cicero his verbis  
in libro de officiis secundo, A quo, inquit, pluri-  
mum expectant, etiam si ille his non eget, tamen  
ei potissimū inseruiunt. item initio Orationis  
antequam iret in exilium, Est liberale officium se-  
rere beneficium, vt metere possis fructum. Quare  
quæ postea subiungit, Quinimo diligite inimicos  
vestros, & beneficiis afficite, & mutuū date nihil  
inde sperantes, ita accipiendum esse constat, quasi  
dixisset, nihil eorū quæ homines ab iis, de quibus  
bene merentur, expectant, quum officium aliquod  
tribuunt: parem gratiam, mutuū officium, mutuam  
animi beneuolentiam. Et sanè Diuus Basilii co-  
gnomento Magnus, de sorte verba Christi disertè

accipit Concione in Psalmum XIII. secunda,  
 Τίς δὲ ἐστὶν ἡ συμβαλὴ τῷ δεισέειν, δανείζετε παρ' ὧν ἔκ ἐλ-  
 πίζετε ἀπολαβεῖν. καὶ ποῖον, φησί, τὸ τοῦ δάνεισμα, ὃ τῇ  
 ἀποδόσεως ἐλπίς ἐ συνέζονται; νόησον τὴν δύναμιν τῇ  
 ῥητῇ, καὶ θαυμάσεις τὴν φιλανθρωπίαν τῇ νομοθέτῃ. ὅταν  
 πτωχῷ παρέχειν μίλλης δ' αὖ τὸν κύριον, τὸ αὐτὸ καὶ δῶ-  
 ρόν ἐστι καὶ δάνεισμα. δῶρον μὲν, διὰ τὴν ἀνεμπιστίαν τῆς  
 ἀπολήψεως: δάνεισμα δὲ διὰ τὴν μεγαλοδωρεάν τῇ δει-  
 σέει, τῇ ἀπορίννωτι ἐπὶ αὐτῇ. Hæc Divus Ba-  
 filius, quæ nos ita exprimenda putamus. Quod au-  
 tem, ait, Domini consilium est? Mutuum date his à  
 quibus nihil speratis recipere. Et quale hoc tan-  
 dem mutuum vocat, cui nulla redditionis spes ad-  
 iuncta est? Perpense vim dicti, & legislatoris hu-  
 manitatem admirabere. Quando inopi propter  
 dominum daturus es, hæc eadem & donatio & mu-  
 tuatio est. donatio nimirum, ob id quòd spem re-  
 ciipiendi omnem deponis, Mutuatio verò propter  
 munificentiam Domini qui hoc officium remune-  
 rat. Nullane igitur dicet aliquis extat lex in libris  
 sacris, quæ scænationē improbet? imò verò. nam  
 primum quidem in libris Exodi & Levitici Deus  
 prohibet, ne quis egeno & inopi, siue ille Iudæus,  
 siue alienigena sit & peregrinus, modò eandem re-  
 ligionem colat, scænore pecuniam occupet. in li-  
 bro verò qui Deuteronomion inscribitur, genera-  
 tim loquēs, id est, tam de paupere, quàm eo qui nul-  
 lius opis indigens, quærit ex alterius pecunia suas  
 augere copias, Ne, ait, scænore pecuniam occupes  
 fratri tuo, neq; esculentum, neque aliud quicquam  
 quòd scænoridari possit. Barbaris quidem & ex-  
 teris

Locus  
 Moſis ex  
 planatus.

teris fœnerabis: fratribus verò tuis nō fœnerabis. Iudæos inter se fœnerationem exercere prohibet, quæ lex ideo similiter nos obligat, quoniã ad ceremonias non pertinet, & eos ritus qui non in omne tempus instituti fuerant, sed ad perpetuam naturæ æquitatē spectat. id quod hoc argumēto confirmari potest, quod David psalmo XIII. & Ezechiel cap. XVI. eos beatos fore affirmāt, qui pecuniã suam non dederint fœnori: contrā qui eum quæstum exercent improbos ac sceleratos. Quorsum igitur Iudæis permissum est, alienigenis & barbaris pecuniam dare fœnori? quū is quæstus ab æquitatē naturæ tantopere adhorreat. an de septē illis populis id intelligendum est, quorum facultates omnes & copias prædari ac diripere iussi erant? Verūm vt id omittam, quod ea lex in omne tempus lata est, quo tempore à cæteris omnibus nationibus gentē Hebræam distingui ac secerni oportebat, non quo septem illi populi excindi ac deleri poterant: vt illud inquam præteream, certè quum & vitæ & necis illorum domini essent, iuberenturq; illos quasi neci addictos ferro trucidare, vitæque expellere, ac tum eorū bona diripere, nihil, mea quidē opinione, attinebat aliã eos prædandi ac spoliandi rationē quærere. an igitur illud potius existimandū est, quod vi deo ipsos Iudæorū Theologos affirmasse, quoniã ea gens arderet avaritia, & alieni appetens esset, concedendum illorum effrenatæ cupiditati fuisse, vt se barbaris nationibus expilandis explerent, itaque à suæ gentis hominibus abstinerent. Verūm illud contra nefarium est, vitiis hominum indulgere



gere Deum existimare; & eorum peruersis cupiditatibus lenocinari, atque inseruire. Huc accedit, quòd verisimile nō est Deum permisisse populum illum suum, quem sanctū, & castum haberi veller, eo tam turpi, & flagitioso quæstu contaminari. Quid igitur illud est, quod exteris scœnori pecuniam dare licuit? Respondeo, quoniam aliæ natio-

Cur per-  
missum  
Iudæis  
alieno da-  
re scœno-  
ri.

nes barbaræ Mosaicis legibus nō tenebantur, quæ ciues scœnus inter se exercere prohibebat, ac si quid aliquando cum Iudæis contrahebant, quibus præsentī, vt fit, pecunia opus erat, illos grandi scœnore premebant, vt ius inter vtrosque æquabile & vnum omnibus esset. Iudæis similiter permissum est, si quando illis mutuam pecuniam darent, vicissim vsuræ nomine aliquid stipulari. Sic enim eum mihi locum explanandum esse admonuit Theologus summo ingenio præditus, & doctrina atque omnium optimarum artium studiis eruditissimus Cephæ Teruius, quem ego authorem vehementer sequendum puto. Eōne igitur permissum fuisse putandum est, vt passim ex pecunia quæstum facerent, eamque publicè negotiationem quasi artem quandam legitimā exercerent? vt mensarii Lugdunenses & Veneti, qui pecuniæ nundinationem & quasi mercaturam quandam exercent. Mihi quidem non fit verisimile, quandoquidem & natura ab huiusmodi quæstu abhorret, & non modò aleatoribus, verum etiam furibus turpiores ac deteriores scœneratores ipsi etiam philosophi iudicarunt. neque verò Iudæorum populo aliunde quàm ex legitima & probabili arte quæstum facere permissum



sum esset. Et quoniam omnia persequimur, illud etiam videamus, an rectè quidam existimant, qui scribunt eum quæstum, etsi per se flagitiosus & iniquus sit, attamen quoniam à Deo propterea permissus est, vt Iudæis nationes omnes barbaras eorūmq; copias & facultates subiiceret, iustissimum existimandum esse, quemadmodum furtum illud Aegyptiorum suppellestilis, quod quia à Deo permissum erat, etsi per se iniustū ac flagitiosum, nunquàm tamē in culpa positum aut crimini datum est. Verū illi mihi sanè non satis eiusce rei rationem tenere videntur, propterea quòd eos tantū quos dixi septem populos prædari licebat: cæteris iniuriam inferre nusquam permissum est. Et quanuis Deuteron. cap. xx. concessum est, quosuis populos, si se in deditiōem Iudæorum rede-gissent, tributum ferre cogere: si obsidione caperentur, vastare & populari, hoc tamen ita intelligendum esse constat, quum belli inferendi iustæ & probabiles causæ extitissent. Verū vt hanc longam minimèque necessariam disputationem omittamus, atque ad prima illa reuertamur, videamus si quæ religionis nostræ decreta vsquam extent, ex quibus illa nostra de scæneratione sententia confirmari possit. Est autem in actis Niceni concilii decretum quoddam, in quo quidquid ad hanc quæstionem pertinet breuiter his verbis conclusum est.

Niceni  
Concilii  
de scæne-  
ratione  
sententia.

Ἐπειδὴ πολλοὶ ἐν τῷ κανόνι ἐξετάζομενοι τὸν πλεονεξίαν καὶ τὸν ἀσχεροκερδίαν διώκοντες ἐπελάδοντο τῆς θείας γράμματος, λέγοντες, τὸ ἀργύριον αὐτῆς ἔκ' ἔδοκεν ἐπὶ τόκῳ, καὶ δανείζοντες ἑκάστους ἀπαιτῶσι, ἰδικαίω-  
σιν

περὶ ἡ ἀγία καὶ μεγάλη σύνοδος, ὡς εἴ τις ἐνυρεθεῖν μετὰ τῶν  
 ὄρων τῶν τοῦ τοῦ λαμβάνειν, ἐν μεταχειρήσειος ἢ ἄλλῃ  
 μετερχόμενῃ τὸ πρᾶγμα, ἢ ἡμιολίας ἀπαιτῶν ἢ ὅπως  
 ἑτέρῳ τι ὑπνοῶν ἀσχερῶς κέρδιος ἐνεκα καδαυρεθήσεται τῷ  
 κλήρῳ καὶ ἀλλότριος τῷ κανονος ἕως: id est, Quoniam  
 multi immodicè habendi cupiditati dediti, & tur-  
 pia lucra sectantes memoriam Scripturæ sacræ de-  
 posuerunt, quæ inquit, Pecuniam suam non dedit  
 scœnori: & mutuuum dantes centesimas exigunt, de-  
 crevit sanctum & augustum concilium ut si quis in-  
 ueniatur post hoc decretum qui scœnus accipiat,  
 vel per se ipse, vel alio quouis modo rem contra-  
 hens, aut sciscuplas, (id est, scsiquicentésimas,) exi-  
 gens, aut omnino aliud quiddam turpis lucri cau-  
 sa animo agitans, abdicetur clero & alienus sit à  
 Canone. Hæc igitur Ecclesiæ Christianæ de scœne-  
 ratione sententia est: quæ etsi de solis clericis; ut  
 nunc loquimur, mentionem facere videtur, iisque  
 solis pœnam publicam statuere, minimè tamen du-  
 bitandum esse constat, quin ad omnes Christianos  
 pertineat. Neque enim cuiquam existimandum est  
 Centesimas tantum & scsiquicentésimas eo decreto  
 prohiberi, quasi alia leuiore permittantur. disertè  
 nanque omnè scœnerationis quæstum condemnat,  
 quum ait, Si quis inuentus fuerit qui scœnus exer-  
 ceat, & qui turpia lucra sectetur. ex quo apparet  
 scœnatoriam negotiationē tanquam turpem, for-  
 didam, homineque Christiano indignam impro-  
 bari. Neque verò mirari satis possum quid in men-  
 tem venerit Alciato, quum in libris quæ Parer-  
 ga inscripsit, capite quodam, affirmare non dubi-  
 tat,

rat, consilium hoc ad perfectiorē vitam, non præceptum dari Christianis: & interdum aliter atque aliter placere ecclesiæ Scripturam diuinitus traditam interpretari. Itaque quibusdam pontificibus olim visum esse, Lucæ locum quem de fœnore intelligebant ad consilium referre. at deinde, inquit, Gregorio, Clementi, aliisque pontificibus placuit locum Evangelicum ad præcepti necessitatem trahere. idēque de diuortio affirmat, & item de ieiunio, & de nuptiis sine parentum consensu factis. neque enim ius diuinum adeò certum & indubitatum esse, quin varias interpretationes habeat. His verbis vtitur Alciatus. Sed vellem pro suo singulari ingenio & eruditione non abuteretur eloquentia quam à Deo immortalis accepit, vt honesta studia adolescentium adiuuaret, non vt eius Scripturæ maiestatem (quam Angeli & spiritus cælestes venerantur & colunt) autoritatemque minueret. Quid tam inhumanum est, quàm oracula & mandata Dei, cuius numini parent omnia, quasi plumbeam ædificationis Lesbix regulam arbitrato nostro huc illhuc flecti ac torqueri posse arbitrari? Deum oro vt mansuetorum hominem mentes illustret, & eos qui homines pro Deo venerantur malis omnibus affectos atque afflictos malè perdat. Sed redeo ad institutum. Non est hoc hominum consilium quod ad solos clericos pertineat. Extant enim inter constitutiones ecclesiasticas Leonis Papæ primi decreta, quibus apertissimè huiusmodi quæstus improbantur non solum in clericis, verum etiā in aliis omnibus, qui

Christ

Christianam religionem amplexi sunt. Neque hoc, inquit, prætereundum esse duximus, quosdam lucrari turpis cupiditate captos vsurariam exercere pecuniam, & fœnore velle ditescere. Quod non dicam in eos, qui sunt in clericali officio constituti, sed & in Laicos cadere, qui Christianos se dici cupiunt, condolemus. Quod vindicari acrius in eos, qui fuerint confutati, decernimus: vt omnis peccandi opportunitas adimatur. Illud etiã duximus præmonendum, vt sicut non suo, ita nec alieno nomine aliquis clericorum exercere fœnus attemptet. Fœnus autem hoc solum accipere, & exercere debemus vt quod hîc misericorditer tribuimus, ab eo domino, qui multipliciter & in perpetuum mansura retribuet, accipere valeamus. hæc ille, quæ quia & scripturæ sacræ, & naturali rationi, ciuilibusque legibus consentanea sunt, nemo dubitabit authoritatem illis adiungere. Quamobrem autem ἀρχοκέρδαι vocentur illi quæstus, id est, lucra fœda & turpia, copiose docet Chrysostomus aut quisquis eius commentarii author est, qui eius nomine circumfertur, in Euāgelium Matthæi, cap. xvii. Quid enim, ait, irrationabilius inueniri potest, quàm sine agro & pluuiâ & aratro seminare? Has ob res qui hanc pestiferam agriculturam adinuenerūt, zizania metunt, quæ igni æterno tradentur. An forsan viuendi iustè modi nō inueniuntur? Num sunt agrorum cultus, gregis, pabula, armentorum custodia, manuum operatio, solius tuarum rerum cura? Eadem ratione vtitur vir sanctus, quam & eruditi omnes sequuntur, & luculenter

lenter exponit Aristoteles eo quē supra citauimus loco. nimirum quod ē re sterili captatur fructus, qui ab harum rerum proprietate discerni non potest: ac suadet, vt qui pecuniam habent eam in alios vsus legitimos, & naturales quæstus collocent: veluti agriculturam, armentorum pastum, mercaturā iustam, & alios huiusmodi. non quod omnes adigat ad aratrum, sed vt fructibus & vectigalibus prædiorum, quæ colonis elocent, victum cōparent. Præclarē nanq; Basilii acer & verus rerum estimator, *δ γεωργὲς, inquit, τὴν εἰσάχυν λαβὼν τὸ ἀπέρμα πάλιν. ὑπὸ τὴν ῥίζαν ἐκέρδονα. οὐ δὲ καὶ τὰς καρπὸς ἔχεις, καὶ ἐκ ἀφίσσας τῶν ἀρχαίων. ἀνδρὶ γὰρ φυτὸν εἶς, ἀνδρὶ πορρῆς θείσεις.* Agricola, inquit, spicis collectis semetētem prætereā sub radice non euellit. Tu verò & fructus habes, neq; tamen ab agro temperas. Sine terra feris, sine semente metis. Non ostētationis causa colligo sententias veterū quæ nihil ad rem pertineāt, aut causæ nostræ minùs inseruiant. Multa sunt loca apud Augustinum, Ambrosium, Chrysostomū, quibus scēnus damnatur, vt quum veneno aspidis cōparatur, quod per omnia membra discurret: aut modico fermento quod totam consersionē corrumpit. quia quum vsura (inquiunt) domū alicuius ingressa sit, totam eius substantiā ad se trahit. Alii eam hirudinibus cōparant, quod vt illæ sanguinē, hæc similiter hominū facultates exugunt. Estq; Plutarchi liber eodem ferè argumēto scriptus. Verūm hæc illorū omnia minùs ad rem faciunt, siue quod ad scēneratores in odium adducendos pertinent, eos qui pauperum & inopum facultates deglubūt:

Chryso-  
stomi de  
fœnera-  
tione sen-  
tentia.

de quibus vno omnium consensu reiectis & con-  
demnatis nihil me attinet plura hoc loco dicere.  
siue quòd debitores à mutuo à fœneratoribus pe-  
tendo deterrere conantur. Verùm illud tantùm à  
nobis quæritur, an qui fœneratoriam negotiatio-  
nem exercent, vt illi quos Banquarios vulgò appel-  
lant, aut verò alii prætereà qui otiosam pecuniam  
fœnerant, atq; inde quæstū aucupantur, legitimum  
ac iustum quæstum faciant. De quo quoniam alibi  
luculenter & propè diuinitus à Chrysofomo com-  
memoratum est: nimirum in Matthæi cap. duode-  
cimo, Homil. trigesima octaua, satis est illius verba  
hoc loco ponere. Super omnes, inquit, mercato-  
res plus maledictus est vsurarius: quia mercator  
dat rem vt iam illam non repetat: iste autem post-  
quam fœnerauit, & sua iterum repetit, & aliena  
tollit cum suis. Adhuc dicit aliquis, Qui agrum  
locat, vt agrariam recipiat, aut domum vt pensio-  
nes recipiat, num est ei similis, qui pecuniam dat  
ad vsuram? Absit. Primùm quidem quoniam pe-  
cunia non ad aliquem vsum inuenta est, sicut ager,  
vel domus, sed ad pretium emendi vel vendendi.  
Secundò, quoniam qui agrum habet, arat eum, &  
fructum accipit ex eo. Similiter & qui domum ha-  
bet, vsum habitationis capit ex ea. Ideo qui locat  
agrum, vel domum, vsum dare videtur, & pecu-  
niam accipere: & quodāmodo quasi videtur com-  
mutare lucrum cum lucro. Pecuniam autem si  
repositam in sacculo teneas apud te, nullum vsum  
capis ex ea. His rationes grauissimas & erudi-  
tissimas enumerat vir sanctus, quibus non modò  
mens

mensarii publici, verumetiam omnes mensario-  
rum similes condemnantur. Quorum etsi infinita  
sunt genera, vnum tamen exempli causa propo-  
suisse, satis ad intelligendum erit. Redeat enim ad  
mercatores ex opera & arte sua magna pecuniæ  
vis: redeat ad aliquem hæreditas, quæ in pecunia  
numerata consistat: aut verò ex venditione agrì  
suorumque bonorum quædam pecuniæ summa  
redacta sit: iustumne illi & legitimum sectari quæ-  
stum existimandi sunt, quum alium quærunt, cui  
pecuniam suam dent fœnori, vt ex illius opera in-  
dustriæque lucrum captent? De paupere & eo qui  
necessitate premitur nunc nihil quærimus. Gra-  
tis enim illi mutuò dandum est. De locuplete igitur  
ambigimus, qui quum nullius opis indigeat,  
quærit ex alterius pecunia suas augere copias. Po-  
namus itaque mercatorem quendam locupletem,  
ipsūque adeò regis Lusitanix institorem, qui  
non parui beneficii loco habiturus est, in lucro  
etiam positurus, si quis ei pecuniam grandi etiam  
fœnore mutuò det. Et sanè nonnullos in ea esse  
sententia videmus, vt eum esse quæstum & ho-  
nestum & legitimum affirmant: nimirum pro-  
pterea quod ex aliena pecunia lucrum faciat.  
Nunc illud omitto quod suprà copiosè & satis  
vt arbitror diligenter ex medio iure ciuili de-  
monstratum est, pecuniam mutuo datam debi-  
toris fieri: non manere creditoris. Neque  
enim nobis nunc cum iis res est, qui eruditum il-  
lum puluerem attigerunt. Sit igitur aliena pecu-  
nia ex qua mercator lucrum facit. Eône tamen

legitimus creditoris quæstus existimandus est, qui pecuniam aleatori dedit mutuo, vt ex aleæ lucro partem habeat? At multum inter vtrunque lucrum interest. Nam illud ex mercatura & arte probabili: hoc ex improba & flagitiosa factum est. Quæ tandem ista tergiuersatio est? Non enim vnde debitoris lucrum reddit, sed vnde creditor id petat quæritur. Est autem eius creditoris in aleæ ludo turpissimus, id quod inter omnes constat, & improbissimus quæstus. quoniam ex arte nulla probabili & legitima comparatus est. Erit igitur eadem ipsa regula & lege adhibita eius de quo postremo loco diximus creditoris. Non igitur illud quærédum est, Institor Lusitaniæ principis, aliúve debitor lucrú ex aliena pecunia fecerit, nécne. Sed illud potius, iusténe creditor id lucrum petat, aut eius lucri partem, quod ideo negamus, quoniã ex re sterili, opera & arte sua nulla, ex alterius labore & industria id petit. Et quanuis debitor ex arte probabili & legitima lucrum fecit, nullam tamen eius partem creditor sibi vindicare potest: propterea quòd nulla inter eos societas contracta est. Ea enim vis societatis est, vt etiam eius socii quæ nullam operam sed solam pecuniam contulit, operam tamen eius qui eam confert communem faciat.

Neque verò satis huiusce disputationis nodum videre illi quidem existimari possunt, à quibus notationis & fœnerationis & beneficii debitoris differentia. Istra hæc sententia rideri solet, quasi debitores qui se summo à creditoribus beneficio affectos profitentur, ea quæ vtenda acceperint maiore mensura, si modò possint, reddere prohibeamus. cōtrāq; illud



illud Hesiodi præceptum citant.

Εν μέν μετρεῖσθαι παρὰ γέγονον, οὐ δ' ἀποδίδναι

Αὐτῷ (ὅ) μετρώ, καὶ λώϊον ἄϊκε δύνῃαι.

ὥς ἂν χρησίμων καὶ ἐς ὑπερον ἄρκιον εὐρης.

Optima à vicino mensura vtendū cape:eadémq;  
illi redde qua acceperis, aut etiam cumulatiorē si  
possis:vt si quando rursus indigeas; tum quod ne-  
cessitati tuæ subueniat consequare. Nos verò tan-  
tum abest, vt illud debitoris officium & egregiam  
referendæ gratiæ voluntatem improbemus, vt eum  
qui aliter fecerit, non modò ingratum (quod per se  
grauē est) sed etiam impium appellare non dubitemus.  
Verūm eōne tandem sequitur, iure id credito-  
rem stipulari posse, debitoremque ad eam rem  
obligatione cogere? nihil profectò minus. primum  
enim in omnem euentum stipulatio concipitur: id  
est, siue lucrum, siue damnum factum fuerit. Itaque  
lucrum quod nondum in rerum natura est, quódq;  
etiam an futurum sit incertum est, quasi certum at-  
que extra periculum positum stipulatur. quinetiam  
quanuis in eum casum stipulatio concipiatur, quo  
casu debitor lucrum faceret, tamen quoniam & ex  
re, vt ante diximus, aliena & (vt Chrysostomus do-  
cet) sterili atque infœcunda, tum præterea ex arte  
nulla legitima & probabili, deniq; ex alterius ope-  
ra & labore quæstum aucupatur, iniquissimè id  
facit. Rependat igitur ea quæ vtenda debitor acce-  
pit, etiam maiore mensura quàm acceperit, grati  
ille quidem & memoris officium faciet: neque si id  
creditor acceperit, afficietur iniuria, dummodo in  
beneficii & gratiæ, non autem in debiti loco id nu-

Debitor  
soluēs fœ-  
nus an in-  
iuste fa-  
ciat.

meretur. Nam vt Aristoteles libro Ethicorum quinto eleganter scribit, qui sua dedit (quemadmodum Homerus ait Glaucum dedisse Diomedī, Prōq; nouem centum, pro ferro tradidit aurum) iniuriam non accipit. quandoquidem vt det in ipsius situm est potestate. Sed non quod honestè accipimus, idem etiam continuò honestè petere possumus. Quærat igitur aliquis, quum debitor non iniuste faciat, grati etiam & memoris officio fungatur, qui maiore mensura reddit, quod acceperit, iustè & piè ac saluo officio faciet, si mensario publico fœnus ex stipulatione pendat? an potius quum iniquissimus & improbissimus contractus fœnerationis sit, eadem vtriusque contrahentis ratio sit, in contractu, & tam iniqua sit debitoris promissio, quàm stipulatio creditoris. Et si autem non sum nescius lubricum hunc esse locum, plenūque dissensionis inter doctissimos, tamen quoniam ad eum nos instituta disputatio perduxit: non dubitabimus nostram de eo sententiam breuiter simplicitérque proponere. Existimo autem equidem rem omnem ad certam rationis normam dirigens, & diligentissimè perpendens momenta officii vtriusque contrahentis, reciprocari in eo negotio contrahendo honestatem & turpitudinem conuentionis. Iam illud à nobis explicatum est, fœneratorem aut ex stipulatione fœnus accipere, aut solo debitoris beneficio, qui grati & memoris officium faciens plus reddit quàm acceperit. Ostendimus præterea satis vt arbitror diligenter, idque nobis iampridem persuasum esse

esse non dubitamus, stipulatione fœnoris contractum inter Christianos & probos viros vitari: nimirum quia pernicioſa eſt Reipublicæ, deferuntur artes, & flagitioſa negotiatio eſt, ex re ſterili ex arte & induſtria creditoris nulla, per labores & vigilias alterius quæſtus comparatur. Ex quo ipſo perſpicuum eſſe arbitramur, quæ res per ſe ipſa turpis & flagitioſa eſt, eius rei non minùs improbam promiſſionem, quàm ſtipulationem intelligi. Et quanquam diuerſa videatur eſſe creditoris ratio & debitoris, propterea quòd ille fœnus petèdo proximum violat, qua de cauſa ſtipulatio eius magis quàm huius promiſſio improbat, hic qui promittit nulla creditorè lædit iniuria: tamen quoniã anſam & occaſionè eius mali & iniuſtitix cõmittendæ creditori præbet, eiùſque in Republ. exitialis nundinationis exercèdæ ac retinendæ, magnâ profectò eius mali culpam ſuſtinere intelligitur. Non enim eius tantùm qui aleæ luſus, aut ſortilegii, aut alterius cuiuſvis artis improbæ & perditæ quæſtû ſectatur ſtudio improbam, ſed eius quoque qui pecuniam illis in eam rem eam impenſuris mutuo dat, itaque eius mali quaſi fomitem ac materiam quandam ſubminiſtrat. Profectò enim ſic ſe res habet, vt niſi eſſent qui fœnori pecuniam acciperent, eſſent nulli qui fœneratoriam exercerent. Et quanquam nulla vnquam lege Iudæis interdictum eſt, ſi quando cum exteris nationibus negotiarentur, fœnori pecuniam ab iis accipere, minimè tamen hoc ad imitationem nobis referendum eſt: non magis quàm quod iisdem fœnori dare per-

missum erat. vtpote quum quid aliæ omnes Barbaræ & exteræ nationes, quas tanquam perditas & reprobas detestabantur, vel iustè vel iniustè facerent, pro nihilo putarent. Porro autem quemadmodum in fœnoris stipulatione ex creditoris factò debitoris factum estimandum esse docuimus, nimirum propterea quòd eius contractus æquitas iniquitasque reciprocatur, ostendimus etiam ex factò debitoris vicissim creditoris factum metiendum esse. Vnde quum in persona debitoris, qui citra vllam conuentionem aliquid præter sortem creditori reddit, factum illud non improbamus, magnopere etiam laudemus, cõsentaneum est etiã, vt ne creditoris quidem factum qui id accepit improbari possit. Ac de his quidem ita se rem habere non dubitamus. Quanquam illud quoque adiiciendum esse arbitramur, nobis non videri bonorũ virorum conscientias tam angustè arcteq; his quasi vinculis cõstrictas teneri oportere, vt si quis in magnam aliquam atque acerbam difficultatem incurrit, neque vlla emergendi potestas aliunde appareat, quàm ex fœnerationis adiumento, non potius necessitati pareat, quàm magno aliquo detrimẽto afficiatur. Hunc enim ab ea quam diximus culpa liberat necessitas, vt eius iniustitiæ cõmittendæ nullam occasionem attulerit. Quid enim si quis à prædonibus aut piratis captus magnam eis pecuniæ vim promittat, vt sese inde eximat, ac tandem etiam persoluat, eõne dicenda turpis pecuniæ promissio est, quia eius exactio turpitudine non vacat?

De

*De vsura annua, vt antichresi, & eo contractu quo fundus eiusve reditus sub conditione redimendi venditur, item de vsitata emptione redituum, & legati specie cuius mentio fit in celeberrima. l. iij. D. de ann. legat.*

## CAP. IIII.



**A**CTENVS de fœneratione & vsurarum quæstu dictum sit, satisque vt arbitror diligenter expositum, quibus de causis eum quæstum qui fœnore percipitur improbum minimèque tolerandum esse iudicemus. Nunc igitur quoniam inuenta regula & quasi norma quædam est, qua possit de cuiuscunque quæstus & lucri æquitate iniquitatèque iudicari, (requiri enim necessariò quatuor ostendimus, vt res nostra sit, eadèmq; frugifera, & fertilis, periculum prætereà & damnum ad nos pertineat, & ex arte legitima lucrum fiat) postulare hic locus videtur, vt alios quoque eiusdem ferè generis contractus ad eandem normam & regulam exigamus. In primis igitur de contractu eo quem Martianus in l. si pecuniam. D. de pign. act. & l. si is qui. §. j. D. de pign. ἀντίχρησις appellat, videamus. Hanc enim vsuræ quandam esse speciem superiùs ostendimus: siquando videlicet pro debita pecunia vsura nō in pecunia sed in fundi aut ædium fructibus soluatur. Hæc enim eius verbi notatio est, quasi creditor, cuius pecunia debitor vitur, contrà re à debitore pignori oppo-

Anti -  
chresis  
quid sit.

An probāda Antichresis.

fit utatur. extatq; huius conuentionis species memorabilis in l. si ea lege. C. de vsur. Finge igitur Sempronium mutuo dedisse Titio pecuniam, & fundum aliquem pignori accepisse, stipulatūque esse vsurarum loco fundi fructus. Nunc vtrum ea fundi pensio fœneratio dicenda sit, ob eāq; causam turpis & improba existimari debeat, dubitari potest. Primum enim quum debitor utatur creditoris pecunia, si contrā re debitoris creditor utatur, præsertim ex conuentione, ius par & æquabile vtriusque videtur esse. Præterea quum ager in conuentione est, & culturæ sumptus & fructuum incertitudo (vt sterilitas & tempestatum pericula) ad creditorem spectant. Ex quo quidem probari posse videtur, vt qua in re & sumptum & operam posuerit, eius rei commodum & emolumentum percipiat. Contrā illud adferri potest, adhibita illa quam sæpe dico regula & præscriptione, iniquum hunc quæstum & illegitimum apparere. quoniam etsi & res fœcunda est, (si ad pignus spectandum sit) & sumptus in ea re creditor fecerit, periculūque suscepit, ex re tamen aliena lucrum petit. Remanent enim opposita pignori, debitoris. Neque verò existimari potest, pari vtrunque & æquabili iure in re vti alterius. Nam si vestem tibi meam opposui pignori, non tamen eodem iure vti in re mea poteris, quo ego in pecunia. Verum est enim quod scribit Vlpianus, creditorem, qui pignore utitur, furti crimine obligari. l. si pignore. D. de furt. At illud ex pacto inter nos conuenit. Causam igitur eius-

ce conuenti pacti videamus. An locatus ager est? minimè. quid ergo? apertè exponenda causa est: propter vsum pecuniæ creditoris id illi conceditur. In quo contractus iniquitas & iniustitia cernitur. Verè nanque pecunia locatur. quod quia vel contra eius naturam fit, (permutandi enim non locandi causa inuenta est) vel quòd separatam ab vfu proprietatem non habet: vel aliis prætereà permultis causis, de quibus antea latè commemoratum est, turpissimum & iniquissimum iudicatur. Sed fortassè dixerit aliquis, Cur ergo iure id ciuili permissum est? quemadmodum appareret ex d. l. si ea pactio. & l. si ea lege. C. de vsur. respondeo idem in hac fructuum quod in pecuniæ numeratæ vsura & accessione dicendum esse. Plana enim & perspicua regula est ciuilis iuris, Vsuras nunquam nili ob id quod verè & non simulate interest deberi. quemadmodum copiosè & vt mihi quidem visum est diligenter ante à nobis commonstratum est. Quamobrem ita distinguendum esse arbitror, an creditor iuuandi tantummodo debitoris causa, & adeò nullius sui commodi & emolumenti habita ratione, vt etiam eius magnopere intersit, an verò sui tantum quæstus & lucri gratia id fecerit. Nam si fortè mercator ad nundinas profectus, pecuniæque summam aliquam secum deferens ab amico, emolumenti sui, collocandæ fortassè filix suæ, causa rogetur, vt eam illi pecuniam mutuo det: idque illi ea lege & conditione concessisset, vt interea fundo alterius frueretur, quoniam interesse creditoris

toris constat usu carere suæ pecuniæ, usura ea legitima & probabilis existimari debet. Si verò ita collocandæ suæ pecuniæ occasionem creditor sui lucri causa quæsierit, neque aliter eius intersit, sed eam quasi pecuniæ negotiationem exerceat, quoniam ea vera fœneratio est, quæ ex ipsis nummum corporibus fructum petit, improba & iniqua ea conventio existimari debet. Quum enim pecunia sterilis sit, nihilominus contra naturam facit, qui ab ea fruges expectat, quàm qui pecuniam præsertim quum & vendi fruges, & locari domus à creditore possint. Ex quo ipso de alio quoque conventionis genere usitato iudicari potest: quum fundus eiusve redditus emitur ea lege, ut quotiescunq; venditori visum erit, redimere possit. Eo nanque casu fors emptori redditur, & tamen redditus illi annui quos percepit eius fiunt: qui quoniam accessio videntur esse ad sortem, fœnus quoque redolere videri possunt, & ad speciem quandam ἀντιχρήσεως pertinere. Contrà illud certum est, multum inter huius emptoris usum & illum creditoris, cui ius ἀντιχρήσεως datum est, interesse. Primum quia creditor ex re aliena fructum percipit, emptor ex sua: neque enim pacto de redimendo interposito impediri dominii translationem affirmari potest propter l. ij. C. de pact. inter empt. & vendit. prætereà quòd ante dicebamus redditus ab emptore intereà perceptos accessionem esse, hoc quidem summo opere negandum est. Quum enim hic contractus nihil aliud quàm emptio & venditio sit, ut modò diximus: quodcunque ultro citroque transfertur, in forte

De contractu redemptionis.



forte hoc & principali re, nō in accessione ponendum est. contra verò in pignore aut mutuo quæquum rem principalem contineant, id quod prætereà accedit atque adiungitur haud dubiè accessio est, itaque appellari oportere constat. Quæquum ita se habeant, quid tandem existimari de alia vſitata veſtigalium emptione debeat, non obscurum esse arbitror. Finge enim Sempronium quum pecuniæ indigeret, ita cum Titio conuenisse, vt eum Sempronius pecunia sua iuuaret, ac vicissim ab eo tandiu ex certo fundo x x x. modios annuos frumenti aut eorum pretium acciperet, quandiu pecunia Titio non redderetur. Hæc enim vſitata hodie conuentio est, cuius etiam exemplum extat memorabile in Nouella const. c l x. vbi summa quædam pecuniæ ex legatis ciuitati relictis collecta, ne quando ea deperiret, à magistratibus ita collocata fuisse traditur, vt qui eam suscepissent, pensionem aliquam eo nomine Reipublicæ singulis annis persoluerent, quandiu pecuniam illam penes se habuissent. Ac nonnulli quidem in ea sententia sunt, vt dicant fœnerationem ea conuentione exerceri, proptereà quòd ex nuda pecunia fructus quæritur. neque enim si quando fors reddatur, eas pensiones in sortem imputari. In quo ego magnam hercle video illorum imperitiam. Quis enim non videt, quantum inter Mutui contractum & hanc conuentionem intersit? Nam in Mutuo quidem ita fors alienatur, vt tamen debitoris obligatio semper eam debitori, quum illi videbitur, præstet: id est, vt fors in omne tempus salua & integra creditori

De vulgata emptione reddituum.

tori remaneat. Contrà vsitata conuentione ipso stipulationis momento fors ei deperit, à quo data est. adeò vt eam neque vllò iure, neque vlla obligatione, quandiu redditus pendetur, reuocare possit. Ex quo quidem intelligi debet veram neque simulatam eo casu emptionem contrahi: neq; quidquam accessionis loco venire: sed quod vltro citròque datur, rem esse primariam ac principalem: & pretium quidem in pecunia, mercem contra in vectigalibus versari. ob eamq; causam emptorem non ex aliena re, sicuti fœneratorem, sed ex sua, nimirum ex emptis vectigalibus, neque porrò ex re sterili & infœcunda fructum sibi comparare. Causa enim non in pecunia, sed in debitoris bonis & vectigalibus posita est. In quo illud quæri potest, quoniã suprà diximus periculum eius rei vnde fructum petimus ad nos pertinere oportere, quemadmodum rei venditæ periculum ad emptorẽ spectat, Vtrum fundi in contractu nuncupati periculum, ita ad emptorem pertineat, vt si vel pereat, vel imminuatur, redditus quoq; perire vel minui oporteat. Quod eo etiam verisimilius quibusdam videtur, quia si fundus aut eius redditus qui sub redimendi conditione venditus est periret, haud dubiè emptoris periculo periret. Quum enim, vt dixi, & hæc & illa vera emptio sit, esse quoque aliquod emptoris periculũ oportere videtur. adeò vt nonnulli & ii quidem eruditi affirmare non dubitent, hanc nostram vsitatam reddituum emptionem semper in certum fundum referendam esse, ac vitari si sola debitoris persona obligetur: id est, si ad personam,

nam, non ad rem obligatio pertineat: propterea quod semper certus & extra periculum positus emptoris redditus existeret. Et profecto ita est, ut in contractu illo celebri de quo mentio fit in cap. j. & ij. de reb. eccl. non alien. libro Extrauagan. iij. & unde nostrorum reddituum formam peruenisse ad nos quidam putant: ea lex inserta sit, ut venditores non astringantur, etiam ipsis possessionibus & bonis obligatis penitus interemptis, seu destructis. Hæc enim ipsa pactionis verba sunt: quam quidem ideo etiam ea ratione nonnulli necessariam esse affirmant. quia in venditione ususfructus fundi, corpore perempto ususfructus quoque perimitur. §. ultimo. de ususfructu libro Institutionum secundo. & l. repeti. §. rei mutatione. D. quibus modis ususfructus, vel usus amittatur. Verum illi etsi eruditæ profecto minimæque leues aut inanes rationes adferunt, mihi tamen non satis ubi totius huiusce disputationis cardo vertatur intelligere videntur. liquidem in hoc genere vniuerso id primum spectari debet, ius quaesitum personale sit an reale. Nam si in rem est, ut seruitus quæ in fundo constituitur, actus, iter, ususfructus, re perempta ius quoque quod in eam rem est perimitur. Quod autem hæc obligatio reddituum annuorum personalis sit non realis, haud multæ ad probandum coniecturæ aut argumenta quaerenda sunt. Extat enim in l. ultim. §. vlti. D. de contrahenda emptione. in hac ipsa quaestione Scæuolæ responsum ita perspicuum, itaq; disertum, ut nihil magis. Si Titius, in,, quit, de fundo suo centum modios frumenti annuos,, præstare

præstare promissit C. Seio, eumque fundum postea vendiderit, his verbis adiectis, Quo iure quaque conditione hodie est: emptor C. Seio ad præstationem frumenti non erit obnoxius. Est igitur, ut apparet, hæc obligatio merè personalis, quoniam videlicet personæ semel obligatæ perpetuò adhæret, neque rem aut rei possessorem comitatur. Sed Melanchthon, quem virum honoris, ut ipsius auctoritas eruditioq; postulat, non contumeliæ causa nomino, aliiq; prætereà nonnulli discrimen hoc non videntes, ius horum reddituum reale esse arbitrati sunt. quod ex eo intelligi potest, quia tales venditiones servitutibus fundorum, ut actui, & itineri comparant. à quibus tamen longè latèque differunt. quia quum personales obligationes rei possessorem non sequantur, quemadmodum Vlpianus ait in l. j. §. si hæres. D. ad senatusconsult. Trebel. contrà hæ servitutes rei, ut ita dicam, visceribus inhærent, & rem quocunque abeat consequuntur. Qua de causa etiam actiones reales harum nomine nobis competere perspicuum est ex. §. æquè si agat quis. De actionib. lib. Inst. iij. utpote quæ nostræ sint. unde formula cōcipitur, Hanc rem meam esse aio. contrà quam in his redditibus, qui quanvis à nobis verè & non simulatè empti sunt, non tamen nostri esse dicentur. neque illa formula à nobis peti possunt, sed ea potius quæ personalis actionis propria est, Aio te mihi dare facere oportere. Id quod apertissimè Vlpianus docet in l. obligationum. D. de act. & oblig. ubi etsi ususfructus aut fundi redditus ex stipulatione promittatur: tamen obligationis

gationis eius substantiam in eo non consistere respondit, vt seruitutem nostram faciat, sed vt nobis sponso rem obliget ad dandam seruitutem. ex quo etiam responsum iis volumus qui hunc contractum similem esse emptioni iudicarunt, quæ sub conditione redimendi facta est: in qua fundus aut eius redditus ea conditione emptus emptori perit. Nam eo casu verè emptæ res transit in emptoris dominium: hîc tantum ius in personam quæritur. ex quo actio quoque personalis nascitur. Eone igitur redditus emptori perit, si fundus in contractu nuncupatus intereat: quoniam vsusfructus ex stipulatione debitus fundo sublato perit? Minimè. Hoc enim inter vtrunque interest, quod vsusfructus ius est, vt ait Caius, in corpore, quo sublato & ipsum tolli necesse est l. secunda D. vsufr. hic autem redditus ius est in persona: quia persona obligata quotannis dare facere tenetur: neque emptor per se ipse potest fructus percipere contrà quàm in fructuario, qui ipse arbitrio suo suisque manibus fructus vt pote suos sibi que proprios percipiet. quade causa etià Scæuola in lege fundi Trebatiani D. de vsu & vsuf. leg. si testator vxori suæ fundi certi redditum quoad viuet dari voluit: perspicuè respondit, posse tutorem hæredis fundum vendere, neque tamen legatariæ emptorem obligari: sed tutorem eam debere quantitatem annuam quam viuus paterfa. ex locatione fundi redigere consueuerat. quid ita? quoniam ea personalis obligatio est, & si re quidem ipsa & corpore pendeat: adeò vt

eo corpore perempto ipsum quoque ius perimatur. contrà quàm in illa de qua loquimur vsitata emptione vectigalium, aut ea de qua commemorat Sczuola in d. leg. vlt. de cont. empt. in quibus & si certus fundus exprimatur, tamen quoniam personalis obligatio est, quæ ab eo non pendet, idem ius à stipulatore quaritur, quod à creditore iis in rebus quæ illi pignori datæ sunt. quæ quanuis perimantur, quoniam tamen in personam obligatio est, ius creditoris non imminuunt §. vlt. Quib. mod. re. cont. l. si inter colonum. §. quicquid D. de pignor. l. prætor ait §. est præterea D. de reb. auct. iud. Ex quibus breuiter disputatis intelligi posse arbitror quod suprà diximus, neque necessarium esse, vt obligatio ad rem referatur, & incertū semper & expressum fundū redditus cōstituatur: neque si fortè constitutus sit, periculum ad emptorem pertinere. præsertim quum ea conditione nō inuentur debitores, sed potius creditorum cōmodum vtilitasque procuratur. quibus ne solam debitoris fidem alia nulla hypotheca & cauzione adhibita sequantur interdicitur. Vt vt sit, illud constat, vsitatā vectigalium emptionem eo tantum casu probandā esse, quum in omne tempus alienatur pecunia: neque de ea reddenda creditori cauetur. quoniam quidem, vt ante dixi, emptio eo casu non mutatio facta intelligatur. Quare quid eo casu dicendum sit quum obligatio de reddenda pecunia facta est, aut certo die, aut arbitrio creditoris, ea lege vt interim annua quædam pensio exsoluatur, non difficile est

est intelligi. Quum enim vera ea mutatio sit, emptioni contraria, fœnerationi planè similis, vepote quæ siue menstrua, siue annua sit nihil interest, nemini dubium esse debet, quin tanquam turpis & illiberalis quæstus improbanda & repudianda sit. Iam hoc loco quæri solet à plerisque, de legato cuius mentio fit in l. tertia §. ult. D. de ann. legat. quum testator summam quandam pecuniæ legauit, hæredesque iussit quandiu pecuniam legatario non soluerent, certam ei pensionem annuam soluere, an is quæstus legitimus existimari possit. præsertim eo casu quo summæ principalis solutio in arbitrium legatarii collata est: quoniam quidem annuorum reddituum pensio nem turpem atque improbam esse ostendimus. Verùm huiusce disputationis explicatio facilior est, quàm vt longa oratione indigeat. Nam siue fors à legatario nunquàm peti possit, sed in hæredis arbitrium collata sit, siue legatario relicta sit, alterutrius optio, nunquàm is redditus annuus ad fœnerationem accedere videri potest. quippe qui neque ex mutuo, neque ex legatarii pacto cõueniente aut procuratione ad eum redit: sed mera & spontanea testatoris liberalitate & munificentiâ proficiscitur, adeò vt quanuis non hæredes testator damnauerit, sed id quod sibi ex mutuo dato debebatur ita à debitore legauerit, vt quandiu pecuniam creditor non petat, neque eam debitor exsoluat, certa quædam annua summa pendatur vsuræ nomine, quam tamen iure testator ipse in vita manens exigere sine fœneratione non

poterat, legatum valeat: propterea quod nulla legatarii opera id factum est, & debitor de tota summa, vrgeri à testatore appellarique videatur.

Alia præterea vsurarum & foenerationum genera existunt penè innumerabilia, quæ persequi atque enumerare otiosi potius quam eruditi scriptoris arbitramur. Nobis verò non quot modi collocandæ pecuniæ sint (de toto enim hoc genere, vt Cicero scribit, commodius à quibusdam optimis viris ad medium Ianum sedentibus quam ab vllis philosophis vlla in schola disputatur) sed quæ & cuius generis vsuræ tolerari ac probari posse videantur, ab initio propositum fuit exponere. In quo si quæ nos à veritate falsa abduxit opinio (quemadmodū quidem accidere potuisse non dubitamus. non enim ii sumus qui vera nos vbique cernere affirmemus. homines enim sumus, quorum peccati supplicium in veri ignorantia & inuestigatione positum à Deo immortalis est) cogitare homines debebunt, mare nos ingressos esse infestum & scopulosum, in quo si nauis nostra non optimum semper tenere cursum potuit, minùs fortasse mirandum est: quumquidem aliorū tam multa maxima ac miserrima naufragia iisdem sæpe in locis appareant. Quocirca si meos & mihi & alijs errores indicandos atque in vulgus proferendos eruditi & ingeniosi homines existimabunt, (hoc enim & facturos esse aliquos confido, & vt perbreui id faciant vehementer peto) spero eos non maledicè aut contumeliose de paruo hoc libello detracturos: præsertim



tim quum aliorum, qui ante me scripserunt peccata sanè grauiſſima & maniſeſtiſſima, in quibus me efferre atque oſtentare potui, ſatis habuerim vel tacendo diſſimulare, vel certè verecundè & pudenter indicare, & quauis me nōnulli vt aperte alios notare nominatim etiam appellarem, ſæpe multumque hortati ſint, propterea quod meam de illorum erudiſſimis commentariis opinionem indicandam eſſe iudicabant, præſertim quum libri quidam ab iis, neque ita multis ante annis conſcripti & editi, propter ſummam, vt arbitror, eorum doctrinam in pretio habeantur, mihi tamen non tanti fuit noſtrum hoc tenuè & paruum opusculum in vulgus probare, vt naturam meam obliuiſcerer, qua ſemper à ſtudio concertandi & aliorum exiſtimationem lædendi mirificè etiam atque etiam abhorruì. Quod meum conſilium, totumque hoc in adoleſcentium ſtudiis adiuuandis propoſitum quoniam egregio in Rempubicam animo ſuſceptum eſt, ſpero fore, vt homines niſi qui vehementer erunt maleuoli non aſpernentur, in meliorem etiam partem accepturi ſint.

L 3

F I N I S.

# INDEX EORVM QVAE IN HIS LI- bris singulariter explanantur.



**A**lienatio utrū verē  
fiat in mutuo 101  
Altero tanto, quā  
summa conti-  
neatur 109

Anatocismus quid sit apud Ci-  
ceronem 25

Antichresis quid sit 153

Antichresis quid significet apud  
Martianum 15

Antichresis an probari possit 154

Aristotelis & Platonis de fœnore  
sententia 115

As vsurarum, quid sit 71

**B**eneficii debitoris, & fœnera-  
tionis differentia 148

**C**entesimæ vsuræ, qui dñt 72

Centesimæ vsuræ casus pri-  
mus 89

Centesimæ vsuræ casus secundus 96

Centesimæ vsuræ casus tertius 99

Centesimæ vsuræ casus quartus 100

Certare cum vsuris fructibus præ-  
diorum, quid sit apud Cicero-  
nem 15

Chrysostomi de fœneratione sen-  
tentia 146

Collatione & depositione fungi,  
quid sit apud Iuriconsult. 9

Concilii Niceni de fœneratione  
sententia 141

**D**ebitor soluens fœnus an in-  
iuste faciat 150

Drachmalis vsura, quid 72

**E**mptio reddituum vsitata, an in-  
sta & tolerabilis sit 157

**F**œnerari quis propriè dica-  
tur 65

Fœnerari extraneis, cur permi-  
sum Iudæis 140

de Fœneratione Niceni concilii  
sententia 141

De Fœneratione Chrysostomi  
sententia 146

Fœnerationis & beneficii debito-  
ris differentia 148

Fœneratores similes lenonib. 127

Fœnus quid sit 3

Fœnus vnde dictum sit ibidem

Fœnus qua de causa permissum  
apud Romanos 122

Fœnus legitimum 123

Fœnus nauticum 90

Fœnus nauticum iustum ac legi-  
timum 132

Fœnoris & vsuræ differētia 2. &  
41. & 64. & 113

Fœnoris & societatis differētia 35

Fœnoris negotiationem non esse  
legitimam 114

Fœnori similis sunt vsuræ quæ  
stuosæ 124

de Fœnore Aristotelis & Platonis  
sententia 115

de Fœnore Lactantii sententia 66

Fructus vicē vsurarū obtinere 21


Fructuum vsuræ quare permissi  
non sint 19

- Fructuum vicē vsuras obtinere,  
 quid sit apud Vlpianum 20  
 Fūctionis verbū quid significet 9  
 Fungi collatione & depositione  
 quid sit apud Iurif. ibidem  
**I**n creditum ire 8  
 Ius quod Interest, & pœnæ dif-  
 ferentia 46  
 Ius quod Interest & vsuræ diffe-  
 rentia ibidem  
 Ius quod Interest species quot  
 sint ibidem  
 Id quod Interest vtrum spectetur  
 in pecunia 48  
 ob id quod Interest, vsuras tan-  
 tum deberi 42  
 Iudæis cur permissum fœnerari  
 extraneis 140  
**L**actantii sententia de fœnore  
 66 Legitima vsura 78  
 Legitimum fœnus 18  
 Lenonibus fœneratores similes  
 sunt 127  
 Leuiiores vsuræ quæ 76  
 Locatio sæpe pro locationis mer-  
 cede 1  
 Locatio interdum ipsa fors, in-  
 terdum accessio 22  
 Lugdunenses pecuniæ permuta-  
 tiones 133  
**M**aritimæ vsuræ 91  
 Maxima vsura quæ dicat 76  
 Moderatæ vsuræ ibidem  
 Mora quot modis in mutuo com-  
 mittatur 52  
 Mutui contractus in vita neces-  
 saria 62  
 Mutui contractus quid à socie-  
 tate differat 130  
 ex Mutuo vtrum omne quod in-  
 terest, honestè peti possit 70  
 in Mutuo quot modis commit-  
 tatur mora 52  
 in Mutuo vsuræ plerūq; iustæ 125  
 in Mutuo vsuras etiā rectè peti 59  
 in Mutuo vtrum verè fiat aliena-  
 tio 128  
**N**auticum fœnus 90  
 Nauticum fœnus iustum ac  
 legitimum 132  
 Negotiationem fœnoris non esse  
 legitimam 114  
 Niceni concilii de fœneratione  
 sententia 141  
**O**blatio sola vtrum vsurarum  
 cursum interrumpat 30  
 Oblatio apud Aristotelem  
 quid significet 123  
**P**ecunia traiectitia 89  
 Pex nuda Pecunia non tantum  
 emolumenti, quantum ex ea  
 quæ industriæ coniuncta est 68  
 Platonis & Aristotelis de fœnore  
 sententia 115  
 Pœna quid sit, & quid differat ab  
 eo quod interest 46  
 Pœna vsuras legitimas exceden-  
 tium 110  
 Pœnæ & vsuræ differentia 44  
 Pœnam præter vsuram interdum  
 peti posse 48  
 Pœnā plerūq; pro vsura dici 44  
**Q**uadruplatores 111  
 Quanti plurimi accessio,  
 quid ab vsura differat 49  
 Quanti plurimi ratio vtrum habe-  
 ri specunia possit 50. Quæstio  
 sã vsuræ fœnori similis 124  
**R**edemptionis cōtractū pro-  
 barine ac recipi oporteat 156



Redituum emptio vſitata an iuſta & tolerabilis ſit	157	Vſuræ centeſimæ caſus tertius	96
Renouatio ſortis olī permiſſa	24	Vſuræ cēteſimę caſus quart⁹	100
<b>S</b> ocietatis & ſcēnoris differen- tia	131	Vſurā & id prætereā quod intereſt	
à Societate, mutui contractus quid differat	130	Vſuram & prætereā pœnam inter- dum peti poſſe	48
Sortis renouatio olī permiſſa	24	Vſurā ceſſante ratione damni ceſ- ſare.	83
ex Sortis genere vtrum vſura per- petuò conſiſtat	13	Vſuræ fructuum quare permiſſæ non ſint	19
Specierū vſuræ ſunt centeſimę	97	Vſurę in mutuo plerūq; iuſtę	125
<b>T</b> emporis magnū eſſe cōmo- dum aut detrimentum	55	Vſuræ leuioreſ quæ	76
Traiectitia pecunia	89	Vſuræ maritimæ	91
<b>V</b> nciaria vſura	75	Vſuræ moderatæ	76
Vſura vnde dicta ſit	1	Vſuræ quaſtuofę ſcēnori ſimil- limæ	124
Vſura propriè ſumpta quid ſigni- ficet	ibidem	Vſuræ quibus caſibus duplū ſu- perēt 106. Vſuræ ſolutæ an ſeruari poſſint 36. Vſuræ vtrū etiā ſine vlla mora peti rectè poſſint 61. Vſurę vtrū ex mora an litis cōteſtatione debeātur 29	
Vſura plerunq; pro ſcēnore	5	<b>Vſurarū alia officio</b> iudicis debē- tur, alię per ſtipulationē	60
Vſura quarū retrū cōſiſtat	8. & 11	Vſurarū aſ quid ſit 71. Vſurarū curſus vtrū oblatione ſola iter- rumpatur 30. Vſurarū vicē fru- ct⁹ obtinere 21. Vſurarū vſuras nunquā permiſſas fuiſſe	17
Vſura vtrum ex ſortis genere per- petuò conſiſtat	13	Vſuras citra ſtipulationē deberi biſariā 81. Vſuras etiā i mutuo rectè peti 59. Vſuras ex cuiuſq; damni ratione moderandas 82	
Vſura nihil aliud quàm cōpenſa- tio eiꝯ quod intereſt	43	Vſuras ob id quod intereſt, tantū deberi 42. Vſuras ob vſum ſolū deberi 28. Vſuras pro cu- iuſque regionis more olim peti ſolitas 79. Vſuras ſupra duplū exigi nō poſſe 101. Vſuras vicē fructuū obtinere, quid ſit apud Vlpiā,	20
Vſura quid differat à quanti plu- rimi acceſſione	49		
Vſura centeſima quid ſit	72		
Vſura drachmalis quid	ibidem		
Vſura legitima	78		
Vſura maxima quæ dicatur	76		
Vſura ſemis, triens. &c.	74		
Vſurā vnciaria	75		
Vſuræ definitio	5		
Vſuræ & ſcēnoris differentia	2.		
41. 64. & 113			
Vſuræ & pœnæ differentia	44		
Vſuræ & eiꝯ quod intereſt diffe- rentia	46		
Vſuræ cēteſimæ caſus primus	89		
Vſuræ cēteſimæ caſus ſecund⁹	96		

F I N I S.



167  
 168  
 169  
 170  
 171  
 172  
 173  
 174  
 175  
 176  
 177  
 178  
 179  
 180  
 181  
 182  
 183  
 184  
 185  
 186  
 187  
 188  
 189  
 190  
 191  
 192  
 193  
 194  
 195  
 196  
 197  
 198  
 199  
 200

Molto Magico.igno



